



Libra oblaty  
Sandom. R. 1712  
B. 1712

Biblioteka  
Ojców Kamedulów  
w Bieniszewie

RR PP Grm. i. Sam. Dulezka  
pope Gasparian.

*Prum semal dulcengus Montis Regij prope*  
*Caracena.*



VERI & PII  
SACERDOTIS  
I D E A

*Seu*

VITA R.D. IACOBI MERLO HORSTII,  
PASTORIS B. MARIE VIRGINIS IN  
PASCULO COLONIE,  
SS. Theol. Licent.

A SODALITATE ECCLESIAS-  
TICO-MARIANA COLON.  
adornata.

Ad CLERICORVM, & imprimis PASTORVM  
imitationem accommodata.



COLONIE,

Apud IOANNEM KINCHIVM,  
Sub Monocerote veteri,  
ANNO M. DC. XLV.

*R. L. Patrum amantissimum  
montis Regii & Varsaviensis*

633

I

I

D

G

ei

in

ta



M

m

re

ta

un





ILLVSTRISSIMO

& Reuerendissimo D.

D. FABIO CHISIO

DEI ET APOSTOLICÆ SEDIS  
GRATIA EPISCOPO NERITONENSI,  
eiusq; S.<sup>a</sup> Sedis ad tractum Rheni & alias  
inferioris Germaniæ partes, ac ad tracta-  
tus Pacis vniuersalis cum potestate Lega-  
ti de Latere Nuncio &c. Domino  
suo colendissimo.

**R** Edit ad te Illustris.<sup>me</sup> &  
R.<sup>me</sup> Præsul, Iacobus  
Merlo-Horstius; sed in i-  
mage: quā ipse dū viue-  
ret, natiuis plenæ, cumula-  
tæq; virtutis coloribus ad-  
umbravit, ego licet rudior  
L 2 cala-

# EPISTOLA

calamo delineatam, ut veram tamē pij Sacerdotis & animarum vigilātiſſimi curatoris Ideam offero, ut perennet eius viri memoria, quem Celsitudo tua non ſolum uſu, familiaritateque ſua dignum exiſtimauit; ſed etiam dilectiſſimæ Sponſæ ſuæ Neritonēſis adiutorem, ut animo pridem, ſic reipſa optaſſet, niſi diuina prouidentia tunc ei mercedem laborum deſtinaſſet, cum ann. im ætatis 47. attigiſſet, eū ipſum, inquā, annum, ut ob-



## DEDICATORIA.

obseruauit Celsitudo tua,  
quo S. Carolus Boromæus  
Iacobi è præcipuis Patro-  
nus (ad cuius vitam notis  
illustrandam voti religio-  
ne se obligarat) è viuis nos-  
citur abijsse.

Ita diuino consilio, sum-  
morumq; virorum roga-  
tu cōtiguit, vt dum ipse Pa-  
troni sui res gestas, vt for-  
mā Cleri pararet orbi pro-  
ponere, Iacobi vita, quasi  
norma regulaque viuendi  
Sacerdotū, & curatorum  
animarū publico daretur.

EPISTOLA

Sed cuius meliore, quàm  
tuo PRÆSVLLI VSTRISSE,  
sub patrocinio, cui vita,  
mores & virtus Iacobi per-  
specta, laudata & probata  
fuit, cuius ascetici libri  
præsertim PARADISVS ANI-  
MÆ ET CHRISTIANVS  
THEODIDACTVS assiduè  
versantur manibus?

Exstet hoc apud poste-  
ros incorruptissimi, reli-  
giosissimi quæ testis de Ia-  
cobo, tanti, inquã, Præsu-  
lis præconium, vitam eius,  
moresq; scriptis libris vi-  
deri



# DEDICATORIA.

deri consentaneos fuisse,  
quem ideo non viuum tã-  
tum summa coniunctio-  
ne, familiaritateque; sed  
mortuum etiam eo hono-  
re dignata fuit, Tua Celsi-  
tudo, vt eius manu scri-  
ptas preces, & decadem,  
qua Deiparam salutare so-  
litus est, præter alia, velut  
amoris, eiusque vitæ inte-  
gritatis tesseram seruan-  
dam duxerit.

Erit hoc calcar cupidis  
vitæ sanctioris in Ecclesia-  
stico statu degentibus, vt

# EPISTOLA

vt & asceticos eius relictos  
 orbi libros euoluant stu-  
 diosius, & vitam; mores-  
 que consecretentur liben-  
 tius, quem tali iudicio no-  
 uerint esse viuum & mor-  
 tuum approbatum. Ipse  
 etiam è coelis, vt tam piè  
 & innocenter transacta vi-  
 ta sperare iubet, & mo-  
 riens facturum se promi-  
 fit, Deum Opt. Max. exo-  
 rare non desinet: vt Celsi-  
 tudinis tuæ sanctis votis,  
 conatibus, &, indefessis  
 laboribus adspiret coele-  
 stis



DEDICATORIA.

stis Pater, & optatam Pa-  
cē Orbi Christiano cle-  
menter impertiatur.

*Colonia 20. Martij, Anno  
salutis M. DC. XLV.*

ILLVST.<sup>ma</sup> & R.<sup>ma</sup> CELS. V.

deuotus cliens

IOANNES KINCHIUS.

SERENISSIMVM

D. FRANCISCVM

GRATIA EPISCOPVM VIRDVNEN-  
sem &c. Decanum Metropolit.

SODALITATIS ECCLESIASTICO-

ADMODYM RR. ET AMPLIS. OS.

S. CUNIBERTI, ET

S. GEORGI Assistentes,

Et Clerum vniuersum.

PRÆFATIO.

Vitam IACOBI MERLO HORSTII  
Serenitatis Vestrae Sacellani, (cuius  
post



*Ducem Lotharing.*

post Deum curam suā Pastoralem, ei que  
coniūctam vitam quietā, & otio literario  
commodissimam, viuus & moriens tri-  
buebat) ideo Sodalitas, Illustrissimorum  
virorum rogatu, suo curauit nomine ty-  
pis publicandam, vt existeret Sodalibus,  
quorum præfecturā sæpius maxima lau-  
de & emolumento cætus Ecclesiastico-  
Mariani gessit, viua quædam regula, non  
literis, sed moribus expressa, quam facile  
quiuis de Clero possit factis imitari. *Exempla  
plus mo-  
uent, quàm  
verba.*  
*Serm. de  
S. Laur.*  
Faci-  
cus ait S. Leo *ad exhortandum sit ratio efficax  
ad suadendum; validiora sunt tamen exempla,*  
*quam verba, & plenius est opere docere, quam*  
*voce.* Nam quod per præcepta prolixis  
verbis vix tandē auditor percipit, aut sibi  
patitur persuaderi, facili negotio velut in  
immagine speculoque qui fieri possit, ocu-  
lis exhibetur, & nostrorum operum de-  
formitas elucet, quoties cū aliorum vir-  
tutibus comparatur. *Qui plenissime innotet* 24. Mōs.  
S. Gregorius intelligere appetit, *qualis est, ta-* rab. c. 6.  
*lis nimirum debet conspiciere, qualis non est: vt ex-*  
*bonorum forma metiatur, quanto ipse deserto*  
*bono deformis est; ex ijs quippe, quibus plenissime*  
*bona adjuncta perpendit recte, quæ sibi minus sunt,*  
*atque*



Ad Sereniss. Princip.

atque in illorum pulchritudine conspicit, fœditatem suam, quam in semetipso & perpetipotes, & sentire non potest: iustorum ergo debemus vitam conspicere, vt subtiliter deprehendamus nostram: illorum videlicet species quasi quadam forma nobis imitanda proponitur, quia viuæ lectio est vita bonorum.

*Iacobus  
Merlo vi-  
ua regula  
Sodalita-  
tis.*

Et fanè quisquis leges duodecim Sodalitatis percurrerit, & velut normam factis huius viri, verbis & cogitatis aptarit, vsu comperiet, ad amussim omnia respondere.

*Omnes  
eius leges  
seruauit  
ad amus-  
sim.*

*1. Tim. 4.*

Principio scopum Clericis propositum propriam & proximorū perfectionem omnibus suis actionibus, lucubrationibus & negotijs præfigebat, ac re ipsa præstitit, quod eum in Timotheo monebat Apostolus. Exemplum esto fidelium in verbo, in conuersatione, in caritate, in fide, in castitate: dum venio attende lectioni, exhortationi & doctrina, noli negligere gratiam, quæ in te est, quæ data est tibi per prophetiam cum impositione manuum presbyterij: Hæc meditare, in his esto, vt profectus tuus manifestus sit omnibus, attende tibi & doctrina: hoc enim faciens & te ipsum saluum facies, & eos, qui te audiunt.

Quo-



*Ducem Lotharing.*

Quotidie conscientiam vespere cum 2. 4. 7.  
domesticis, quorum singularem curam  
habuit, discutiebat, & lectioni libri spi-  
ritualis, vel meditationi vacabat, sacram-  
que Deo litabat hostiam. memor 2. 4. 6.  
regulæ.

Omni septimana confessione men-  
tem expiabat: Sodalitatem die Iouis fre-  
quentabat, eiusq; progressum apud alios  
etiam cum ferret occasio promouebat,  
ad mentem 3. & 11. regulæ.

II.

Venerabatur inprimis S.<sup>am</sup> Dei Genit-  
ricem Mariam, & S. Petrum Apostolorū  
verticem, iuxta 5. & 6. monitum, id satis 5. & 6.  
eius lucubrationes præsertim tabulæ te-  
stamentariæ manifestant.

Quali virtutis exemplo præluxerit  
omnibus, quo flagrarit animarum zelo,  
qua diligentia viferit ægros, & adstiterit  
morientibus iuxta. 8. 9. 10. iussione[m], 8. 9. 10.  
fusè suis locis apparebit. Adeoque duo-  
decimā exactè seruauit, quod licet sciret  
eas leges vi sua neminē ad culpā obliga-  
re, noluerit tamē in illas peccare, quoad  
eius fieri per negotia posset, ne se fru-  
ctibus vberimis & præmijs spoliaret. Ita



*Ad Sereniss. Princip.*

*Duobus  
medijs  
proficis-  
bat.*

*Cultu V.  
Sacramēti  
Deipara-  
rai.*

*Sitis so-  
lius au-  
genda gra-  
tia.  
Ser. de  
Nat. B. V.*

qui semper omnium regularum obser-  
uatissimus fuit, hoc velut canali diuina in  
se dona deriuare solitus est, gratiæq; cœ-  
lestis auxilia copiosiora percipere, quæ  
non ignorabat in cultu augustissimi alta-  
ris Sacramenti crebraque eius fruitione  
ac Deiparæ patrocinio contineri: quare  
quidquid ad vtriusque cultus incremen-  
tum crebra mentis consideratione; au-  
ctorum, qui hac de re scripserunt voluta-  
tione, quidquid dicendo, monendo, scri-  
bendo in se, vel alijs efficere potuit, non  
destitit adhibere, vt tam aqueductum  
Deiparam, quam ipsum fontem Christum  
omnibus aperiret, & ex eo plenis fauci-  
bus fluenta donorum cœlestium hauri-  
endâ propinaret; è quo fonte nouerat  
omnem se mentis tranquillitatem, gau-  
dium animi continuum, rerum caduca-  
rum contemptum, & cœlestium deside-  
rium continuo gustare, nec hanc suam si-  
tim vnquam satis explere posse, quin ma-  
ioris gratiæ, & solius quidem augmentum  
avidissimè semper expeteret, S. Bernardi  
secutus monitum. Sola enim gratia est, quæ e-  
genus, sola est gratia, qua saluamur, quia nos  
alia



Ducem Lotaring.

allā concupiscimus? quaramus gratiam, & per  
Mariam quaramus, quia ipsa, quod querit, in-  
uenit, & frustrari non potest.

Profecto neque doctrinam curiosam  
fine peruerso, neque vani nominis um-  
bram, nec eius perennitatem in terris, aut  
dignitates ambiuit, vel magnatum fauo-  
rem, vt altius eueheretur, licet nec peten-  
ti obtruderentur: solum quærebat aug-  
mentum cœlestis gratiæ: & per canalem  
ipsum MARIAM: per eam accessum ha-  
buit ad filium, eiusque vitæ consideratio-  
ni pariter & imitationi se impendit, vt as-  
secutus sit aliquaratione quod mellifluus  
Bernardus; quem sibi vitæ regulam præ-  
fixerat; & non ex vano cum eodem po-  
tuerit coram Sodalibus suis gloriari, *Fas- Ser. 438.*  
*ciculus myrrhæ dilectus meus inter vbera mea Cans.*  
*commorabitur. Et ego Fratres ab ineunte mea Amor Iesui*  
*conuersione pro aceruo meritorum, quæ mihi de- Crucifixi.*  
*esse sciebam, hunc mihi fasciculum colligare, &*  
*inter vbera mea collocare curavi, collectum ex*  
*omnibus anxietatibus, & amaritudinibus Do-*  
*mini mei, primum quidem infantilium necesi-*  
*tatum, deinde laborum quos pertulit in pradi-*  
*cando, fatigationum in discurrando, vigiliarum;*  
*in oran-*



Ad Sereniss. Princip.

in orando, tentationum in ieiunando, lacrymarum in compatiendo, insidiarum in colloquendo, sputorum, colaphorum, subsannationum, clauorum, quæ in salutem nostram sylua Euangelica copiosissima noscitur protulisse. In æternū nō obliuiscar miserationes istas: quia in ipsis uiuificatus sum. Ex his mihi interdū potus salutaris amaritudinis, in his rursum suauis vñctio consolationis. Hæc me erigūt in aduersis, in prosperis reprimunt: in his plenitudo scientiæ. Hæc mihi in ore frequenter, sicut vos scitis, hæc in corde semper, sicut Deus scit: hæc stylo meo admodum familiaria, hæc mea sublimior interim Philosophia, scire Iesum, & hunc Crucifixum.

Quod si quis hos affectus in Iacobo desideret, eius libellum, quem *Fasciculum myrrhæ* nominauit, & *Paradisi* sectionem sextam & 7. consulat. In his cūctos Christi labores, rhythmis elegantissimis illigatos, omnem passionis & vitæ cursum cum Deiparæ laudibus copiosissimè reperiet, mixta suauissimis omnium virtutum affectibus: inde pietatis studiosus hauriet mel de petra, & oleum de saxo durissimo: duro ad verba, duriora ad verbera, durissimo ad crucis tormenta.

S. Bern.  
serm. 1. in  
Pentec.

In



*Ducem Lotharing.*

Inuento iam fonte per aquæductum, quem ei leges Sodalitatis monstrarant, totus in eo fuit, vt vitam Sacerdote & animarum curatore dignam duceret, & huc omnia studia, dicta, facta & cogitata reuocabat. Hinc libros sibi comparauit, & euoluit omnes, qui possent subseruire proposito; tum velut apis industria selegit ea solertissimè, quæ mores instrueret, ad animi puritatem, corporis integritatē, passionum refrænationem, vitiorum extirpationem, virtutum omnium insitio-  
*Proficiendū in virtutibus.*  
nem, augmentum, perfectionem, ad amoris diuini, proximique feruorem, suæ cum voluntate diuina conformationem conducere videbantur; hæc prius ipse crebra mentis commentatione versabat, dispiciebatque modos & vias, quibus ipse sibi compararet, preces certas concinnabat, quibus à Deo gratiam ad exercendum vberiore impetraret, ieiunia, corporisque afflictationes adhibebat, quibus obtenta cœlitus munera seruaret, muniret, confirmaret. Sacra scriptura, Sanctorumque Patrum monita legebat indies,  
nota-



*Ad Sereniff. Princip.*

notabat sententias & dicta rariora: quibus  
memoriæ mandatis firmius animum cō-  
tra oppositi vitij tentationes obarmaret.

*Alios in-  
flammādi-  
cō.*      Iam vero quæ paulatim vsu & exerci-  
tio piorum operum ipse compererat esse  
magis idonea media vitiosarum cupidi-  
tatum extirpationis, virtutis inferendæ,  
pietatis fouendæ, charitatis nutriendæ,  
libris etiam scriptis alijs publicabat: vt nō  
vno tantum corde, vel ore; sed omnium  
lectorum Deum coleret, amaret, venera-  
retur, & cum Psalter regio diceret. Magni-  
ficite Dominum mecum, & exaltemus nomen  
eius in idipsum.

*In prafat.  
Fasciculi.*      Hinc ipsa profluxerunt verba, qui-  
bus lectorem ad vitæ Christi considera-  
tionem & imitationem exhortatur. Ecce  
speculum vitæ Christi est, inspice ô Christiane,  
tuamq; compone, & quia rectum sui pariter, &  
obliqui regulæ est, in illa decorẽ multũ, variasq;  
virtutes obserua: in tua maculas & vitia: sed  
tãto facilius eluenda; quo diligentius speculũ sine  
macula consules. Illud ergo obseruetur oculis  
tuis, & in Christi vitæ meditare die ac nocte, vt  
vitæ tue vitia, & Christi virtutes agnoscas, illo-  
rum odium, harum amorem & imitandi desi-  
derium.



*Ducem Lotharing.*

derium concipias, meditatio enim notitiam parit, illuminat intellectum, affectum excitat, & voluntatē accendit, at verò ignoti nulla cupido, & quid mirum, si paucos Christus habeat imitatores? meditari enim vitam Christi ac gesta piget, & imitari libeat?

Vt porro Spiritus ardorem, animam *Fouendi* verè dixerim Ecclesiastici viri, foueret in *Spiritus* se, nutriretque, tres præcipuè libros indies, *ardorem.* fere voluēdos proposuit, Scripturam Sacram, S. Bernardum, & Thomam de Kempis: totus in his erat: ducebat ex his principia, quibus vitæ sanctioris bases, Cosmophilorum institutis contrariæ niterentur; ex ijsdem fontibus rationes & motiua virtutum amplectendarum in areolas libellorum suorum velut riuos deriuabat: vnde vigor ille virorque germinaret in asceticis præceptionibus, tanto cum fructu, gustu, sensuque Lectorum, quotquot vitæ perfectioris studio delectantur.

Ita cum omnes muneris sui partes explere semper sollicitè conareretur, & alios etiam ad amorem Dei sui que instituti perfectionem inducere, *sal fuit Domini* *Fuit sal.*

cus,



*Ad Sereniss. Princip.*

*Lux mundi.*

cus, nō infatuatus; sed excoctus, à prauorum affectuum spuma liber, & aptus ad putorem in alijs vitiorū acrimonia monitionis corrigendum: tanquam *lux mundi* corporis simul & animi puritate candicans, errorum & ignorantiae tenebras in alijs discutiebat, simulque verbis, scriptis & exemplis facem ad progressum in virtutibus præferebat.

*Ciuitas supra montem posita.*

Denique quasi ciuitas supra montem posita, segregatus à rerum terrenarum amore, & animo, cogitatis, & desiderijs semper in cœlestibus defixus, portis etiam sensuum vigili custodia contra tartareorum hostium insidias, & assultus clausis & firmis propugnaculis Dei timoris præmunitis, pij Sacerdotis & Sodalis Ecclesiastico-Mariani ideam sic adumbravit, vt beneuolus lector in singulis ferè capitibus huius libri sit aliquid reperturus, quod possit imitari: nam ideo minutiora quædam, & ad vsum ac exercitationem quotidianam accommodata conscriptamur, vt virtutis studioso facilius occurrat, quod æmuletur.

Habent Sodales in huius vitæ lectione fru-



Ducem Lotharing.

fructum hunc etiam præ ceteris, quod se  
quodammodo virtutis huius participes  
debeant existimare: solet enim id esse cõ-  
mune cuiuslibet sacræ Societatis emolu-  
mentum, quod operum bonorũ satisfa-  
ctio, & vis impetrandi cū alijs communi-  
cetur. Vnde cum Sodales Sodaliũ tuorum  
heroica facta legunt, suum quodammo-  
do meminerint se thesaurum, cuius par-  
ticipes sunt, intueri. Debent ait S. Macarius  
*fratres in dilectione, & gaudio simul conuersari,*  
*& qui operatur de eo, qui preces fundit ita dicere;*  
*nempe particeps sum thesauri, quem comparat*  
*frater meus, quia communis est. Qui verò preces*  
*fundit, & de legente secum ita reputet: fructus,*  
*quem ille capit ex lectione lucrũ meum est. Qui*  
*autem ministrat, ita cogitet, ministerium quod*  
*exhibet cedit in communem vtilitatem. Quem-*  
*admodum enim corporis membra cum multa*  
*sint, vnum sunt corpus, & se mutuo iuuant, &*  
*vnumquodq; proprio fungitur officio: verbi gra-*  
*tia, oculus pro vniuerso corpore videt, manus pro*  
*omnibus membris operatur, pes quocumque per-*  
*gat, vniuersa membra circumfert, sic & fratres*  
*sibi inuicem cedant, & qui legit, orantem amo-*  
*re & gaudio complecti debet, secum hoc reputas,*

quia

Sodales  
participes  
horum o-  
perum.

Hom. 3.



*Ad Sereniss. Princip.*

quia pro me petatur. Hęc S. Macarius. Cuius rei gratia S. Anno Coloniensis Archiepiscopus primus in metropoli sua congregationem Ecclesiastico-Marianam inchoauit, vt veluti in multorum ignium coniunctione mentis ardorem facilius conseruarent, augerentque & alter alterius operum bonorum fructum participaret.

Quod si quis forte Iacobum aliquanto seueriorem morum Cleri Censorem in scriptis libris, vel nimis religiosum iudicet in tabulis testamentarijs, quibus se dispensatorem tantum facit bonorum Ecclesiasticorum, non Dominum, & omnia superflua pauperibus, nihil opulentiis amicis censet esse relinquendum, velim S. Bernardi caput 7. euoluat: vbi sic contra degeneres Ecclesię ministros fulminat. Indignus lacte & lana cōuincitur, si non pascit oves, si non vigilat in custodia gregis: iudicium sibi manducat, & vestit: vā vā tibi Clerice, mors in olla, mors in ollis carniū, mors in huiusmodi delicijs est, non modo, quia secus introitum delectationis posita esse dignoscitur; sed ob id maxime, quia populi constat esse peccata, quæ

c. 7. de-  
clamat. de  
vita &  
moribus  
Cleric.  
Clerici  
quomodo  
peccata  
populi co-  
medant.



Ducem Lotharing.

qua comedis. Sumptus Ecclesiasticos gratis habere te reputas? cantando, vt aiunt, tibi prouenire videntur: sed bonum erat magis fodere, aut etiam mendicare: peccata enim populi comedis, ac si propria tibi minus sufficere videretur. Sollicitus esto tanquam rationem redditurus pro eis, gemitus fundere, dignos agere pœnitentiæ fructus. Alioquin ea noueris tibi imputanda, quæ modo inter delicias comedis, & parui pendis, & dissimulas, tanquam nihil attinentia tibi. O iudiciorum abyssus multa ô terribilis Deus in consilijs super filios hominum. frustra tunc incipient miseri dicere montibus. Cadite super nos, & collibus operite nos. Venient, venient ante tribunal Christi, audietur populorum querela grauis, accusatio dura, quorum vixere stipendijs non diluere peccata. quibus facti sunt duces caci, fraudulentæ mediatores. Quid tibi inspiens delicia sapiunt? quid diuitia illæ cacos delectant oculos, quibus mercaris tam graue iudicium, tam dura temetipsum obligas rationi? vniuersa siquidem vsque ad quadrantem nouissimum exigeris. Sed esto quis studiosè & fructuosè labore, dignus est planè operarius mercede sua, vt qui altario seruit, de altario viuat: viuat inquam de altario, vt iuxta eundem Apostolum

psal. 65.

Luc. 24.

Qua graue iudiciū  
ijs ideo im-  
mineat.

Etiā frustra  
nuē labo-  
rantibus.

ali-



Ad Sereniss. Princip.

*Si reditus alimenta, & quibus tegatur habens, his conten-*  
*malè im-* *tus sit. tertium ei hoc periculum est, de altario*  
*pendant.* *viuat, non superbiat, non luxurietur, deniq, non*

*S. Hier. ad*  
*Nepot.*

*Et sacri-*  
*legè.*

*omni acceptatione sententiam ex Clericatu di-*  
*tior fiat. Non sibi de bonis Ecclesie amplapalatia*  
*fabricet, mutans quadrata rotundis, nec loculos*  
*inde congreget, nec in vanitate vel superfluitate*  
*dispergat; non extollat de facultatibus ecclesie*  
*consanguineos suos aut neptes, nuptui tradat.*  
*Res pauperum non pauperibus dare par sacri-*  
*legij crimen esse dignoscitur. Sanè patrimonia*  
*pauperum facultates ecclesiarum, & sacrile-*  
*ga eis crudelitate surripitur, quidquid sibi mini-*  
*stri & dispensatores, non utique Domini vel pos-*  
*sessores vltra victum accipiunt & vestitum. Nec*  
*enim Deus ordinauit his, qui Euangelio ser-*  
*uiunt de Euangelio querere, aut habere delicias,*  
*vel ornatum, sed viuere ait Paulus ex eo, vt vi-*  
*delicet sint contenti alimenta corporis, non in-*  
*citamenta gula, aut incentiua libidinis, & qui-*  
*bus tegantur, non quibus ornentur accipere.*

Hactenus S. Bernardus. Tam seuerum  
Iudicis tribunal, vt Iacobus euaderet,  
prouidè cum in vita, tum morte bonorū  
superfluorū heredes semper esse pauperes



Ducem Lotharing!

voluit, faciens amicos sibi de mammona ini- *Luc. 16.*  
quitatis, vt cum vita deficeret, ab his in æ-  
terna tabernacula reciperetur, conciliato  
per hoc sibi iudice: nam iucundus homo, qui *Ps. 112.*  
miseretur & commodat, disponet sermones  
suos in iudicio, in æternum non commouebitur.

Sed licet omnibus Sacerdotibus, cu-  
ratoribus tamen animarum egregio præ- *Formas*  
luxit exemplo, qua ratione cum vitæ *Pastorum.*  
etiam periculo teneantur oues pascere,  
solari ægros, morientibus adstiter: pri-  
uatis etiam colloquijs subditos suos de-  
beant officij commonere; quod ipsis,  
his inculcat verbis S. Gregorius. Et quia  
vna eademque exhortationis voce non suffi- *Ho. de cur.*  
cit simul cunctos admonere, debet singulos, in *ra Pasto- 1*  
quantum valet, instruere, priuatis locutioni- *rali.*  
bus edificare, exhortatione simplici fructum  
in filiorum suorum cordibus quarere. Debe-  
mus namque pensare continuè, quod San-  
ctis Apostolis dicitur, & per Apostolos no-  
bis Vos estis sal terræ: sicut sal sumus, con- *Matt. 23.*  
dire mentes fidelium debemus. Vos igitur qui  
Pastores estis, pensate, quia animalia Dei  
pascitis, de quibus profecto animalibus Deo per  
*Psalmistâ* dicitur: Animalia tua habitabunt



Ad Sereniss. Princip.

**Psal. 67.** in ea. Et sepe videmus, quod petra salis brutis animantibus anteponitur, vt ex eadem petra salis labere debeant, & meliorari. Quasi ergo inter bruta animalia petra salis debet esse sacerdos in populis: curare namq; Sacerdotē necesse est, quā singulis dicat, vnumquemque qualiter moneat, vt quisquis Sacerdoti iūgitur, quasi ex salis tactu aeterna vita sapore cōdiatur. Sal enim terra non sumus, si corda audientium non condimus. Quod profecto condimentum ille veraciter proximo impendit, qui prädicationis verbum non subtrahit. Hucusque Gregorius: cuius Pastorale, cui per otium libebit percurrere, videbit Iacobum viuū exemplar præceptionibus S. Gregorij simillimum expressisse, quod cum ætate nostra Deus huic ciuitati singulari beneficio donauit, merito paulo diligentius est pertractandum adiectis industrijs & facillimis obuijs medijs, quibus conatus in omni vita sua est Sacerdotis & Curatoris animarum officio congruenter viuere: quas industrias, & piè viuendi modos aptissimos quisquis usurparit, re ipsa magnum in virtutibus progressum experietur.

AP-





APPROBATIO CENSORIS  
Librorum Ordinarij.

**S***peculum hoc, interiori  
homini salubriter com-  
ponendo, magno cum fru-  
ctu ab omnibus, cum pri-  
mis à Sacerdotibus Dei al-  
tissimi, identidem consule-  
tur; iæoquetypis euulgari  
poterit. Colonia die 27.  
Martij. 1645.*

HENR. FRANCKEN SIERSTORF.  
S. Th. Doct.

IDEA

IAC

Ho

in

C

Pat



fortuna

talís à sa

mus po

dies 24.

Trium

nomén

cultui S

Parente

lit ; que



I  
IDEA PII SACERDOTIS,

*Sine*

VITÆ R. D.


IACOBI MERLO

HORSTII, PASTORIS

in Pasculo B. V. Mariæ

C A P V T I.

*Patria Iacobi, Parentes, & Puerilis  
Educatio.*

 Vit Iacobus Merlo patriâ *Patria.*  
Gelder, natus in Horst  
pago Diœcesis Ruremun-  
danæ, patre Iacobo Mer- *Parentes.*  
lero, matre Helenâ Mathen,  
fortunæ mediocris, colonis. Annus ei na- *Natalis*  
talis à salute partâ septimus & nonagesi- *annus.*  
mus post millesimum quingentesimum,  
dies 24. Iulij, postridie Translationis SS.  
Trium Regum, pridie S. Iacobi; hinc &  
nomen Iacobi tulit, & in omnem vitam  
cultui SS. trium Regum fuit deditissimus.  
Parentem ei maturè fors acerbior sustu- *Parentis*  
lit; quem ruri milites iniquæ voluntati *mors.*  
A suæ

suæ obnitentem, crudelem in modum in-  
 teremerunt. Ne tamen puer, cui diuina  
 prouidentia maxima quæque dona desti-  
 nabat, à teneris negligetur, duos proui-  
 dit eius pueritiæ tutores, matrem in pa-  
 tria, auunculum Colonia, custodes perui-  
 giles, ne gratiæ baptismalis faceret in actu-  
 ram. Mater pia religiosaq; foemina, tene-  
 ro timorem Dei, vitiorum fugam & vir-  
 tutis amorem cum lacte sensim instilla-  
 uit. Rusticana fuit annis octo ferè primis  
 habitatio & educatio, simplex autem, re-  
 cta sinceraque, vnde eximius ille candor  
 animi, quem nulla vnquam postea fuca-  
 ret fallacia, dolus aut fictio: corpus etiam  
 laboribus assuetum obduruit à pueris ad  
 diurnis nocturnas lucubrationes adiun-  
 gendas. Iam tum nouum hunc Ieremiam  
 sibi eligebat ex agro Deus, vt euelleret,  
 & destrueret, & disperderet, & dissiparet,  
 & edificaret, & plantaret. Alium huic  
 Colono destinabat agrum Colonjensem,  
 tot Martyrum irrigatum sanguine, tam  
 foecundum germine Virginum & Con-  
 fessorum fructibus vberimis, vt ibidem  
 coelesti sparsa semente, totum terrarum  
 orbem ascetico diuinoq; nutrirer pabulo.

Ele-

*Materna  
 educatio.*

*Ierem. 1.*



*Elegit vt Daudid, seruum suum, & sustulit P sal. 77.  
eum de gregibus ouium, de postferantes accepit  
eum pascere Iacob seruum suum, & Israël he-  
reditatem suam. Et pavit eos in innocentia  
cordis sui, & in intellectibus manuum suarum  
deduxit eos.*

## C A P V T II.

*Octennis circa annum 1605. Coloniam ducitur,  
& ab auunculo materno piè educatur.*

**D**Egebat Coloniae Matris auunculus *Auuncu-  
lus Iacob  
Colonie.*  
R. D. Ioannes Horstius, ætate proue-  
sta Metropolitani templi Vicarius, vitæ  
morumq; integritate conspicuus, à pieta-  
te vero præcipuè commendatus, quem  
R. P. Franciscus Costerus olim Sodalibus  
Marianis adscripserat, sub huius vigilis &  
solliciti tutoris disciplina voluit Deus nō-  
dum octennē puerū adlescere, præceptis  
imbui, formari moribus, vt animi puritas  
& innocentia, nulla labegrauiore, corpus  
vero nullo libidinis cōtagio polueretur.  
Ad hunc A. 1605. 28. Maij Iacobus ab agro  
cū Elisæo ad Eliam nutricium suum venit, *3. Reg. 19.*  
apud quē nihil hauriret oculis, aurib. aut  
alio quouis sensu perciperet, q̄ ingenuo  
pudōri vel honestati morū aduersaretur.



*instituit  
eum mo-  
ribus.*

Hic Sacerdos candidam, simplicem & innocentem nactus indolem, tum primùm doli capacem, cœpit ad verecundiam, pietatem in Deum, & amorem litterarum informare, primisq; tradere rudimentis, & elementis imbuendum triennio; cuius exemplum vitæ religiosissimæ cum puer indies contempleretur, nullâ vagandi facultâ licentiâ, mores suos cœpit ad omnem honestatem componere. Quo nutritio & parente, deinceps ad annum ætatis ferre 30. vsus est, vt virtus confirmata non posset facillè malorum exemplis vel consilijs labefactari. Vicissim Iacobus auunculo gratus omne præstitit obsequium ætate iam decrepita, multis morbis & miserijs obnoxia, donec annos natus 93. vitam hanc miseram cum immortali felicitate A. 1629. commutauit. Tunc Iacobus velut Elisæus duplici Eliæ sui præceptoris imbutus spiritu, cœpit non tantum vt ante auunculi more, exemplo virtutis perfectæ; sed & scriptis asceticis magis celebrari, & velut tuba cœlestis

Dei laudes toto terrarum  
orbe resonare.

\* \*  
\*

CA-

Vndec  
tr

SO  
bo  
ditate  
eam,  
præco  
ostend  
uarum  
viti  
re seu  
purum  
recipi  
bona  
cente  
Teste  
quire  
beoPr  
Caser  
tem, q  
drienn  
turæ,  
indole  
[Fu



## CAPUT III.

*Vndecennis Humaniores Litteras in Gymnasio  
trium Coronarum apud Patres Socie-  
tatis Iesu discit.*

**S**ORTITUS erat cum Salomone animam  
bonam, & ingenitam Sapientiæ cupi-  
ditatem, *quæ facile videtur ab his qui diligunt* *Sap. 6.*  
*eam, & inuenitur ab his, qui querunt illam, Cupido*  
*præoccupat qui se concupiscunt, ut illis se prior sapientiæ.*  
ostendat. Agrum habebat mentis non pra-  
uarum cupiditatum lolijis oblitum, neq;  
vitiis sentibus horridum; sed vomere  
seuerioris disciplinæ bene subactum;  
purum, mollem ad sementem sapientiæ  
recipiendam aptissimum, terram certè  
bonam, quæ scœnore perpetuo si non  
centesimas, certè sexagesimas duceret.  
Testem huius illius fructus & ardoris ac-  
quirendæ sapientiæ religiosissimum ha-  
beo Præceptorem eiusdem R. P. Adamum  
Casen Soc. Iesu nunc Studiorum Regem-  
tem, quo Magistro Iacobus vsus est qua-  
driennio, dum politiori studeret littera-  
turæ, is velut in imagine sic eius mores &  
indolem repræsentat.

[Fuit D. Iacobus, meus in Gymnasio *Testimo-*  
*nium Præ-*  
trium *ceptoris.*



trium Coronarum Societatis Iesu Coloniae discipulus annis plus minus quatuor, nimirum ab A. 1608. vsq; ad annum 1612. in Grammaticis & Poëtica, quibus in scholis & annis quomodo se habuerit, probè memini, quando pueri vultus, habitus, mores & indoles animo meo velut præsentia nunc etiam obuersantur. Adolescentulus erat intra decimum quartum quintumve ætatis annum, exterius ad omnem honestatem compositus, interius animo totus sedatus, in quo nil perturbationis omnino, nullus inordinatus motus, & quod de Tobia c. i. legimus, *nihil puerile in opere appareret*. E vultu, motu, gestuq; corporis & actione, modestia, verecundia, probitas & ingenuitas elucebat; nec tamen affectata vanè, vel aucupandę gratiæ studio quæsita, sed ex optima indole promanans, & ingenita naturæ seriæque Auunculi viri Ecclesiastici educatione confirmata. Pietate erga Deum, Sanctosq; reuerentia, erga Præceptores obseruantia nulli secundus erat; labore magis & studio diligentiaque, quàm ingenio, primos æquabat scholæ. Nihil in eo Professor, nihil discipuli desiderabant,

*Exterior  
cōpositio.*

*Gestus  
cor, oris.*

*Pietas.*

*Studium*



nedum culparet quispiam. Scio Iacobum in scholis offendisse neminem, sæpius me recolo peroptasse similes illi discipulos omnes; quamuis in tanta frequentia diuina bonitas non paucos excitaret, qui pari passu Iacobi virtutem aut æmulerentur, aut etiam consequerentur.

Vnum in eo præcipuum obseruauī. Sic *Attentio* ore Præceptoris pependisse, sic velut *addicta* a- *professores* pem argumentosam libasse verba fringula, collegisse sedulo, vt quidquid ad litteras, eruditionem, disciplinasq; capefcendas idoneum, vel ad virtutem homine Christiano dignam excolendam vtile produceretur in medium, id animo totū cōplecteretur, & referret in Cōmentarios. Hinc ista manasse videntur totius eruditionis, omnisq; litteraturę copiosa aduersaria. Secutus hoc ipso tempore Ecclesiastici monitum: *Ne defrauderis à die bono. & ne particula boni doni te pratereat.* *Ecclesi. 4.4* Hactenus Magister eius.

Eodem tempore nomen Angelicæ Sodality dedit, vt facilius cœlestibus his tutoribus & præsidibus innocentia castitasque, quibus Angelis esse similis desi-



derabat, maneret integra, cultor item Deiparæ Virginis & S. Vrsulæ præcipuus: inde profluxit ei consuetudo quotidie sub noctem conscientiam discutiendi, quot hebdomadis maculas conscientiæ eluendi, mensam Dominicam frequentandi, Deiparam Rosarij recitatione quotidie honorandi. Sic diuina naturalibus medijs adiungendo, capacem animum reddidit, sapientiam complectendi.

#### C A P V T IV.

*ANNO 1612. transfertur ad Montanum Gymnasium, & Philosophiæ nauat operam.*

**P**ROgressum in humanioribus litteris nonnihil sufflaminauit, vt ipse sibi persuadebat, Scholæ Professorumque mutatio: imò profuit: dum sic alijs etiam virtutis & diligentiae præluceret exemplo. Causas aperit Magister eius Adamus Casen. [Adolescens Rhetoricam auspicatus non sua voluntate, sed auunculi imperio è Gymnasio Coronarum transijt ad Gymnasium Montanorum, quod inter vrbis tria reliqua vetustissimum est, vt in eo Philosophicis disciplinis imbutus & Magistri titulo decoratus bonas litteras profite-



fiteretur, sensimq; doctior, & ad obeunda  
 munia Ecclesiastica prodiret instructor;  
 simulq; Syvolgianæ fûdationis beneficio  
 fruereetur. Hæc ille. Tenuit in eo loco so-  
 litum pietatis cursum, quem mirificè  
 promouebat Gymnasij Regens, Admo-  
 dum R. D. Ioannes Gelenius, Collegij A-  
 postolici Decanus, & postea Serenissimi  
 Principis Electoris & Archiepiscopi Vi-  
 carius in Spiritualibus generalis, vir vt  
 doctrinâ præcipuus, ita pietatis fouendæ  
 in Iuuentute sibi credita studiosissimus,  
 lumen egregium Sodalitatis Ecclesiasticæ  
 Venerabilis Sacramenti apud Patres So-  
 cietatis Iesu; huius virtutes Iacobus vt  
 quotidie suspiciebat & mirabatur, sic i-  
 mitabatur sollicitè: cui moriens idem  
 lampada porrexisse videtur, & dictæ So-  
 dalitatis amorem ingenerasse: nam Iaco-  
 bo nostro nemo postea in ea Sodalitate  
 magis assiduus, eiusq; præfecturam gessit  
 minimum quater. Exactis autem Philo-  
 sophiæ spatijs A. 1616. 22. Martij laureâ  
 donatus est Magistrali. Vnde viginti natus  
 annos, eiusdem Regentis mandato vide-  
 tur Iacobus Conuictoribus præfuisse;  
 nam frater ipsius putat eum leges ijs tu-

Causa  
 mutati  
 Gymnasij

Regentis  
 Montani  
 D Gelenij  
 encomia.



lisse, quæ manu eius exarata reperta sunt cum hac inscriptione:

LEGES MUSÆI IN COLLEGIO  
Svvolgiano propositæ.

*Epist. 49* [Temporis iacturâ nulla grauior, atque eo magis indignor, inquit Seneca, aliquos ex hoc tēpore (quod sufficere nec ad necessaria quidem potest, etiam si custoditum diligentissimè fuerit) in superuacua maiore partem erogare: scilicet ars longa est & vita brevis: ut ergo compendiosior eruditionis via sit, diligens temporis cura & custodia faciet, si nimirum statis diei horis sua assignentur studia, & officia ea sedulitate peragenda, quasi à quolibet die, imò qualibet diei hora fructus aliquis profectusq; foret exigendus. Proderit itaq; infrascriptū diei trāsigēdemodū obseruare.

1. Mane signo ab hebdomadario custode dato, nemo auroram Musis amicam inertī otio & torpore in plumis delitescēs elabi patiatur, sed collectis quisque necessaria quiete viribus, stratum linquet, & ad Musæum properabit, ibidem preces Collegij piē & distinctē, ut par est, recitandæ, sic diei pariter ac studij auspicio,  
ab



ab inuocatione diuini Numinis facto ad sua quisq; studia seridè ac sedulò tractanda sese accingent, ea continuantes quoad vsque pulsu Gymnasij ad scholasticas lectiones conuocentur.

2. Finitis lectionibus, negotij si quid erit, paucis expediendum; ab his ad resumenda in Musæo studia transeundum. Atq; hic quidem quod reliquum est temporis antemeridiani, partim auditæ lectionis repetitioni, partim pomeridianæ seu sequentis lectionis tractationi impendendum. Idem finitis lectionibus pomeridianis obseruandum.

3. In ipso Musæo summopere vitanda frequens discursio & excursio, nisi quam necessitas fecerit rationabilem. Ante omnia vero omnes inconditi clamores atque tumultus, nugæ & inimicæ gesticationes, inanes verborum strepitus & intempestiua fabulæ studiosè cauendæ: neque enim decet tempus silentij seu studij destinatum turpiter & inutiliter perdere. Si forsan oborta de dubio quodam literario disceptatio, aut alia de studijs collatio, colloquium postulet, cauebitur, ne sermo alteri cuiuspiam studijs intento sit importunior.



4. Vesperis precibus horâ statutâ recitatis cubitum, singuli se, qua par est ratione & honestate, component. Nocturnas lucubrationes, utpote corpori & literis inimicas, fugient. Quod si cuius forte studendi cupiditas diurno labore non expleta, nocti & somno partem surripere suadeat, matutino id potius quam vespertino tempore faciendum; nam aurora Musis amica.

His legibus diligenter omnes sese conformabunt, transgressorum namque siue negligentia siue contumacia, aut pecuniariâ aut arbitrariâ Superiorum poenâ mulctabitur. Verum Philosophos decet non tam vi legum & formidine, quam virtutis amore rectè facere. Hoc enim discrimen inter Philosophum & Vulgus agnouit Aristippus, quod Vulgus legum præscripto arceatur, Philosophus citra leges sponte rectè faciat.]

Ex his liquet, quem ille modum studendi seruari eo tempore, quamq; temporis duxerit accuratam rationem; qua verò oratione præuiâ sit usus postremis etiam annis vitæ libet adijcere.



## ORATIO ANTE STVDIA.

**O** Iesu, Verbum & Sapientia Patris, da mihi intellectum, & scrutabor legem tuam, & custodiam illam in toto corde meo. Illumina cor meum, vt sciam, velim & faciam quod acceptum coram te sit omni tempore. Duce me facere voluntatem tuam, quia Deus meus es tu. Da mihi sedium tuarum assistricem Sapientiam, quæ intellectum meum illuminet, cor meum purificet, & affectum meum inflammet, ad cognoscendum & amandum te Dominum meum in omnibus & super omnia.

## ALIA BREVIOR.

Seruiat tibi, Domine Deus, quidquid ago, lego & scribo, omne quod cogito, dico & intelligo, à te incipiat, & in te omne opus meum finiatur.

Porro imago, coram qua studere solitus est, fuit Christi patientis facies in sudario Veronicæ expressa.

## CAPVT V.

Theologicis vacat studijs, deliberat  
de vitæ statu.

**M**Ansit in conuictu Montani Gymnasij ex fundatione Syvolgianâ  
A 7 quin



quinquennio sequenti, dum Theologiæ simul & volutandis optimis quibusque Scriptoribus assiduam nauaret operam. Nam mens eius à rerum creatarum amore segregata, cùm contemplando summo bono profundius immergeretur, & Angelici Doctoris (quem vitâ cum primis exprimere gestiebat, eius Bibliothecæ suæ præfixa imagine) fontibus potaretur auidius, cepit incredibili siti sapientiæ diuinę sic æstquare, vt diurno studio nocturnas adijceret interdum horas, vt alios etiam eiusdem Doctoris Interpretes exhauriret.

Nocturna  
lucubrationes

Lectio SS.  
Patrum.

Cœpit eodem tempore SS. Patrum excutere monimenta, nec cursim delibare, sed in Commentarios accuratè referre, nullum vt absque fructu sibi tempus elabi pateretur, vt sapientiam (quam adambat vnice) sibi foedere sociali maritaret, audire sibi visus identidem monitum Sapientis: Si enim sapientiam inuocaueris, & inclinaueris cor tuum prudentiæ, si quaesieris eam quasi pecuniam. & sicut thesauros effoderis eam, tunc intelliges timorem Domini, & scientiam Dei inuenies, quia Dominus dat sapientiam, & ex ore eius prudentia & scientia.

Prou. 22.

Næ



Næ ille plusquam avarus pecuniam & re- *vehemēs*  
conditos thesauros, plusquam ambitiosus *sapientiæ*  
dignitates, vel voluptuosus delitias, sapi- *studium.*  
entiam diuinis humanisq; coniunctis me-  
dijs vbique noctes & dies inquirebat, ean-  
dem quasi thesauros reconditos in SS. Pa-  
trum & optimorum quorumuis Autho-  
rum libris eruebat, vt eius augendæ cupi-  
ditatem insatiabilem expleret, licet animi  
nimiâ contentione valetudo corporis in-  
terdum debilitaretur. Nec tamen iuuandi  
proximi negligebat studium, cum ceteros  
conuictores & contubernales exemplo  
monitisq; formaret ad odium vitiorum,  
virtutis & literarum amorem, iisdem stu-  
dendi, diemq; piè, studiosè, fructuosèque  
transigendi certas & statas ferret leges.  
Eodem tempore cœpit animo versare vi- *Delibe-*  
tæ statum, quem tãdem complecteretur, *ratæ vi-*  
frequenter de sanctioris vitæ disciplinâ *tæ statu.*  
ihcundâ, cum rerum humanarum con-  
temptione cogitabat, & inter reliquos vi-  
tæ religiosæ status (vt fratri perlæpe dixit)  
arridebat in primis Societas Iesv, quam  
ingenio suo propensionique voluntatis  
consentaneam maximè iudicabat; sed  
vires corporis infirmæ reuocabant, &



*Modus e-  
ius vinē-  
di reli-  
giosus.*

*S. Hiero.  
ad Nepot.*

re maturius expensâ , sensit è re fore ,  
si secularem Ecclesiasticum statum com-  
plexus, proximis verbo, scriptis & exem-  
plo vitæ commodaret, quamvis extremis  
annis vitæ, conscientia arbitro nonnun-  
quam fassus sit, si valetudo pateretur, o-  
ptare se potius religiosum mori, sua ta-  
men contentum sorte viuere; sed qui vi-  
uendi modum eius examinaret, aduertet,  
parum vel nihil à religiosa viuendi nor-  
ma abfuisse, plusq; per leges ascetarum,  
saluis votis licuisse, quàm ipse sibi genio,  
vel corpori, rigidus sui ipsius censor in-  
dulgeret. Ita nihil vnquam pecuniarum  
in res inutiles, curiosas, superfluas vel de-  
licatas erogabat, omnia necessitate cor-  
poris & valetudinis metiebatur, reliqua  
Bibliothecæ, pauperibus & pijs causis ap-  
plicabat; vt ad rem domesticam iudicio  
fratris nimium quam par erat, attentus  
videretur, ne quid vnquam deesset ad e-  
genos alendos, & templum exornandum.  
Iam tum minoribus Ordinibus initiatus,  
S. Hieronymi ad Nepotianum senten-  
tiam manu sua descriptam voluebat assi-  
duè: [Clericus qui Christi seruit Ecclesiæ,  
interpretetur primò vocabulum suum, &  
no-

nomi  
quod  
rinè  
Cleric  
vel q  
Cleric  
Dom  
talem  
deat  
quie  
pheta  
tra D  
quidq  
num,  
aurum  
lem,  
Dom  
His c  
gnam

Sacris

EX  
proxi  
funge



nominis definitione prolata nitatur esse quod dicitur. Si enim Cleros Græcè, Latine Sors appellatur, propterea vocantur Clerici, vel quia de Sorte sunt Domini, vel quia ipse Dominus sors, id est, pars Clericorum est: qui autem vel ipse pars Domini est, vel Dominum partem habet, talem se exhibere debet, ut & ipse possideat Dominum, & possideatur à Domino: qui ergo Dominum possidet, & cum Propheta dicit: Pars mea Dominus, nihil extra Dominum habere potest: quod si quidquam aliud habuerit præter Dominum, pars eius non erit Dominus, v.g. si aurum, si argentum, si variam suppellectilem, si possessiones, cum istis partibus Dominus pars eius fieri non dignabitur.] His calcaribus se ad vitam Clerico dignam excitabat.

## C A P V T VI.

*Sacris Ordinibus & Sacerdotio ante legitimam  
etatem initiatur A. 1621.*

**E**Xistimabat R. D. Ioannes Gelenius plurimum Iacobum profuturum proximis, si quam maturrimè Sacerdotio fungeretur: quæ vero causæ præcipuæ per-



permouerint, vt assentiretur, & præuiâ dispensatione citius ordinaretur, hæc-  
 nus non comperi; tempus ipse consecra-  
 tionis suæ his consignauit verbis: [Anno  
 1621. 6. Martij sum ordinatus in Sacerdo-  
 tem à R<sup>mo</sup> D. Ottone Episcopo Cyre-  
 nensi & Suffraganeo: 21. Martij cele-  
 braui primum meum Sacrum in Sacello  
 S. Vrsulæ, vulgò Camera Aurea:] dedit  
 hoc Patronæ suæ, quam honore præci-  
 puo cum vndecim millibus Virginum ve-  
 nerabatur; dedit & animi demissioni,  
 quippe qui quoad eius fieri posset, splen-  
 dorem omnem externum & applausum  
 declinabat, magis sollicitus, vt Deum exi-  
 miâ sibi pietate mentisq; feruore deme-  
 reretur, quàm ab alijs videretur. Exin-  
 de ferè quotidie rem diuinam, nisi mor-  
 bo præpediretur, facitabat; nec etiam  
 cum iter faceret, & impedimenta non le-  
 uia moram inferrent, deduci se à piâ con-  
 suetudine patiebatur: præmittebat qui-  
 nos Ecclesiæ Psalmos consuetos, & pias  
 è Thomâ de Kempis & alijs depromptas  
 preces, quas postremis annis è paradiso  
 suo petebat: mirificè verò pietate suâ præ-  
 sentes ad orandi studium & religionem

cx-

*In S. Vr-  
 sula cele-  
 brat pri-  
 mitias.*

*Quotidie  
 Sacrum  
 legir.*

*Prepara-  
 tio ad id.*



excitabat, quod vberius varijs operibus  
 præstitit, præcipuè in Aphorismis, Para-  
 diso & industrijs piè celebrandi seorsim  
 editis, vt hisce facibus languorem Sacer-  
 dotum ætatis nostræ & tepiditatem in-  
 flammaret. Vt verò se quotidie Sacerdo-  
 talis officij commoneret, Breuiario duas  
 has præscripsit sententias, primam S. Gre-  
 gorij in Pastoralis: *S. Gregor. in Pastor.* [Nemo in Ecclesia am-  
 pliùs nocet, quàm qui peruersè agens no-  
 men vel ordinem sanctitatis vel Sacerdo-  
 tis habet: delinquentem namque redar-  
 guere nullus præsumit, & in exemplum  
 valde culpa extenditur, quando pro re-  
 uerentia Ordinis peccator honoratur.]  
 Adiecit & istam S. Hieronymi in Ezech. *Hiero. in Ezech. l. 2.*  
 l. 2. [Grandis dignitas Sacerdotum, sed  
 grandis ruina, si pereant: lætamur ad a-  
 scensum, sed timeamus ad lapsum: non  
 est tanti gaudij excelsa tenuisse, quanti  
 mœroris de sublimibus corruisse: nec e-  
 nim solum pro nostris delictis reddemus  
 rationem, sed pro omnium quorum ab-  
 utimur, & nequaquam sumus de eorum  
 salute solliciti.] Adscripsit Hymnum ex  
 S. Augustino.

**HYMNVS S. AVGVSTINI**  
de dignitate & vita Sacerdotum.

**V**iri venerabiles Sacerdotes Dei,  
Præcones altissimi, lucerna diei,  
Charitatis radio fulgentes & spei,  
Auribus percipite verba oris mei.  
Vos in Sanctuario Dei deseruitis,  
Vos vocauit palmites Christus vera vitis.  
Cauete ne steriles aut inanes sitis,  
Si cum vero stipite viuere velitis.  
Vos estis Catholica legis protectores,  
Sal terra, lux hominum, ouium pastores,  
Muri domus Israël, morum correctores,  
Iudices Ecclesiæ, Gentium Doctores.  
Si cadat protectio legis, lex labetur,  
Si sal euanuerit, in quo salietur?  
Nisi lux appareat, via nescietur,  
Nec si Pastor vigilet, ouile frangetur.  
Vos cœpistis vineam Domini procurare,  
Quam doctrinæ riuulis debetis rigare,  
Spinas atque tribulos procul extirpare,  
Vt radices fidei possint germinare.  
Vos estis in area boues triturantes,  
Prudenter à palea granum separantes,  
Vos habent pro speculo legem ignorantes  
Laici, qui fragiles sunt & inconstantes.

Quid-



*Quidquid vident Laici vobis displicere,  
Dicunt procul dubio sibi non licere:  
Quidquid vos in opere vident adimplere,  
Credunt esse licitum, & culpâ carere.*

*Cùm Pastores ouium sitis constituti,  
Non estote desides, sicut canes muti:  
Vobis non deficient latratus acuti,  
Lupus rapax inuidet ouium saluti.*

Addamus Praxim ipsam celebrandi,  
quam seruare solitus postea typis seorsim  
excusam etiam communicaturis accom-  
modauit.

PRAXIS BREVISSIMA  
piè Celebrandi & Communicandi,  
pro Sacerdotibus & Laicis:

*Tum ante, tum post Missam & Commun.  
vtilis.*

Obserua hîc Actus præcipuarum  
virtutum.

*Adorationis & Grat. Act.*

**O** Dulcissime Saluator, Christe IESV.  
qui ex nimia charitate nos miserè  
perditos redemisti pretio Sanguinis tui:  
Et

Et in huius Amoris tui memoriam, nec-  
non in pignus futuræ gloriæ, tam admi-  
rabili Potentia, Sapientia & Bonitate de-  
disti nobis in cibum & potum ipsum Cor-  
pus & Sanguinem tuum: Denique ad hæc  
diuina Myſteria, me vilissimum peccato-  
rem in numerum tuorum [*Sacerdotum*]  
Seruorum tua ineffabili clementia vocare  
dignatus es.

*Adoro te ex toto corde, & gratias tibi  
ago ex intimis visceribus animæ meæ, pro  
tam immensis beneficijs tuis; & affectus  
omnium Electorum tuorum mihi me-  
dullitus opto, vt placere tibi possim in  
hoc opere, quod facturum sum. (vel iam  
feci.)*

*Contritionis.*

Sed heu me miserum, qui hætenus  
tam indignè vocatione mea vixi, & toties,  
& tam grauitè te DEVM meum offendi  
peccatis meis (præsertim his N. . .) Sed  
nunc de ijs *Doleo* ex intimo corde meo,  
ob Amorem tui super omnia: & deinceps  
Tibi soli seruire, placere, & adhærere pro-  
pono.

*Pura Intentionis.*

Proindeq; nunc accedens ad Mensam  
Con-

Conu  
Tibi  
hostia  
tu ip  
tulist  
Maie  
ma In  
tis tu  
In  
donis  
& mi  
præst  
Pro  
rum  
Et  
desid  
gnar  
in te  
pus p  
Co  
confi  
pfo  
nulli  
ricor  
Te F  
Salua



Conuiuij tui, ex omni affectu cordis mei  
Tibi [*hoc Sacrificium, Misse*] dignissimam  
hostiam Corporis & Sanguinis rui, quam  
tu ipse semel pro nobis in Ara Crucis ob-  
tulisti; *offero* ad laudem & gloriam æternæ  
Maiestatis tuæ: In memoriam sacratissi-  
mæ Incarnationis, Vitæ, Passionis ac Mor-  
tis tuæ.

In gratiarum actionem pro omnibus  
donis & beneficijs, toti cœtui Electorum,  
& mihi indignissimo peccatori hucusque  
præstitis: vel vnquam præstandis.

Pro salute quoque Fidelium Viuo-  
rum N... Et solatio Defunctorum N...

Et vtinam ex omni affectu, feruore &  
desiderio Amicorum tuorum, seu iam re-  
gnantium in cœlis, vel adhuc militantium  
in terris, hoc tam grande tuæ pietatis o-  
pus peragere possem. (*vel potuiss. m.*)

*Fidei.*

Corde siquidem *Credo*, mi Iesv, & ore  
confiteor, quia Pater æternus, DEVS sei-  
pso summè beatus, potens, perfectus, &  
nullius egens, secundum infinitam mise-  
ricordiam suam sic dilexit Mundum, vt  
Te Filium suum Vnigenitum nobis daret  
Saluatorem.

Cre-

Credo quoque, quod Tu ipse Patriæ-qualis per omnia, ex vi immensæ charitatis tuæ de sinu Patris descendisti in vterum Virginis, & propter nos homines **HOMO FACTVS ES.** Et quod ex amore nostri hoc Sacramentum in vltima Cœna instituens, verum Corpus & Sanguinem tuum, id est, Te ipsum nobis ad manducandum dedisti. Et denique Patri tuo factus obediens vsque ad mortem, Temetipsum pro nobis Hostiam in Ara Crucis obtulisti.

*Spei.*

Ideoq; *Spero* in te, magna fiducia venio ad te, ô Domine, qui nostri causa tam mira facere; & tam dira pati voluisti. Quid enim negabis, qui sic amasti, vt teipsum dares?

*Amoris.*

*Amo* Te quoque, ô bone IESV, ex tota virtute cordis mei, & semper deinceps, & in æternum amabo, si tu dederis.

*Oblationis & Resignationis sui.*

Sed quid retribuam tibi, Domine, pro tanto munere, & pro omnibus, quæ retribuisti mihi? Ecce, me ipsum totum, **Corpus,**



pus, Animam, & omnia offero in omne  
beneplacitum benignissimæ vountatis  
tuæ.

*Humilitatis, & Vnionis cum meritis  
Christi.*

Verum quid habeo, quod non accepe-  
rim? Quid vilis creatura, vermis terræ,  
miser peccator, pauper & seruus inutilis  
præstare poterit DEO, Creatori ac Domi-  
no suo? Tu ipse potiùs, ô Domine, utpote  
Aduocatus & Mediator meus, diues in  
meritis & miserationibus, suscipe causam  
meam.

Et ex thesauro immensę charitatis tuę  
fer opem inopię meę: & pretium Sangui-  
nis tui, omniumque meritorum tuorum  
repræsenta æterno Patri tuo; & hinc sup-  
ple omnem defectum meum, præcipuè  
huius meę, heu, nimis modicę & imper-  
fectę præparationis, qua ad hæc SS. my-  
steria venio, ut sic Ei per Te placeat obse-  
quium indignissimæ seruitutis meę.

*Postulationis.*

Fac etiam, ô Bone IESV, per omnes mi-  
serationes tuas, ut hoc tremendum My-  
sterium & admirabile donum charitatis  
tuę, debitâ semper Fide, Reuerentiâ &

B

Gra-

Gratitudine prosequar: idq; puro & ardenti corde nunc & semper recipiam. Statum hunc quoque meum N. ad quem me ex singulari gratia vocare dignatus es, Charitate, Castitate, Humilitate, Mansuetudine, Patientia, Sobrietate, &c. Moribusq; tibi placitis, & [ *Sacerdote* ] fidei seruo tuo dignis excolere studeam. Idq; vt seruitus mea magis tibi placeat: Ad maiorem gloriam tuam, Ecclesiæ vtilitatem, & propriam proximiq; salutem.

*Abnegationis sui & Vnionis cum Deo.*

Vnde tandem supplex rogo, vt per virtutem Corporis & Sanguinis tui, abstrahas cor meum efficaciter ab omnibus noxijs affectibus N... qui gustum ac fructum huius Sacramenti impediunt, & intimè tibi vnias & incorpores, vt gustem quàm suavis sis, Domine, & vnus tecum efficiar spiritus: vt tu in me, & ego in te maneam, adeoq; nihil sit, quod me vnquam separare valeat à te. Nam tibi adherere mihi bonum est, &c. Quid enim mihi est in cœlo, & à te quid volui super terram? ô pars mea Deus in æternum!



## CAPUT VII.

A. 1622. in Serenissimi R<sup>um</sup> Principis Lo-  
tharingia & Decani familiam  
adsciscitur.

**D**Ecennium ferè compleuerat intra  
Montani Gymnasij septa, nec pote-  
rat istis angustiis lucis istius fulgor occul-  
tari, quin latius radijs sparsis urbem illu-  
straret. Nobilis viri Gabrielis de Roy in-  
dicio splendor iste vitæ integritatis Se-  
ren<sup>mo</sup> & R<sup>mo</sup> Decano Metropolitano  
Principi Lotharingiæ Francisco Episcopo  
Virdunensi sic probatus est, vt in fami-  
liam suam cooptarit Iacobum à Sacris si-  
bi futurum. Itaque sub initium anni 1622  
Contubernio Montano deserto conce-  
dit in Aulam, quam virtutis perfectæ cla-  
ritate mirificè illustrauit, eamque breui  
famam collegit & exstimationem, vt ea  
licet ætate iam aptissimus ad amplissima  
munia sustinenda iudicaretur; sic etiam  
virtutem Iacobi Princeps prudentissimus  
suscepit & adamauit, vt ad extremos vsq;  
vitæ dies summis eundem in amoribus  
habuerit: nam morbi tempore quotidie  
destinauit ex aula certos, qui morbi suæ

*Amor Se-  
ren. Prin-  
cipis in  
Iacobum.*

*in morbo.*  
incre-



incrementa, siue decrēmēta referrent accuratē, cibos exquisitissimos quosq; submitit, pharmaca suppeditauit: quin & raro præcipui amoris in virum argumento manibus ipse suis nonnulla præparauit ad morbi vim infringendam, & vires corporis prostratas erigendas & confirmandas. Interim pudore virgineo suffundebatur æger, immerentitā eximia singularis amoris indicia à tanto Principe exhiberi. Nec tamen in aula diu morari potuit, quem Deus ad curam animarum destinabat.

## C A P V T VIII.

Anno 1623. *Paræcia D.V. in Pasculo præficitur.*

**D**Ecessit anno 1623. 12. Februarij R.D. Petrus Spicherus Pastor in Pasculo, Collatio penes Decanum Metropolitanum erat, multi candidati beneficij Iacobum ætate superabant, virtutis cumulatâ famâ, morumq; maturitate nemo, quam Sereniss. Princeps Franciscus per annum exploratissimam habebat, vt præter multorum opinionem, cum vix vicesimum quintum ætatis annum expleuisset, cum di-



dignissimum existimarit, cui curam Pastoralem tam crederet, qua se totumque Capitulum Metropolitanum, familias item Canonorum, & eorum quotquot beneficijs templi fruuntur, præter ciuicas alias domus subijceret. Adijt 22. Martij possessionem, & eam diligentiam munus obire cœpit, vt cum omnium superaret expectationem. hanc ex ore Principis sæpe vocem expresse- rit, ne- tiquam se pœnitere, quod D. Iacobum ætate iuuenem tanto muneri præfecisset. Qui sicut initio cum Musas à limine salutauit, ideam absolutissimi studiosi & Philomusi, postea Sacerdotis religiosissimi, sic iam exemplar Curatoris animarum vigilantissimi studuit exhibere, & omnes partes huius officij humeris etiam Angelicis formidandi peruestigare, complecti animo, & re ipsa semper exsequi, vtq; facilius gregem Domini pasceret oratione & verbo, secutus exemplum Pastoris Pastorum & Episcopi animarum nostrarum Christi, cœpit prius facere, quàm docere.



## C A P V T IX.

*Insignis animi demissio.**Vide Proce-  
mū libri  
7. tubarū**se depre-  
mit.**fugit in  
des.*

**I**acobus altum moliturus vitę sanctio-  
ris ædificium, profundum iecit humi-  
litis fundamentum. Vnde sicut postea  
SEPTEM TVBIS suis orbi Christiano vul-  
gatis, oneris Pastoralis magnitudinem,  
obligationem & officia publicauit eo con-  
silio, vt hoc velut Classico Clerus & anima-  
rum Curatores excitati ad bellum luxurię,  
ambitioni, auaritię, otio desidiaq; velut  
capitalibus hostibus indicerent, vocatio-  
nis & officij neglectum corrigerent, sa-  
crorum contemptum & amorem sæculi  
velut pestes detestarentur; sic primus ipse  
sibi bellam denunciavit domesticum &  
assiduum, ac mentem sui cognitione de-  
pressit, de se viliter & submisse solitus sen-  
tire & loqui, iactantiam in verbis, in bene  
laudabiliterque factis ostentationem fu-  
gere, vt nullus apud eum assentationi,  
nullus vanę laudi & plausui populari lo-  
cus esset; ideo suspectos habebat amicos,  
si laudarent immodicę libros, quos typis  
vulgauerat, cum illos ipse, quibus pos-  
set modis, depressum iret, sanę pau-  
cis



cis ante mortem mensibus ita cuidam  
 è Societate Iesu Patri scripsit inter cate-  
 ra : [ Sed tamen suspendit me, an dicam  
 offendit, benignior illa & propensior cen-  
 sura, quam de me meisq; quisquilijs ferri  
 video; luculentum quidem indicium per-  
 humani & facilis animi tam beneuolè res  
 amicorum æstimantis; sed suspecta ferè  
 sunt aut esse debent amicorum iudicia,  
 vtpote quæ non tam veritas, quàm affe-  
 ctus format, sincerius & securius critiriũ,  
 quod à parrhisia manat, quæ scilicet nec  
 in amicis nãuos & vitia dissimulet, quin  
 notas obseruat, monet & corrigit, imò  
 etiam reprehêdit. Faciet id quidem etiam  
 momus aut Aristarchus aliquis, sed ami-  
 cos ab his facile dispar affectus discernit.  
 In meis quidem minutijs & nugis, quid est  
 quod tãti æstimari debeat? Mihi quidem  
 adeo non probantur pleraque, vt velim  
 abolita. PARADISVS placueritne, nescio;  
 mihi certè adeo non placuit amplius, vt  
 noua editio nouum penetotum & alium  
 propediẽ datura sit ] Pergit deinde reliquæ  
 & Cõmentationẽ in S. BERNARDVM pari  
 modo deprimere, more viris sanctissimis  
 vfitato, qui mentis aciem à suis egregijs

*Amar*  
*corripit*

& heroicis factis auertebant, ad lapsus, ne-  
 uos & errores conuertebant assidue, quo  
 sibi ipsis vilescerent, & ab alijs reprehendi,  
 corrigi contemniq; desiderarent, id alibi  
 pharmacum contra tumorem præscribit.  
 [Nosce te ipsum, ô homo, quia ex cogni-  
 tione sui vilescit sibi homo, vt ex igno-  
 rantia sui intumescit; quid superbis, cuius  
 conceptio culpa, nasci pœna, viuere mise-  
 ria, & mori tormentum est? Vnde ergo  
 superbis, homo? ob gratia dona, naturæ  
 vel fortunę bona? vel ob ingenium, scien-  
 tiam, aut alias corporis vel animi dotes,  
 quibus te putas excellere? sed quid ex his  
 omnibus tuum est? nonne hæc omnia ab  
 Authore Deo & bonorum omnium fon-  
 te prodierunt? Aliena sunt isthæc omnia  
 tibi credita tantum & paulisper commo-  
 data, in Authoris gloriam & salutis tuæ  
 commodum; sed in dedecus & damna-  
 tionis cumulum cessura, nisi  
 bene expenderis.]

\* \*

CA-



## C A P V T X.

*Voto speciali cupiditatem plurium beneficiorum & ambitionem dignitatis sibi præscindit.*

**R** Adix malorum, cupiditas, qua semel humanæ menti firmiter insitâ, necesse est vitiorum omnium virulentos fructus pullulare: solet enim è cupiditate nata opum affluentia, luxum, fastum, intemperantiam, libidinem & quasuis pestes exitiales Clericis generare, præsertim quos semel hydrops insatiabilis plurium beneficiorum infecerit: Vnde tam seuerè Concil. Trident. damnat eam cupiditatem, statuitque: [ vt in posterum vnum tantum beneficium Ecclesiasticum singulis conferatur. Quod quidem, si ad vitam eius, cui confertur, honestè sustentandam non sufficiat, liceat nihilominus aliud simplex sufficiens, dummodo vtrumque personalem residentiam non requirat, eidem conferre. ] Habebat Iacobus Parochiale pertenuè beneficium, eiq; Vicariam adnexam, satis id sibi reba-  
Vno contentus beneficiorum  
 tur esse, non solum ad vitam suam, sed & pauperum aliorum alendam & bibliothecam



*declinat  
plura.*

cam instruendam, dūmodo permagnum  
rei familiaris vectigal parsimoniam adhi-  
beret. Vnde quanto quidam ambitiosius  
opima Sacerdotia, Principum gratiam,  
officia perhonorifica, dignitatesq; venan-  
tur, & prō dolor nundinantur, tanto ipse  
studiosius oblata nec petenti, refugiebat;  
vt graue nōnunquam ipsi certamen cum  
& fauorē viris Principibus fuerit, de sponte delato  
Principū. fauore promotioneq; honestē declinan-  
da, ne tantorum Virorum gratiam auer-  
sari videretur. Sed quo magis ab alijs ad  
officia speciosa sollicitabatur, vt radicitus  
eorum obtinendorum sibi spem præscin-  
deret, morem Patrum Professorum Socie-  
tatis Iesu imitatus, hoc se speciali voto  
Deo obligauit.

### VOTVM DE NON ACCE- ptando vllō altiori gradu & dignitate.

**E**GO Iacobus Merlo Horstius, B. V. Mariæ  
in Pasculo Pastor, bene deliberata mente  
promitto & voueo Deo Omnipotenti, coram  
Beatissima Dei Matre Patrona mea, S. Angelo  
Custode, ceterisq; Patronis meis & Cœlitibus  
omnibus, velut testibus, quod non velim aut  
cupiam vñquam ad statum, gradum, digni-  
tatem,



tatem, &c. vllam altiore, pinguiorem, commodiorem adspirare, neque verbo vlls scripto aut obsequio per me vel per alios cuiusquam gratiam, fauorem aut opem capere, quo altius promoueri queam; sed velim & optem multò magis sorte mea (cui vtinam dignè respondeam) contentus viuere, donec Deus & Superiores, quibus obedientiam debeo, aliud de me statuant. Ita factum Colonia, Anno 1631. ipso S. Francisci, cuius exemplo vtinam detur mihi terrena despicere, & amare ac querere cœlestia. Amen.

Dominus regit me, & nihil mihi deerit, in loco pascuæ ibi me collocauit.

Hæc superius posita, repeto, ratifico, confirmo, Anno 1642. ipso S. Augustini Episcopi

EGO IACOBVS MERLO-HORSTIVS.

Sed vt opum contemptâ affluentia spem in Dei prouidentia fixam teneret, nihil Deo strenuè militanti rerum necessariorum defuturum, ob oculos quotidie ponebat has Breuiario insertas sententias: *Laeta super Dominū curā tuā, & ipse te enutriet, & non dabit in æternum fluctuationem iusto.*



*Psal. 26.* *Exspecta Dominum, & custodi viam eius, & exaltabit te, vt hereditate capias terram, melius est modicum iusto, super diuitias peccatorum multas. Spera in Domino, & fac bonitatem, & inhabita terram, & pascaris in diuitijs eius.* Et illud S. Cypriani: *Cum Dei sint omnia, possidenti Deum nihil deerit, si Deo ipse non desit.* Orabat etiam cum Sa-

*Prou. 30.* *Iomones: Duo rogabo te, Domine Deus & Pater meus, ne deneges mihi, antequam moriar: Vanitatem & verba mendacij longè fac à me, mendicitatem & diuitias ne dederis mihi: Tribue tantum victui meo necessaria, ne forte satiatus alliciar ad negandum, & dicam: Quis est Dominus? aut egestate compulsus perire nomen Dei mei.* His se precibus & expensis animo sententijs ad contemptum diuitiarum excitabat indies ferè, dum Breuiarij librum volueret. Vnde qui tantopere abhorrebat à pluribus beneficijs, cum sui similes caperet omnes de Clero, libera voce calomòq; sic detonuit in Sacerdotes opum cupidos: [Quid ergo, o diuites, (si tamen diuites) nunquam presentibus saturi semper ad plus & amplius auri sacra fame stimulante respicitis? Quorsum coniungitis domum ad domum,

& a-

*e. 13. mo-  
nir. sap.*

& ag  
prod  
qui el  
fiten  
cont  
rum  
peris  
inuac  
indig  
vestr  
bene  
secul  
buit  
cepe  
tis to  
tis, b  
adde  
& var  
ingra  
les, p  
metip  
Vos e  
victun  
Super  
Patre  
ergo  
dere e



& agrum agro copulatis? Verum magis prodigiosum est, si opes auidè congerant qui electi in sortem Domini statum profitentur, cuius decor & integritas opum contemptu & cœlestium præcipuè bonorum desiderio constat. Vt quid ergo pauperis Christi patrimonium tam violenter inuaditis, tam infideliter tractatis, tam indignè consumitis? ignominia ordinis vestri est, proprijs studere diuitijs, nec bene conueniunt militare Deo, & dignis seculo curis implicari. Quando peius habuit Ecclesia, quàm cum illius Ministri ceperunt contemptis aut malè contortis tot Canonum & Conciliorum decretis, beneficia beneficijs, curas curis superaddere, & multorum alimenta ad luxus & vanitatis suæ fomenta conuertere, Deo ingrati, Ecclesiæ iniurij, proximis inutilis, pauperibus & miseris immites, sibi metipsis perniciosi. Si vllos hominum, Vos certè hæc verba spectant: *Habentes victum, & quibus tegamur, his contenti simus.* Superest aliquid? en pauperes vos velut Patres & Oeconomos inclamant. Quid ergo attinet aut noxias aut alienas condere diuitias? quorum multa possidere



beneficia, quæ viam sternunt ad multa supplicia? Vereor hoc multos tunc primum sapere, cum frustra est poenitere.]

*Renuit  
oblatam  
à Princi-  
pe promo-  
tionem.*

Succisa iam radice cupiditatis & ambitionis, non defuere frequentes occasiones voti periclitandi; reliquis omissis breuitatis studio duas adijciam. Vocatus ab Imperij Principe sapientissimo & Iacobi euehendi studiosissimo, cum is ultro nec rogati, gratiam & fauorem, ad altiore lautioremq; conditionem obtulisset, Iacobus ei gratias agere, modis nescio quibus excusare se, & affirmatè dicere nihil amplius in votis habere se. Interrogatus verò quidnam haberet ergo, quāti prouentus essent annui? sufficere respondit eos parsimonix suæ, nec quicquam desiderare amplius, sua se tenuitate contentū viuere. Princeps exinde magis virtutem viri mirari cœpit, qui ea, quæ cæteri tam ambiciosè venantur, tam modestè recusaret, & comiter à se dimisit.

Aliàs Bonnam profectus in templo FF. Minorum vacabat orationi, fortè Ser<sup>mus</sup> Princeps Elector aderat, & obseruatâ Iacobi præsentia, cum ephebum ad se

accer-

accer  
fuit  
fubd  
votu  
nim  
Deca  
quam  
pisco  
splen  
etiam  
tis in  
tueba

V  
dior  
nes v  
Etum  
per er  
doma  
mada  
fimar  
genat  
die co  
Etum



accerferet, idq; notaret Iacobus, in metu fuit, ne in aulam inuitaretur, ideo clam subduxit è templo se, ne simili velitatione votum factum periclitaretur. Constat enim Ser<sup>mum</sup> Principem Electorem de eo Decano Bonnæ constituendo nonnunquam agitaſſe conſilia, vt locum Archiepiſcopalis reſidentia, virtutum ſuarum ſplendore colluſtraret, & vt nihil hic etiam ſimile fuiſſet formidandum in votis integrè ſeruandis, ipſe tuta etiam metuebat.

## C A P V T XI.

*Afflictatio corporis & abſtinentia.*

**V**T animam fortitus erat bonam, ita <sup>Corpus</sup> corpus debilius & ob indefeſſos ſtu. <sup>imbecillia</sup> diorum labores & voluntarias caſtigationes variorum morborum cruciatib. fractum & extenuatum, quamuis bene ſemper erat animo, quoties egrè corpori; hoc domabat cilicijs, quæ duas tresve hebdomadas, & vt quidam ait, totam Quadrageſimam geſtabat; adeoq; extremo quadragenarij ieiunij tempore ſecundo morbi die coaſtus eſt exuere, cùm aliàs ne nocturno quidem tempore deponeret.

Ver-



*Verberib.* Verberabat se nodosis funiculis sæpius,  
*quotidia-* ieiunijs imo quotidianâ ferè se cruciabat  
*nâ inediâ* inediâ: nam cùm Drexelij libellum de  
 abstinentia voluisset, pluribus annis  
 cœnare tantum voluit, meridiæ modico  
 contentus iusculo: Vt regeret hanc tem-  
 perantiam, valetudinis & studiorum ob-  
 tendebat curam: nam quod vsu venit  
 S. Carolo Borromæo, vt ieiunio diutur-  
 niore corporis humores consumerentur,  
 conducere dicebat naturæ suæ catarrhis  
 obnoxia, cibiq; digestionem, quæ post  
 meridiem corrumpit trium horarum in-  
 tensum studium, commodiùs in noctur-  
*Cum la-* nam quietem rejci. Sed cùm ventriculus  
*sione va-* exinde nimium debilitaretur, vt ægrè ci-  
*letudinis.* bos conficeret, caput verò repletur hu-  
 moribus, membra catarrhis affligeren-  
 tur, tussi vox exasperaretur, non ante ta-  
 men à SS. Bernardi & Caroli abstinentia  
 sequenda deduci potuit, quàm à Confes-  
 sario monitus ( proposito S. Bernardi  
 exemplo suum eadem in re cum valetu-  
 dinis iactura nimium culpantis impetum  
 & ardorem ) correxit diætam, prandendi  
 resumpsit morem, nocturnas contraxit  
 vigilias, tunc enim stomachi redire vires,

ex

excita  
tussis  
termi  
tri co

A  
guen  
sacris  
fructu  
propo  
stissim  
tatus  
bus  
Exce  
psera

[  
id est  
lis m  
mitt  
com  
tabo



excitari ciborum appetentia, remittere tussis: nec tamen alias afflicti sui prætermisit rationes, quas ad consilium arbitri conscientia temperauit.

## C A P V T XII.

*Quotidiana piæ viuendi ratio.*

**A** Sceticis S. Ignatij commentationibus subinde feruorem spiritûs languentem excitabat, inde mentem persepe sacris meditationibus pascebat, è quibus fructum semper aliquem & pia colligebat proposita diurnas actiones quàm perfectissimè obeundi, Thomam Sanchez imitatus, cuius in vita moralibus eius operibus præfixa similia legerat documenta. Excerptam ea, quæ sibi quotidie præscripserat diligenter obseruanda.

*Proposita & Regula quotidianæ.*

[1. Nullum diem sine lectione sacra, *Lectio libri* id est, Scripturæ aut alterius libri spiritua- *brî pij*, lis, maximè Thomæ de Kempis, præmittam; sed temporis aliquantulum, idq; commodissimum huic officio, deputabo.

2. Tem-



*Matutina  
na preces.*

2. Tempore matutino, tempore debito sine mora surgam è strato, maximè aduertam, vt cuiuslibet mox animum uertam ad Deum, & primitias cogitationum Deo offeram, & actis breuiter gratijs omnia eius diei opera ad Dei Omnipotentis honorem offeram, gratiamq; ad id necessariam efflagitabo.

*Operis cuiuslibet  
intentio.*

3. Hoc quoq; per diem in omnibus functionibus, negotijs rebusq; omnib. cautè & diligenter aduertam, vt ad cuiusvis actionis initium mētem in Deum eleuem, & intentionem primi operis ad Dei honorem & maiorem gloriam dirigam, rogemq; eam acceptari in vnione operum & meritorum Christi Iesu.

*Unio  
eū operi  
b' Christi*

*Modestia  
in Choro.*

4. In locis sacris piè, religiosè, & ad proximi ædificationem utiliter me geram, à fabulis omnibus abstinebo, sola solius pietatis & orationis mihi cura ibidem erit, alijs omnibus ab Ecclesia in locum alium ac tempus aliud relegatis.

*Maturitas  
in con  
gressu.*

5. In conuersatione aliorum & colloquijs maturitatis cura mihi singularis erit, conaborq; loqui breuiter, grauiter, comiter, utiliter, de rebus maximè honorem aut famam proximi concernentibus par-

cissimè

cissim  
lia, oti  
turpis  
gentil

6. A  
officiu  
semper  
collect  
tionem  
hoc est  
ideoq;  
vt De

C  
Caf

A  
rauit à  
proxim  
miles c  
Angel  
accom  
copio  
DE I  
lam, S



ciffimè & cautiffimè loquar, verba inutilia, otiofa, non fatis honefta, aut aliquam turpis rei memoriam ingerere apta, diligentiffimè cauebo.

6. Ante preces & maximè ante diuinum officium feu publicè feu priuatè legendū, *Oratio preparatoria.* femper conabor instituta aliqua mentis collectione animum ad pietatem & deuotionem preparare, cogitans breuiter opus hoc effe vocationi & functioni proprium, ideoq; diligēter fideliterq; exequendum, vt Deo placeat, & proximis profut.

---

C A P V T XIII.

*Castitatis inuiolatè seruandæ studium,  
& fuga mulierum.*

**A** Vreolam Virginitatis incorruptam feruare cū Dei gratia follicitè laborauit à teneris, gnarus quòd *incorruptio proximum facit Deo*, redditq; mortales fimiles cœlitibus, imò terreftrès quofdam Angelos efficit, mentemq; præparat & accommodat ad diuinæ fapientix dona copiofius recipienda. Ideo fanctiffimam DEI Genitricem MARIAM, S. Vrfulam, S. Custodem Angelum, Præfides

*Medix  
caftitatis  
cōferuandæ*

tuto-



*O for mu-  
lierum.*

tutoresque castitatis inuocabat assidue,  
quotidie rem diuinam factitabat, haurie-  
batque *Vinum germinans Virgines*. Sensus  
etiam suos arctâ custodiâ sepiebat, ne  
qua hosti pateret rimula, carnem iei-  
nijs emaciabat, affligebatque verberi-  
bus, vt multo tempore quandoque cum  
S. Thoma Aquinate expers cogitationis  
vel commotionis inhonestæ videretur,  
accedebat otij fuga, continuus studio-  
rum labor & mentis in Deum defixio,  
quæ non sinebat animum vagari distra-  
hiq; vanâ vel otiosâ, taceo turpiore co-  
gitatione. Mulierum verò familiaritatem  
quàm cautè declinarit, verbis satis nequit  
explicari: multis annis ideo familiam do-  
mi non aluit, sed coctos & paratos è do-  
mo vicina cibos accipere solitus est, ne  
mulierem admittere cogeretur. Ac licet  
postremis annis sororem domum rece-  
perit, nunquam tamen vel ipsam vel al-  
liam sequioris sexûs intra limen cubiculi  
pedem inferre passus est; imò ne vel obi-  
ter à longè inspicere sustinebat, tapete  
ostio præfixo, demissoq; prius, quàm id  
referaret; solus extremus morbus extor-  
sit licentiam sorori permittendi ingres-  
sum.



sum, vt eius operâ necessarijs in rebus v-  
 teretur. Sed licet importunè quædam  
 Matronæ, quibus à Confessionibus fue-  
 rat, idipsum flagitarent, constanter o-  
 mnibus negauit, & ostio præfigendam i-  
 licò curauit hanc epigraphen: *Mulierum in morbo.*  
*pedes foras sunt.* Sacerdoti quoque, quem  
 muneris sui Vicarium designarat, in  
 mandatis dedit, omnes vt inde procular-  
 ceret (extra sororem) fœminas, & qui-  
 buscunque posset modis, honestè dimit-  
 teret, quamdiu sensuum & mentis com-  
 pos esse notaretur, quamuis vbi demum  
 extremus agon vim sentiendi sustulisset,  
 orandi gratiâ viros & fœminas non tan-  
 tùm intromitteret, sed & inuitaret. Hac *Castitatē*  
 tam vigili custodiâ iam inde ab ineunte *seruauit*  
 ætate virginitatem seruauit integram & *inuolatā*  
 inuolatam, vt ipse quadam in clausula  
 tabularum testamentariorum anno 1639.  
 25. Iulij confectarum, scriptum reliquit  
 his verbis: [Capulo seu tumbæ nulla im-  
 ponantur ferta vel corollæ. Si insigne re-  
 quiritur Virginitatis, (quam hætenus  
 per Dei solius gratiam seruauī integram,  
 & per eandem, vti spero, in diem mortis  
 illibatam Deo Creatori meo offeram)  
 acci-



accipiatur pannus albus, id est, nullo tinctus colore, sed candidus & niueus, i quoque satis laxus, vt insterni possit capulus. Permitto tamen 16. ad summum sarta imponi per modum crucis, id est, decem pro linea recta, sex pro transversa. ] Sed ne vanè gloriari de ea virtute videretur, vltimis tabulis causam candidi operimenti tumbæ prætermisit; constat verò postremis annis vitæ magnū ad tēporis illius perfectionem cumulum virtutum adieciisse, ac indies magis magisq; fuisse sollicitum, ne tanti thesauri nimia sui præsentia (quod etiam sanctissimis viris nouerat euenisse) naufragium in portu faceret.

*Felix quem faciunt aliena pericula cautum.*

## C A P V T XIV.

*Puritas mentis & horarie adspiraciones.*

**N**Ec minùs mentis puritatem, quàm corporis integritatem sectabatur, sollicitus non tantùm vt grauiora, sed vt ne leuiora quidem sciens prudēs patraret errata. Non inanis est præsumptio, eum innocentiam conseruasse saluâ baptismali gratiâ, nec eam per lethale peccatum perditam, multum ad n̄uos etiam leuio-

res



res cauendos non tantum ei vespertinum  
examen conscientiae, sed horaria recensio  
factorum contulit, pro qua feruidas sele-  
git ad Christum adspirationes.

#### ADSPIRATIO HORARIA AD IESVM.

*Illumina oculos meos, ne vnquam obdormiam  
in mortem, ne quando dicat inimicus meus,  
Praualui aduersus eum.*

*Ego dixi, Domine miserere mei, sana ani-  
mam meam, quia peccaui tibi.*

*Sitiuit anima mea ad Deum fortem viuum,  
quando veniam & apparebo ante faciem Dei?*

*Vnam petij à Domino, hanc requiram, vt in-  
habitẽ in domo Domini omnibus dieb. vitæ meæ.*

*Sit nomen Domini benedictum, ex hoc nunc  
& vsque in seculum.*

#### ALIA.

*O bone Iesu, propitius esto mihi peccatori;  
Amo te, & doleo ex toto corde, quia offendi te,  
qui pro me dignatus es in cruce mori.*

*O Maria Mater gratiæ, Mater misericordiæ,  
tu nos ab hoste protege, & in hora mortis suscipe.*

*O Angele Dei, qui Custos es mei, me tibi  
commissum pietate superna hac hora illumina,  
custodi, rege, gubernas.*

Vt

Vt se ipse confunderet, languentem excitaret, & ne de innocentia (si eam conseruasset) vanè præsumeret, in Breuiario circumferebat eam S. Gregorij sententiam: [Fit plerumque gratioꝝ Deo amore ardens vita post culpam, quàm in securitate torpens innocentia.] Oraturus etiam, vt puritatis animi memor esset, hoc sibi prælegebat dictum Isidori: [Sicut nullum proficit medicamentum vulneris, si adhuc in eo ferrum sit, ita nihil proficit oratio illius, cuius adhuc dolus in mente vel odium manet in pectore.] Nec dubitabat suis exilibus nauis attribuere præsentium temporum calamitates, eâ sibi præfixâ S. Cypriani sententiâ: [Miraris in pœnas generis humani iram Dei crescere, cùm crescat quotidie quod puniatur?] Hisce SS. Patrum dictis animi puritatem seruare nitebatur, & augere quotidie, quò Deo cordis habitationem redderet gratiorem & nitidiorem.

\* \*

\*

CA.



## C A P V T XV.

*Puritas intentionis in operibus.*

**T**Res fines operibus suis, manè pro  
 die toto, iterum cùm opus inchoan-  
 dum esset, præfigebat Maiorem Dei glo-  
 riam, propriam & proximorum salutem.  
 Ad primam verbis Apostoli se inflamma-  
 bat in scriptis Breuiario Colonienſi: *Siue*  
*manducatis, siue bibitis, siue aliud quid facitis, 1. Cor. 10.*  
*omnia in gloriam Dei facite.* Et illud: *Omne*  
*quodcunq; facitis in verbo aut in opere, omnia Coloss. 3.*  
*in nomine Domini nostri Iesu Christi.*

Manè varijs precibus opera sua, cogi-  
 tata, verbaq; Deo consecrabat, postea sin-  
 gulis ferè diuersis operibus aptas & pro-  
 prias orationes præmittebat, nonnul-  
 las sparsim varijs in capitulis attuli, vel ad-  
 feram.

*Ante labores.*

[O dulcissime IESV, in vnione omnium  
 laborum & sudorum tuorum, & in vnio-  
 ne charitatis tuæ, qua pro nobis tot labo-  
 res suscepisti, & triginta tribus annis tole-  
 rasti, offero tibi labores & omnia opera  
 mea, præsertim hoc N. &c.]

C

Post

## Post labores.

Bone IESV, hunc laborem meum tibi gratum faciant, omnium Electorum tuorum labores ac opera, pro tui amore & honore gesta, quæ cocta in suauissimo corde tuo, simul vnita tibi & per te Patri tuo offero in gloriam tuam, Amen.

## Ante opus quoduis.

O Christe IESV, in vnione charitatis illius, qua opus nostræ Redemptionis in medio terræ operatus es, offero tibi hoc opus N. & omnia studia mea ad maiorem nominis tui gloriam, meam & proximorum salutem.

## Alia.

O Deus infinite misericordiæ, ego miser peccator adoro cum ardore charitatis & infinitis meritis dilectissimi Filij tui, cum amore Spiritus S. cum desiderio & feruore B. Virginis Mariæ & omnium Electorum tuorum, petens vt des mihi continuum tui amoris augmentum, omnes actus meos præueniendo & dirigendo ad gloriam tuam.]

Postea



Postea solitus est varios & multiplices operibus præfigere fines, vel cum ijs peractio negotio Deo facta sua consecrare, quo maiora meritorum indies sumeret incrementa, & id quidem per modum variorum sacrificiorum in veterilege Iudæis vſitatorum hoc exemplo:

[O clementissime Pater, ecce hoc quantumcunq; laboris, scripturæ, lectionis, meditationis, orationis, &c. Sacrificium tibi ioffero in vñione acceptissimi & Sūmi Sacerdotis nostri, sine quo omnes iustitiæ nostræ sunt vt pannus menstruata, obsecrans vt id suscipias in hostiam pro meis & totius populi peccatis. In victimam pro cordis impuritatibus, & affectuum maculis expiandis. In decimas pro recognitione tui in me dominij, quo tibi ad omnia me obnoxium agnosco. In primitias pro omnibus beneficijs vnquam acceptis. In pacificum pro vñione mentis meæ, immò totius imaginis tuæ, cum te Deo viuo & vero. In sacrificium, quod cultu summæ religionis & latriæ tibi tanquam Deo principio & fini debeo. In holocaustum pro ardenti amoris dilectione debita. In incensum pro consummato

*Oblatio  
perfectio.  
peris.*

C 2

& per-



& perfecto resignationis amore. O dirigatur oratio mea, operatio &c. sicut incensum summi illius Sacerdotis in conspectu tuo, Amen.]

Denique, matutino tempore pactum cum Deo cepit inire elicto multarum virtutum exercitio prolixiori, vt omni diei hora sepius signo certo proposito, repetitisq; vocibus, *Deus meus & omnia*, ratam & confirmatam haberet matutinam cum Deo sancitam pactionem. Ita velut avarus & indultius mercator, nullam omni hora negligebat occasionem, multiplicatis virtutum actibus innumeros sibi meritum cumulos comparandi. Hoc negotiandi genus nobis præcepit Christus,

*Luc. 19.*

*Ingēs me-  
ritorū in-  
crementū*

his verbis: *Negotiamini vsque dum venio*, quo quisquis assuecit vti frequentius, potest vno solū opere tantum meritum, quantum alter decem operibus acquirere, & vnius anni spatio feruidis & iteratis virtutum actibus, alterius tepidioris decem annorum merita superare.

Non abs re videtur imitandi cupidis idipsum hic proponere  
Exercitium.

EXER-

EXE  
ME  
A

EX P  
Philip.  
Et P. I.  
in C

H  
cum  
certa  
na, a  
(nan  
plicar  
quod  
quod  
aut vi  
fieri p  
Deo  
uare  
lauda



EXERCITIVM IN GENTIS  
MERITI ET EFFICACIÆ, SEV  
Actus Heroicus & Pactum cum  
Deo ineundum.

EX PHILIPPO ROVENIO ARCHIEP.  
*Philip. Vicar. Holland. in Instit. Christ. piet.*  
Et P. Mart. à Matre DEI, Carmel. Excalc.  
*in Gymnas. Philos. Christ. Quos de vi &*  
*præstantia huiusmodi Exerc.*  
*plenius consule.*

**H**omo pius modico labore plurimum  
mereri cupiens huiusmodi PACTVM  
cum Deo inire potest; Nempe, quòd ad  
certa quædam signa, v.g. sonitum campa-  
næ, aspectum cœli, tunctionē pectoris, &c.  
(nam signa pro placito assumi & multi-  
plicari possunt) velit & gratum habeat  
quodvis opus bonum & Deo gratum,  
quod vnquam factum est, seu hodie sit,  
aut vnquam deinceps futurum est, aut  
fieri posset. Item, toties seipsum velle  
Deo offerre; dolere de peccatis; reno-  
uare proposita, vota; Deum adorare,  
laudare, &c.



*Vim & valorem huiusmodi Actus à contrario colligere licet. Si quis statueret secum, quoties audit campanam, cœlum respicit, &c. toties se velle ratum & gratum habere, quicquid vnquam mali actum vel agendum est, optaretq; se eius esse participem, quantæ is se culpæ obstringeret? Hoc itaque si in malo tam efficax est, quidni idem bono applicatum immensæ virtutis & meriti erit? Sed en Formulam huiusmodi Pacti.*

*O Benignissime Pater misericordiarum, ego confisus de immensa bonitate tua, præ gloria nominis tui & salute animæ meæ, Pactum quoddam tecum inire cupio, in hunc modum:*

*Quoties cœlum suspexero, vel pectus percussero, vel piam imaginem aspexero; quoties horologium, aut signum Missæ, vel Eleuationis sacratissimæ Hostiæ percepero; Rosarium vel librum in manus accepero: quoties carnem, mundum, vel Dæmonem, me in quacunque materia fidei, spei, charitatis, castitatis, patientiæ, humilitatis, &c. tentantem sensero, &c. Nunc pro tunc declaro, toties me facere & exercere velle omni meliori, quo fieri*  
po-



potest, modo & formâ, Actus hosce sequentes: etsi fortè pro tunc ad hoc mente minùs aduerterem.

Toties, inquam, gaudeo & gratulor tibi ex animo, ob infinitas perfectiones tuas, quòd sis, Qui es, id est, Deus summè potens, sapiens, bonus, misericors, iustus, &c. Summum Creaturæ rationalis bonum. Quòd nullius egeas, utpote teipso sat beatus, & sufficiens tibi: nostra autem omnis sufficientia ex te sit.

Gaudeo etiam, Domine, propter opera bona, quæ vnquam facta sunt, fiunt indies, fientq; in posterum, propter amorem tui: aliaq; omnia, quæ fieri possent ab ijs quos creasti & creare potuisses: idq; eâ, qua possibile est, perfectione.

Gaudeo ob ea, quæ Dominus noster Iesus Christus, Virgo Maria, SS. Angeli, Patriarchæ, Prophetæ, Apostoli, Martyres, Confessores, Virgines, omnesq; SS. & fideles omnes egerunt ad gloriam tuam: nec non ob amorem, quo te æternùm prosequuntur, & laudes, quas tibi in perpetuum dicent.

Offero tibi omnia sancta Missæ sacrificia, quæ vel hætenus in Ecclesia peracta,



vel deinceps vsque ad consummationem  
seculi peragenda sunt; idque animo *Ado-  
randi* & laudandi te vti Deum supremæ  
maiestatis, potentix, sapientix, bonitatis,  
&c. Item *Gratias* tibi agendi, nec non  
*Placandi* te, & bona gratix & gloriæ *Impe-  
trandi* à te.

*Doleo* de peccatis meis omnibus & sin-  
gulis ex animo, propter amorem tuum.  
*Spero* de infinita misericordia tua veniam.  
*Propono* cum gratia tua, non amplius of-  
fendere te.

*Doleo* quoque de tot peccatis à mun-  
di initio, hucusque à quocunque homi-  
ne commissis, iisque te tam grauitè of-  
fensum. Opto ex animo, vt compensa-  
ri aliquatenus meo sanguine possent. V-  
tinam vice cuiusque peccati singulis æ-  
ternitatis momentis mille tibi obsequia  
à SS. Angelis & omnibus Beatis deferan-  
tur.

*Dimitto* ex animo, amore tui, omni-  
bus qui me offenderunt, vel quomodo-  
cunque læserunt: & opto illis pro singu-  
lis offensis, à te peculiarem aliquam gra-  
tiam seu beneficium. Et vtinam nun-  
quam ipsi tuam offensam incurrant.

In



In manus tuas committo me, & omnia mea, præsertim finem vitæ meæ, vt disponas de me, vti re maximè tua, in tempore & æternitate, quod tibi placuerit, & visum fuerit fore ad Maiorem Gloriam tuam.

Postremò offero tibi, quicquid possum melius, & meliori modo; præcipuè verò VITAM, Passionem & Sanguinem D. N. Iesv Christi, in gratiarum actionem pro beneficijs omnibus Corporis & Animæ, quæ à te hæctenus accepi, & deinceps accipiam, præsertim pro charitate, qua ab æterno dilexisti me. Et pro dono perseverantiæ obtinendo, vt tibi inseparabiliter adhæream.

Hunc ipsum Actum, quo ad singula membra, aliq; his implicitè inclusa, rotundum esse volo, quoties aliquod è signis prestitutis vel prestituendis edidero: imò tot vicibus, quot creaturæ productæ sunt à te, aut produci possunt: quoties spiritum duxero. Denique quoties possibile vel imaginabile est, id ipsum iterari ac multiplicari. Atque hoc purè ob amorem tui, omnesq; bonos ac sanctos fines, qui ab yllo haberi possent.



DOMINE, quod dixi, dictum, factum, gratum, ratumq; volo; affectu, effectu, fructuq;e, quoad licet, maximo.]

Hunc actum hac forma prolixiore, semel in die, præsertim manè, vel ante seu post *sacrum*, exercere sufficit. Sed sæpissimè ad signa constituta repetatur, quod haud erit difficile, eum solâ & vnicâ mentis directione seu reflexione fieri possit. Item dicendo: O IESV. Vel: O DEVS MEVS, & OMNIA.

## C A P V T XVI.

*Gradum Licentiæ in Theologia Anno 1626. suscipit.*

**I**Vre Coloniensis vrbis pleraque curata beneficia gradum in Theologia requirunt, velut publicum eruditionis partæ testimonium, vt Curiones autoritate maiori plebi præsent, norintq; conscientia quæstiones ipsi definire. Non defuit officio suo Iacobus, nam A. 1618. Baccalaureatum Biblicum, sequenti formatum receperat. Itaque A. 1626. 4. Nouembris gradum eidem in Theologia Licentiæ contulit Ioannes Gelenius Decanus Apostolicus & Vicarius generalis, cui virtus

& do-



& doctrina recondita viri, pridem erat exploratissima, nam decennium eodem præside & moderatore studiorum suorum usus erat Iacobus, eundem in consilium in rebus maioris momenti adhibebat: neque enim præfractè suam solitus fuit tueri sententiam, sed libenter aliorum placitis, quæ saniora videbantur, acquiescebat.

Adnotauit ipse diligenter annum diemque recepti gradus, hac adiecta clausulâ: *Hic iubet Plato quiescere*; nam altiorē lauream, neque functionibus suis necessariam, neque proposito mentis, & *Cur gradum Doctoratus non admiserit.* voto postea concepto satis congruam re-  
batur, malebatque sumptus tam grandes in ea caritate annonæ, qua multi fame moriebantur, in usus pauperum dispensare.

Talentum verò doctrinæ sibi creditum à Deo quàm utilissimè cepit in proximorum & propriam perfectionem accurandam diligenter impendere, quem in finem excussit sedulò SS. Patres & Scriptores omnes, qui Pastoralis officij partes & obligationem tractant & contemplantur vberius. Nec ullie deinceps pepercit sumptibus.



*Cura Bi-  
bliotheca*

ptibus, dum Bibliothecam à libris non  
tam curiosis, quàm ad scopum suum fa-  
cientibus instruxisset. Hic eius post Deum  
& officium thesuarus omnis, animiq; re-  
laxatio, quæ tantam animo pariebat cum  
utilitate summa voluptatem, vt somni ci-  
biq; vix memor, ipsorum etiam quando-  
que morborum acutissimorum dolores  
ne persentiscere quidem videretur; quæ  
tamen eò referebat, vt omnes officij sui  
partes clariùs perspiceret & expleret stu-  
diosius.

*Amor stu-  
diorum.*

## C A P V T XVII.

*Inducit in Parochiam frequentationem  
Sacramentorum.*

**I**Acet D. Virginis Mariæ in Pasculo Pa-  
rochia in templi Metropolitani cornu  
sinistro versus Occidentem, ostio solùm  
à reliqua Basilica discreta; nec concionan-  
di munus adnexum habet, quo funguntur  
à multis annis Patres Societatis Iesu in Æde  
Principe manè & post meridiem. Vnde  
totus in eo sub initium fuit, vt eorum Sa-  
cramentorū induceret frequentiam, qui-  
bus animæ puritas & gratia vel acquiritur  
vel conseruatur. Ad sacrū tribunal quoti-  
die



die ferè Sacerdotib. in æde summa facien-  
 tib. pridie verò festorum aut Dominicæ  
 tam Parochianis suis, quàm alijs fidelibus  
 confitentibus operam dabat: nam ob mo-  
 rum facilitatē, integritatē vitæ, ac de alijs  
 bene merendi studium, adibatur à multis  
 aliarū Paræciarum, obtenta à Vicario po-  
 testate quo suis audiēdi, seriam adhibebat  
 operā & curā, vt formaret rudes elementis  
 fidei, pauperes solaretur, & egestati subue-  
 niret, pecuniosos ad opera misericordiæ  
 pelliceret, omnium necessitatibus vt Pastor  
 bonus consuleret. Præcipuā verò pauperū  
 & afflictorū ducebat rationem, in quibus  
 Christum agnoscebat, fouebat, veneraba-  
 tur, gnar⁹ diuites & lautioris fortunæ ho-  
 mines faciles & obsequentes multorum  
 nancisci aures, cum egeni miseriq; vix au-  
 diantur, quandoq; vultu seueriore repel-  
 lantur, vel asperioribus excipiantur obiur-  
 gationib. vt redire metuant. Nec vitiorū  
 grauiorum fugam tantum suis inculca-  
 bat, sed quos capadiores nanciscebatur,  
 ad sanctiorem vitæ rationem incundam,  
 puram Dei gloriam in operibus potissi-  
 mum bonis absque vanæ gloriæ cupidi-  
 tate spectandam, amorem inordinatum

*Affidui-  
 tas audi-  
 endi con-  
 fessiones.*

*Paupe-  
 rum & af-  
 flictorum  
 cura.*

*ex vitæ  
 poenitentes  
 ad maiore  
 pfectionē.*



creatarum rerum funditus extirpandum, voluntatem suam cum diuina conformandam exstimulabat: oblati chartis aut libellis vernaculo vel Latino sermone vulgatis, quibus istiusmodi virtutum actus continebantur. Pendebant verò ab ore Pastoris ouiculæ, vt nutum eiusdem sequerentur: vnde ingens eorum apud morientem & in funere comploratio gemitusque, quibus orbitatem suam deflebant. Sic inducta in Parochiam paulatim octauo quoque die sacræ Communionis frequentatio, pietas fidelium aucta, concursus ad templum maximis & reuerentia cultûs diuini maior introducta.

Subiungo praxim, quæ vtebatur in Sacramento Poenitentia administrando.

METHODVS PRÆPARATIONIS  
ad audiendas Confessiones.

**M**agni refert Confessarium debite estimare munus suum, ideoque magno animo & zelo, muneri suo operam dare. Vt verò de illius dignitate, vti par est, altè sentias, expendes:

1. Sacerdotem audientem & recipientem peccatores, esse Vicarium Christi

Sal-

Saluat  
dum  
stis re  
um re  
suam  
cerdo  
crofa  
Sangu  
eo for  
exorn  
quem  
lūm n  
simili  
precij  
Christ  
rium.  
peran  
damn  
Conce  
à Deo  
tute in  
Homi  
gustin  
sum N  
gaudi  
resipis  
non in



Saluatoris, eiusq; vices & munus gerere, dum poenitentes absoluit, gratia & coelestis regni hereditati per ministerium suum restituit. Vnde & Deus sententiam suam, quodammodo ad sententiam Sacerdotis restringit. 2. Licere tibi in Sacrosanctum illum Thesaurum, & fontem Sanguinis Domini manus immergere, ut eo sordidas noxiorum animas abluas & exornes. 3. Quam nobilis sit anima illius, quem ante te vides prostratum, non solum naturâ suâ, quia est ad imaginem & similitudinem Dei condita, verum etiam precij infiniti excellentiâ, quia Sanguine Christi redempta est. 4. Te ut Confessarium, proximè ad salutem animarum operam tuam conferre: colligis enim quodammodo fructus, & metis sementem Concionatorum. 5. Delectum te esse à Deo Confessarium, ut ex Diaboli servitute in libertatem Filiorum Dei vindices Homines peccatis obnoxios, quod S. Augustinus maius dicit opus, quam vniuersum Mundum creare. 6. Maius esse gaudium in Cælo de vno qui ex peccatis resipiscit, quàm de nonaginta iustis, qui non indigent poenitiâ. Quare ut eius gau-



gaudij Ministrum & Auctorem, ex parte Muneris & Officij tui, te esse perpende.

II. Mens tua, in hoc munere, rectè ferri ad Deum debet, vt nil in hoc opere, nisi Diuinam gloriam & salutem proximorum spectes, non tuum commodum, non voluptatem, quam capias ex confidentiũ dignitate, numero, curiositate, &c.

III. Magnoperè decet, antequam aggrediaris tam arduum opus, præparare animum aliqua breui precatatione vel cogitatione, de eius negotij præstantia, quod aggredieris: Es enim ægrotis animis Medicinam, cæcis lumen præbiturus, oppressos graui onere, errantem ouiculam ad Christi ouile reuocaturus. Confugito insuper ad opem alicuius Sancti, Patroni, & Angeli Custodis, tui & illius qui confitetur, simul offerens pro tua & confidentis salute, Patri æterno, opera, labores, merita, Vulnera & Sanguinem Christi.

IV. Necessè est, vt, antequam ad sedem tuam accedas, animum tuum diligenter præpares & munias, præsertim ad patientiam: Est enim difficile hoc negotium, tum propter scæda peccata, quæ audiuntur,



tur, tum propter intricatos casus, qui in-  
cidunt, tum propter diuersa hominum  
ingenia, difficilia & morosa, cum quibus  
agendum, tum quia multi non satis para-  
ti, ad Confessionem accedunt. Ad omnia  
ergo, prius confirmandus est animus tu-  
us insigni longanimitate, vt dicere possis:  
*Omibus omnia factus sum, vt omnes lucrifaciam.*

V. Magnâ etiam curâ caueto, ne, dum  
alios purgas, ipse scedêris. Imitare ergo  
medicos; Hi, dum visunt agrotos, ne  
contagione lædantur, ferunt odores, a-  
liâq; contra luem amuleta: Sic te aliquid  
ad manum habere oportet, quo te à scæda  
ac periculosa vitiorum contagione inco-  
lumem serues.

VI. Tametsi Ius absoluendi à peccatis  
ex parte Sacerdotis, non ex eius bonitate,  
vel improbitate, pendeat: Vis tamen ma-  
xima est, in eius sanctimonia & coniun-  
ctione cum Diuina voluntate, ad indu-  
cendum aliquem ad veram poenitentiam  
peccatorum & promouendum in virtute:  
Pater enim vt plurimum sibi similes filios  
gignit, qui verò sibi nequam, cui bonus?  
Hoc tibi quoque dictum puta.



VII. Præter scientiam, magna vti oportebit dexteritate. Cùm enim sis Pater quidam Spiritualis, Medicus & Iudex, in Patris officio cauendum, ne vel indulgentior sis, vel seuerior, quàm res postulat; ne quem consolari debes, acerbitate verborum affligas. In officio Medici, ne præbeas medicamenta minùs accommodata, ad morbi & ægroti naturam, quibus malum non sanatur, sed potiùs augetur. Denique, in Iudicis officio, ne condemnes absoluentes, absoluas condemnandos, sed æquam, rectam & tempestiuam sententiam feras.

VIII. Audiens graua peccata, exemplo Christi, pœnitentis miserearis; sis Samaritanus, faucij curam suscipiens, & duos in te affectus excita. 1. Humilitatis, vt sentias te omnium peccatorum pessimum, in grauiora peccata ruiturum fuisse, nisi Diuina manus te tenuisset. 2. Timoris, ne dum aliorum sordes abluis, ipse conspurceris. Antequam igitur aurem præbeas confitentibus, doceas de tuis peccatis, vt nullum Spiritui Sancto obijcias impedimentum.

IX. Spem magnam concipias de auxilio  
Di-

Diuin  
nere  
causa  
à Deo  
sis.

X.  
bera,  
citare  
profici  
iusque  
cogita

XL.  
tamen  
præ te  
biq; p  
ipso  
vt Pat  
& Ch

XII.  
quod  
feceris  
mend  
nister  
pietate  
gem p  
culto  
ad vit



Diuino tibi minimè defuturo in hoc munere, quod à Deo impositum est, & Dei causa exercetur. Lucem itaq; & auxilium à Deo efflagita, vt iuuare proximum possis.

X. Non solùm à peccatis hominem libera, sed magis magisq; prouche ad sanctitatem, suoq; in statu vnumquemque proficere contende. Ideoq; considera cuiusque ingenium. Hinc vias & modos excogita, quibus faciliùs iuari possit.

XI. In habitu exteriori sis grauis, non tamen asper, sed benignitatem Paternam præ te feras, qua homines alliciantur, sibiq; persuadeant, nihil te præter salutem ipsorum spectare. Vnde fiet, vt ameris vt Pater, & honoreris vt Christi Vicarius, & Christi persona in te spectetur.

XII. Opere absoluto, Deo gratias age, quòd te dignum tam nobili ministerio fecerit. Deinde, quod à te factum, commendabis Domino Deo, vt quæ tuo ministerio sparsa sunt semina, ea pro sua pietate, Christi Sanguine foueat, & ad frugem perducatur, vtq; absolutos à recidiua custodiat, & perseverantiæ dono firmatos ad vitam æternam perducatur, Amen.

*Ora-*

## Oratio Preparatoria ad audiendas Confessiones.

## Antiphona.

**V**eni Sancte Spiritus, reple tuorum  
corda fidelium, & tui amoris in eis  
ignem accende, qui per diuersitatem lin-  
guarum cunctarum, gentes in vnitate fi-  
dei congregasti, Alleluia.

*Vers.* Cor mundum crea in me Deus.

*Resp.* Et Spiritum rectum innoua in vi-  
sceribus meis.

*Vers.* Ne proicias me à facie tua.

*Resp.* Et Spiritum Sanctum tuum ne auferas à me.

*Vers.* Redde mihi lætitiā Salutaris tui.

*Resp.* Et Spiritu Principali confirma me.

*Vers.* Docebo Iniquos vias tuas.

*Resp.* Et Impij ad te conuertentur.

*Vers.* Domine exaudi orationem meam.

*Resp.* Et clamor meus ad te veniat.

## Oratio.

Mentes nostras, quæsumus Domine,  
Paracletus, qui à te procedit, illuminet &  
inducat in omnem, sicut tuus promissit  
Filius, veritatem.

Ad-



Adsit nobis, quæsumus Domine, virtus Spiritus Sancti, qui & corda nostra clementer expurget, & ab omnibus tueatur aduersis. Per Christum Dominum nostrum, Amen.

Domine IESV, qui promisisti Apostolis tuis, vt, si quid mortiferum biberint, inuocato salutari Nomine tuo, non eis noceret: Da, vt tanta puritate, confitentium errata excipiam, vt nil terrenæ labis cogitationibus meis aspergant, sed potius ad conuertendos ad te peccatores, animû fortiter inflamment. Domine IESV, qui me Vicarium tuum, in officio sacerdotali, ad reconciliandos peccatores resipiscentes constituisti, & vis omnes saluos fieri, atque ad veritatis agnitionem peruenire, exaudi me, pro famulis & famulabus tuis, conscientiarum suarum abdita & arcana, mihi, tua vice, referaturis: Concede mihi Spiritum discretionis, vt eos dirigam in viam salutis. Da illis cor cõtritum & humiliatum, vt ab omnibus Diaboli laqueis foeliciter expediantur, dignisque pœnitentiæ fructibus abundantes, post huius vitæ cursum, ante Tribunal tuum comparere non pertimescant, sed à delictorum



Qui vivit  
et regnat  
cū Deo  
Pater,

Etorum omnium inquinamentis, precio-  
so Sanguine tuo emundati, sub sacratissi-  
morum Vulnerum tuorum tutela, ad  
gloriosum Divinæ faciei tuæ conspectum  
admittantur. ~~Per Dominum nostrum Je-~~  
~~sū Christum Filium tuum, qui tecum~~  
~~vivit & regnat,~~ in unitate Spiritus Sancti  
Deus, per omnia secula seculorum, Am.

## C A P V T XVIII.

Ante Paschale tempus inuisit Parochianos,  
admonet officij, corripit.

Visitat  
suos,

corripit

C Apta erat opportunitatem Parochia.  
nos singulos adeundi cū opus, eos  
sui officij commonebat in Paschate, quos-  
dam amicis & blandis verbis corripiebat,  
nonnullos etiam acrius perstringebat, &  
vitia, quæ cum offendiculis aliorum con-  
iuncta videbantur, velut vlcus pestiferum  
sic obiurgationis nouaculâ incidebat, vt  
virus latens educeret; ne hac in re tam vi-  
rorum illustrium aut Prælatorum perso-  
nas, quàm officij sui rationem & hanc  
Principis Pastorum comminationem at-  
tendebat: *Quod infirmum fuit, non consoli-*  
*dastis, & quod ægrotum, non sanastis, quod con-*  
*fractum est, non alligastis, & quod abiectum est,*

Exec. 34.

non



*non reduxistis, & quod perierat, non quasistis.*

Quodd simonitio carere fructu videretur, rem Deo, sanctis Regibus, alijsq; Patronis diligenter, nec sine fructu commēdabat: saepe enim ad serui sui fidelis voces & preces corda Deus occultē permouebat, vt suis non deessent partibus: Omnes enim eius verba, dicentisq; vim & quandam auctoritatem virtute partam verebantur, quam Deo nixa rebus in arduis fiducia, verborum ipsorum pondus & circumspēctio augebat. Solebat eodem tempore quosdam certis donare libellis asceticis, statui vel necessitati priuatæ congruis; idem amicis alijs extra parœciam præstabat fructu non pœnitendo. Cuidam ordinis Senatorij viro Heliotropium P. Drexelij donarat, is legere magna voluptate cœpit, & stetit lectioni fructus; eādē hebdomadā casus acerbissimus sic percussit eundem & penē prostrauit, vt ingenuē Iacobo confessus sit, nisi se ruentem penē in desperationis barathrum libri monitis erexisset & gradum firmasset, collapsurum fuisse.

*Fructus  
donati p̄j  
libri.*

Ac licet laborarit, vt oues ad ouile suum duceret, cum religiosis tamen familijs arctā



Sta familiaritate se obligabat, nec eorum  
 priuilegia voluit infringere, vel subditos  
 ab eorum sacris tribunalibus auertere,  
 quin imò fundatores earum vel Patronos  
 colebat ipse, festis eorum diebus læpius a-  
 pud eos sacris operabatur: iisdem festis  
 vota quandoque nuncupabat, vel testa-  
 mentarias tabulas condebat, aut emen-  
 dabat.

## C A P V T XIX.

*Officia diuina curat diligenter, ornat Eccle-  
 siam, pietatemq; promouet.*

**C**VM Psalmista regio diligebat *decorem  
 domus Dei, & locum habitationis ejus,*  
 & tam Sacrum, quoties canendum esset,  
 quàm officia reliqua diuina, curabat, vt  
 distinctè, articulatè, religiosè, augustèq;  
 cum præsentium pietate peragerentur,  
 talesq; sibi vel Vicarios sufficiebat, vel  
 Diaconos, Subdiaconosq; adsciscebat,  
 quos vultus modestia, morum maturitas,  
 & cultus diuini reuerentia maximè com-  
 mendabat. Quoties Ædituus vel alij Mi-  
 nistri Ecclesiæ noui eligendi essent, nul-  
 lius amici rogatu, vel alterius minùs sin-  
 ceri affectus studio se abduci patiebatur.  
 quin



quin ex omnibus officij candidatis (quorum plurimos proponi sibi peroptabat) eum assumeret, quem maximè iudicaret ad id munus idoneum, & cultus diuini propagatorem præcipuum.

Aram Principem, Pedem eius, Cancel-  
los ligneos, suis ferè curauit sumptibus  
pere firmo & eleganti. A Dominis  
dilibus Doctore Henrico Oekhofen Ec-  
clesiæ Metropolitanæ Colon. Syndico,  
& Ioanne Kinchio Senatore & Bibliopola  
familiarissimis intimis suis, quibuscum  
ferè omnia consilia sua communicabat,  
statuas faberrimas Deiparæ Virginis & S.  
Huberti Patroni; ab amicis alijs orna-  
menta varia impetrauit. Ipso Pastore al-  
taria pallijs pretiosis vestita, sacra supellex  
ciborio calicibusq; aucta, vestes Sacerdo-  
tales è tela præstantissima elaboratæ. Nec  
minùs ornatùs quàm munditiæ fuit stu-  
diosus, lineam altaris supellectilem lau-  
tam & elegantem requirebat indicem pu-  
ritatis animi, quam in hominibus sacrâ  
Synaxi reficiendis Deus exigit. Ob hanc  
instrumenti sacri & altarium nitorem &  
elegantiam libenter & ipsi Metropoli-  
tani Collegæ in ea Parcœcia faciebant.

*Aræ Prin-  
cipem  
construit.*

*auget sa-  
cræ su-  
pellectilē.*

*curat mū-  
ditiæ.*



Anno 1625. die Paschatis eodem loci Illustrissimus Nuncius Apostolicus Episcopus Tricariensis, cantato solenni Sacro, Parochianos omnes sacra refecit Synaxi. Eodem anno D. Virginis Mariæ cognatam Elisabeth visitantis festo die R. D. Ioannes Horstius auunculus Iacobi Iubileum ibidem celebravit, quod ipse insigni symphonîâ vocum, neruorumque concentu concrepante cohonestavit. Ad hæc quoties 40. horarum Oratio ibidem indicebatur, præter diuersarum familiarum Religiosos ibi Sacra factitantes, Illustres etiam Canonici Metropolitani ob insignem Diuini cultûs Maiestatem eo confluebant: nam ipse Iacobi aspectus, cantus, & diuinorum mysteriorum administratio, præsentibus afflare pietatem, & inflammare mentis ardorem videbatur.

## C A P V T XX.

*Stadium piè canendi vel dicendi Horas,  
orandi voce vel mente.*

**A** Gerrimè ferebat præcipitem & nimia celeritate concitatum cantum Vigiliarum, vt satis in libris varijs & testamento suo



to suo significat, quem cum emendare non posset, ne presentiam probare videretur, abesse malebat; summam adhibebat diligentiam, ut animam sat diu ante prepararet, & contra teporem & euagationem varijs adminiculis prae muniret. In-  
*Præpara-  
tio ante  
Horas.*  
 scripserat Breuiario subiectas sententias:  
*Si cor non orat, in vanum lingua laborat.  
 Ante orationem prepara animam tuam, & noli  
 esse quasi homo qui tentat Deum. Illius est o-  
 ratio perfecta, cuius & causa clamat & lingua,  
 & actus & sermo, & vita & cogitatio. Cas-  
 siodorus super Psalmos. Et illud S. Isidori:  
 Oratio cordis est, non labiorum; neque enim Isidor. l. 3  
 verba deprecantis Deus intendit, sed orantis cor c. 8.  
 adspicit; melius est cum silentio orare corde  
 sine sono vocis, quam solis verbis sine intuitu  
 mentis.*

Adhæc hæc considerationes, quas subijcio, sæpe animo voluebat, ut tanto maiori cum deuotione Horas diceret.

I. Considera Dei Maiestatem, eiusque, *Præuia  
considerationes.*  
 presentiam tibi propone, & quomodo  
 omnis spiritus laudet Dominum, & om-  
 nia opera eius benedicant ei: atque æ-  
 mulare.

II. Te constitutum, ut pro Magistratu



Ecclesiastico & Politico, pro amicis & inimicis, pro secularibus, distractis, captiuis, infantibus de Baptismo, & omnibus de salute periclitantibus, pro viujs & defunctis Deum ores, quàm sit proinde æquum, vt deuotè id facias. Cogita voces & lacrymas multorum afflictorum suspirantium in aduersis, & dirâ seruitute peccati in æternæ damnationis periculis.

III. Ad finem singulorum Psalmorum, sub *Gloria Patri*, singulariter recollige animum, & renoua attentionem: SS. Trinitatem intimo corde lauda, reuerere & adora: Desiderans illos in te sentire affectus, quos Psalmi varios passim suggerunt; ideoq; diligenter obseruandi sunt, velut Amoris in Deum, Doloris de peccatis, Laudis diuinæ potentia, sapientia, bonitatis; Admirationis, Gratiarum actionis pro beneficijs, &c.

IV. Quanto pietatis fructu gustuque & gaudio Spiritus Horas legere posses, si curares psallere sapienter, id est, si intellectui Psalmorum, quos Spiritus Sanctus dictauit, deuotè intenderes; vt eos, non tamquam à Propheta ( vt Cassiani verbis vtar ) compositos, sed velut à te editos,

Coll. 19.

6. 19.



tos, quasi orationem propriam, profundâ cordis compunctione depromeres; vel certè ad tuam personam astimares eos esse directos: quos viri sancti magno affectu & fructu recitare soliti sunt. Quàm displicet summo Deo, ea, quæ ipse inspiravit, vt ijs postulare nos faceret gemitibus inenarrabilibus, recitari quandoque cum fabulis & risu, aut saltem vanis cogitationibus, id est, sordibus sacratissima verba, quibus longè maior, quàm Sanctorum reliquijs, veneratio debetur, misceri! Quàm Sanctis displicet, verba, quibus ipsi Deum tam seriò & sedulò honorarunt, ea per te inhonorari & quasi prophanari! ijsq; vanas ac carnales cogitationes admisceri; vt fiat detestabile illud: *Populus hic labijs me honorat, cor autem eorum longè est à me.*

V. Deum ad hoc tibi de suo patrimonio largiri alimenta, vt ritè id officium sibi præstes; & quàm turpe, in eo negligenter versari! Sanè, si audias seruus nequam & fraudulentus, quomodo effugies iram supremi Patrisfamilias?

VI. Orationem canalem esse, quo ad nos Dei gratia deriuatur; & quàm tur-



pe, illam tibi fieri, per negligentiam in peccatum, & gratiæ detrimentum!

VII. Esse sacrificium, quod, sicut Eliæ, igne cœlitus misso accendi debeat, vt fiat illud Psalmistæ: *In meditatione mea exarscit ignis.* Sed quemadmodum Abel optima quæque offerebat, Cain deteriora; ita tempus & locum deteriora aliqui eligunt, commodiora vilibus rebus, studijs & fabulis tribuunt.

VIII. Esse quasi sacrificium thymiamatis, quod ex suauissimis aromatibus conflatum; de quo Apocal. 5. dicitur, Angelos apparuisse, *habentes phialas aureas plenas odoramentorum, quæ sunt orationes Sanctorum.* Quidquid ergo virtutis in nobis est, in oratione succendi Deo debet, vt placeant verba nostra in conspectu summi Principis. Sapiens ait: *Aurum tuum & argentum conflagra, & verbis tuis facito stateram, & frenos ori tuo rectos: & attende ne fortè labaris in lingua, & cadas in conspectu inimicorum insidiantium tibi, & sit casus tuus insanabilis in mortem.* Quomodo enim sanabitur, qui Orationem, quæ malorum omnium remedium est, efficit suâ negligentia venenum? Quàm autem indignū, bla-

blaspho  
noua, c  
reueren  
mnibu  
rant,  
quanta  
bemus  
cum h  
regum

O

A  
tentē  
in vni  
tionis  
ris,  
cordis  
adiuua  
& via i  
defectu  
nitutis  
tui, ad  
Ru  
dam i  
mibi v



blasphema, turpia, vana, otiosa, iocosa,  
noua, cum sacris admittere. Sed quantâ  
reuerentiâ te psallere par est, qui pro o-  
mnibus, qui Deum inhonorant & igno-  
rant, venis vt adores & honores? O  
quantâ nos meritò verecundiâ affici de-  
bemus, quos pudet irreuerenter agere  
cum hominibus, & non cum DEO, Rege  
regum!

ORATIO ANTE HORAS  
Canonicas.

**A** Perî, Domine, os meum ad benedicen-  
dum nomen tuum: cupio enim tibi at-  
tentè & fideliter psallere, teq; purè laudare  
in vnione & virtute illius perfectissimæ atten-  
tionis, qua tu Patrem orasti & laudasti in ter-  
ris, & hymnum in horto dixisti: præ mœsti-  
cordis angustia, cum sudore sanguinis orans:  
adinua me gratiâ tuâ, sine qua nihil possum,  
& vis immensa charitatis tuæ suppleat omnem  
defectum meum, vt placeat tibi obsequium ser-  
uitutis meæ, quod offero ad gloriam nominis  
tui, ad meam proximiq; salutem, Amen.

Ruminabat sub cantu, dum mora que-  
dam interponeretur, similia: Quorsum <sup>sub cantu</sup>  
mihi vitam dedisti, ô summe Deus? quare me <sup>aspira-</sup>  
<sup>tionem</sup>



formasti ad imaginem tuam, & similitudinem  
tuam? quare me Sanguine tuo redemisti? qua-  
re me in hoc vitæ statu, cur hoc in loco colloca-  
sti? Nonne vt seruiam, placeam & viuam tibi,  
vt laudem te nunc & in æternum? Verè, Do-  
mine, tu es pars hereditatis meæ & calicis mei,  
ô Deus meus, & omnia. Quid enim mihi est  
in cælo, & à te quid volui super terram? In  
manibus tuis sortes meæ, &c. Inops & miser  
sum ego; ex te verò omnis sufficientia mea. Tu  
ergo operi manuum tuarum porrige dexteram.  
Adorna me virtutibus ac donis statui meo ma-  
gis necessarijs: confirma hoc, quod operatus es  
in me; tolle à me, quidquid tibi displicet in me,  
& tribue, per quod perfectius amem & colam  
te.

Id ipsum in diurna quadam recolle-  
ctione versabat animo, & attentius medi-  
tabatur.

ORATIO POST OFFICIUM, AUT  
longiorem Orationem.

**D**irigatur oratio mea sicut incensum in  
conspectu tuo, ô Rex regum, optime, po-  
tentissime, & sapientissime. Defectus & erra-  
res eiusdem ignoscat, quæso, Paterna Clementia  
tua, & suscipe eam in vnione omnium oratio-  
num Christi Domini, & Sanctorum in cælo  
& in



& in terra, ex omni affectu triumphantis & militantis Ecclesie, ad gloriam tuam, & laudens B. Virginis, & Sanctorum omnium, & eorum, quos hodie, vel ex decreto Ecclesie, vel tanquam Patronos sponte mea colendos suscepi, ad memoriam Passionis Iesu Christi Saluatoris mei; in gratiarum actionem pro omnibus beneficijs tuis: ad salutem omnium, qui se mihi commendarunt: in satisfactionem pro peccatis meis, & gratia tua impetrandi, & hac virtute N. & concede, vt benedicam te in omni tempore; & sicut laus tua semper est in ore meo, sic etiam corde & opere te prædicem, vt sobrietate, modestia zelo & deuotione, puritate, obedientia, mansuetudine & patientia tibi placeam; vt omnes te ament & glorificent, qui es benedictus in seculâ, Amen.

ORATIONES DE PASSIONE  
ne Domini,

Singulis Horis Canonicis accommodata.

Ad Masutinas.

**D**omine Iesu, per amorem, quo tuos in  
fine dilexisti, per sanguineum sudorem,  
D. 5 quem



quem in horto fudisti, per iniurias & dolores quos à tuo Discipulo traditus & venditus, ab impijs Iudæis ligatus & distractus sustinuisti, absolue meorum vincula peccatorum, trabe & liga hanc animam meam, tibiq; adstringe triplici charitatis funiculo, qui dissolui non possit, & in æternum non separer à te. Qui vivis, &c.

## Ad Primam.

Domine Iesu, qui horâ diei primâ Pilato presentatus, Iudex cælestis iudici terreno, & reus falsorum criminum ab impijs Pontificibus factus fuisti; succurre nobis miseris peccatoribus in iudicio vt non æternis supplicijs cum impijs condemnemur, sed tuis fidelibus iungi in cælestibus mereamur. Qui vivis &c.

## Ad Tertiam.

Domine Iesu, qui horâ diei tertiâ flagellis casus, & spinis coronatus fuisti; tribue nobis famulis tuis, vt corpora nostra voluntariâ castigatione macerantes, sub capite spinoso digna censerî membra mereamur. Qui vivis &c.

## Ad Sextam.

Domine Iesu, qui horâ diei sextâ transfossis manibus & pedibus, è Crucis ligno pependisti, iisdemq; clavis damnationis nostræ chirogra-

graph  
ma m  
sanct  
berat  
mei.

Do  
matis  
ritum  
genu  
pecca  
facto  
nec ia  
in per

D  
depor  
brach  
cem n  
voluer  
mort  
tris t  
viviis

Do  
pulch



graphum in patibulo confixisti; concede animæ meæ, vt liberata à seruitute peccati, has sanctissimas plagas tuas, tanquam insignia liberationis meæ semper feram in medio cordis mei. Qui viuís &c.

## Ad Nonam.

Domine Iesu, qui horâ diei nonâ, consummatis omnibus, inclinato capite Deo Patri Spiritum reddidisti, atque in mortuum hominum genus spiraculum vitæ inspirasti; concede mihi peccatori, vt qui totum me tibi debeo pro me facto, totum me iterum reddam pro refecto, nec iam mihi, sed tibi, qui pro me mortuus es, in perpetuum viuam. Qui viuís &c.

## Ad Vesperas.

Domine Iesu, qui horâ vespertina è Cruce deponi mortuus in sanctissima Genitricis tue brachia voluisti; concede propitius, vt & crucem meam, quam mihi largiri pro tua bonitate volueris, nunquam in vita derelinquam, & in morte ex ea depositus, per clementissimam Matris tue manus ante te merear presentari. Qui viuís &c.

## Ad Completorium.

Domine Iesu, qui horâ Completorij in sepulchro quieuisti, & à Matre tua mœstissima,



& ab alijs mulieribus plāctus fuisti : fac nos,  
 quæsumus, tuam sanctissimam Passionem ve-  
 ris lachrymis plangere, nec vnquam ea, per  
 qua iterum crucifigaris, admittere. Qui  
 viuīs, &c.

*Collectas  
 feligit  
 meliores.*

Familiares sibi Collectas quasdam fe-  
 cerat, quibus certas virtutes, amorem,  
 castitatem, humilitatem, patientiam & si-  
 miles à Deo flagitabat; præterea eam de  
 Venerabili Sacramento : Deus qui nobis sub  
 Sacramento mirabili &c. & pientissimam o-  
 rationem, Anima Christi sanctifica me, fre-  
 quenter vsurpabat, præsertim cū trans-  
 eundū templū &c. Reliquas eius preces  
 vocales licet haurire ex Fasciculo thuris &  
 myrrhæ A. 1629, vulgato, & Paradiso a-  
 nimæ.

*Medita-  
 tio eius.*

Vocali mentalem adiungebat, vitam  
 Christi Deiparæq; sepius contemplando,  
 pios sēper affectus, proposita, colloquiaq;  
 eliciendo ē singulis vitæ Christi mysterijs;  
 videri de hoc citatus Fasciculus potest.  
 Autūm piē meditandi studium, ex quo  
 per octo dies aliquoties se asceticis S. Igna-  
 tij Commentationibus exercuit. Exinde  
 praxin viæ Spiritualis Ludouici de Palma  
 Societatis Iesu voluit assidue, mentemq;  
 ma-



magis à rerum creatarum amore ad diuina contemplanda erexit.

Oblationem, quam peracta meditatione solitus est adhibere, & Breuiario inferuerat, subiiciam.

## OBLATIO MEDITATIONIS.

**S**Vscipe, Clementissime Pater, hoc meditationum sacrificium Passionis D. N. I. C. quod in vnione omnis eius reuerentie, charitatis, obedientie, mansuetudinis, patientie, &c. in Passione sua exercita, & omnium laudum tibi in hac vita exhibitarum, & in aeternum exhibendarum, tibi ego vilitatis abyssus cum omni eo, quod sum & possum, in tempore & aeternitate offero; praesertim in vnione articuli huius N. à me iam meditati aut meditandi, ad tuam & ipsius gloriam, laudem & benedictionem perpetuam, in plenissimam super beneficijs gratitudinem, in omnium Sanctorum honorem, in totius Ecclesiae profectum, vt in Purgatorio existentes N. & N. liberentur, peccatores conuertantur, iusti in gratia conseruentur, & praesertim vt ego ipse & omnes mihi in oratione commisi, tanto sacrificio iuuentur.

\* \*

\*

D 7

CA



## C A P V T XXI.

*Cultum Venerabilis Sacramenti omni die Iouis  
in Parochianis excitat, cum insigni diui-  
næ prouidentie argumento.*

*antiquas  
fundationes  
obseruat*

*absque sti-  
pendio.*

**A**Ntiquas fundationes Sacrorum, li-  
cet iniuriâ temporum stipendium  
& annuæ pensiones nullæ soluerentur,  
non negligebat, præsertim in ijs, quæ na-  
tæ erant in Parochianis alere pietatem.  
Exemplo sit, die Iouis solennis Sacri de-  
cantatio de Venerabili Sacramento, ve-  
teri instituto; iam quatuordecim ipsos  
annos nihil ex ea prouentuum annuo-  
rum perceperat, & vt se dabant tempora,  
nihil vnquam speraturus videbatur, quin  
& ipse de suo peculio Cantoribus, Ædi-  
ruo, cæterisque Ministris pendebat debi-  
tum stipendium; nec tamen eum augu-  
stissimi Sacramenti cultum, quo mirificè  
Parochiani magnâ frequentiâ confluen-  
tes, accendebantur, omittere decreuerat  
in omnem reliquam vitam. Id cùm ad ex-  
tremum vsque morbum constanter fecis-  
set, Deus ne vinci se liberalitate videretur,  
permouit occultè cor eius, à quo solutio  
pendebat. Incidit is casu in librum à Iaco-  
bo



bo scriptum, & captus authoris spiritu,  
dum nomen inquit, & idem cum eo  
comperit esse, cui pensiones tot annorum  
debebantur, vt debiti cognouit obliga- *cū diuinā*  
tionem & virum; per litteras offert ægro *compensa*  
præter expectationem desperatas pensio- *tione.*  
nes. Hic pius vir fursum in cœlum mani-  
bus subleuatis exclamauit: Quàm verè  
*Dominus regit me, & nihil mihi deerit, in loco*  
*pascuæ ibi me collocauit.*

Dici non potest, quo arserit desiderio *auget cūl*  
cultum huius augustissimi Sacramenti in *tū Ven. Sa*  
se & alijs promouendi; hunc in finem *cramenti*  
quot hebdomadis die Iouis Sodalitatem  
Ecclesiasticorum Venerabilis Sacramen-  
ti adibat, è cuius Magistratu ferè semper  
erat, quòd ipsum assiduitate nemo adæ-  
quaret. In hac Sodalitate sæpe Sacerdotes  
ad muneris obligationem ardenti dictio-  
ne est cohortatus, iisdem aphorismos de-  
dicauit, quibus omnia collegit, quæ ad  
diuinissimum Sacramentum piè sumen-  
dum & ministrandum alijs, possent desi-  
derari.

Complura congeffit alia in Paradiso e-  
iusdem argumenti; vt ideo meruerit die  
Iouis etiam sanctissimè vitâ defungi.



## CAPVT XXII.

Conuersatio & colloquia eius pacifica, vtilia,  
pia, diuina.

Lingua  
damna

canor

colloquia  
pacifica.

Consola-  
toria.

vtilia.

**T**homas de Kempis de seipso queritur: *Quoties inter homines fui, minor homo redij.* Nimis hoc ex vero dicere plerique possunt; nam ad colloquia multos effrenis linguæ trahit licētia, solatia per sepe quærimus ab amicis, aliàs noua, curiosa, iocularia consectamur. Alia Iacobimens, à studijs ægrè se abduci patiebatur, qui cū Deo librisq; loqueretur assiduè & iucundissimè; si necessitas, charitas vel officij ratio postularet, pròptissimus erat, & verba nō linguæ libertate, cuius si quis alius dominus erat, sed vtilitate vel necessitate metiebatur, præsertim si pax inter dissidentes componenda, æquum se partis vtriusque cōstituebat arbitrum, cuius arbitrato starent oēs; si tristes, afflictos & calamitatibus pressos conuenisset, mellifluā dictione solabatur, & conformationē volūtatis cum diuinā, rationibus efficacib. persuadebat, cū doctis docta, non tñ vana, curiosa vel affectata; sed vtilia miscebat colloquia, discendi quàm docēdi cupidior; nequaquā tñ ijs similis, qui sua nulli cōmunicare vel



inuenta vel scripta, vel aduersaria volunt;  
omnia potiùs ipsius amicis cōmunia, libri,  
MSS. recōdite quęuis historiæ, vel si quid  
aliud vsus postularet, crederes eum acci-  
pere cōmodando, non cōferre beneficiū.  
At cum nullis æquē libēter, ac cū Religio-  
sis miscebat, & de reb. asceticis colloquia; *Ascetica*  
tunc n. vero gestire animus, ridere vultus,  
dilatari cōr & diffluere gaudijs, cū in vi-  
runt eiudē propositi spiritusq. incidisset.  
Nā qui parcissimus erat tēporis, hic nullas  
numerabat horas, cordis intima pādebat,  
& ignitis verbis alios succēdebat, quæ sola  
videbatur arcui semper intento studijs re-  
missio, mentisq. plena relaxatio. Testatur  
Religiosus, quo familiariter & sæpiùs vte-  
batur, nūquam se cum eo locutum, qui  
eū Seneca aliquā sui parte emendatior redie-  
rit. De eo testatur is qui suprā, Adamus  
Kaser: *Magnus in viro fuit zelus animarum,*  
*magna libertas spiritus, vt in causa Dei & ani-*  
*marum timeret omnino neminem, Magnates*  
*etiam & Viros principes, si qui in ipsius Pæro-*  
*chia domicilium haberent, aut exules fixissent*  
*sedem, adiret in Pæschate, & suauiter offi-*  
*cij Christiani commonefaceret, dissidentes*  
*hortaretur ad concordiam, aliq. muneris*



Pastoralis officia non diligentissimè tantum; sed & perfectissimè summa pietate & sensu animi, cum maxima spectantium edificatione perurgere conaretur, non aliud cor eius eru-ctare, os loqui, penna scribere, quàm spiri-tualia norat; quod non modo tot ab ipso p̃ij libelli editi testatum faciunt, verùm ij omnes, qui cum viro sæpius egerunt, fateri cogentur: ipse enim de diuinis rebus loquendi scribendiq; modus & ardor satis manifestum faciunt, quo spiritus intus ageretur. hæc ille. Itaque non erat quod ipse vereretur, ne inter homi-nes rediret minor ab hominibus; sed po-tius gauderet, quòd alios à se aliqua sui parte perfectiores dimitteret.

## C A P V T XXIII.

Temporis accuratissima ratio in somno, cibo  
capiendo, conuiujs, &c.

ep. 9. ad  
Lucil.

**S**enecæ monitum hoc continuò velli-  
scabat aurem Iacobi: Vindica te tibi,  
& tempus, quod adhuc aut auferebatur, aut  
surripiebatur, aut excidebat, collige & serua;  
persuade tibi hoc sic esse, vt scribo, quædam  
tempora surripiuntur nobis, quædam subdu-  
cuntur, quædam effluunt, turpissima tamen est  
iactura, quæ per negligentiam fit, & si volueris

Ratio  
temporis.

at-



attendere, maxima pars vita elabatur male agentibus, tota vita aliud agentibus. Quem mihi dabis qui aliquod pretium tempori ponat, qui diem aestimet? Imò temporis ponebat pretium, & horas etiam vel momenta Iacobus aestimabat; nihil malè, nihil aliud agenti elabebatur; nihil subducebatur, ne per cibi quidem sumptionem, nihil auferebatur per intempestiva colloquia; paucas somno indulgebat horas, in multam noctem ad vndecimam & ultra lucubrare solitus. Primo diluculo *Manè.* vacabat precibus, inde Matutinis cantandis, legendo Sacro, diuinisq̃ue officijs & Parochialibus muneribus occupabatur: quod reliquum, studijs impendebat. Prandium quoties sumebat, vel coenam, *In mensa* lectione sacra condiebat, vsus eam in rem versatili pluteo, quod sic adduceret, vt cibi sumptionem neutiquam impediret, & tunc potissimum Scripturæ caput euolvebat, nec erat necesse manus oculosq̃ue, multum in ferculis deligendis occupare, qui vno ferè contentus, ciborum varietatem vt valetudini noxiam vitabat, simul vt gulam hostis ipse sui capitalissimus frenaret; neque enim ciborum indul-



*Declinat  
conuiuia*

dulgebat suauitati, sed naturæ seruiebat necessitati; ad alimenta velut medicamenta cum S. Augustino adire solitus. Conuiuia cum honestè poterat, declinabat; imitatus S. Chrysostomum, qui cum ob incredibilem abstinentiam ægrè posset cibos capere vel conficere, ne conuiuiis molestior esset eius temperantia, vitabat. At si subterfugere non liceret, tantum ad Vesperarum vsque tempus (quod clepsydrâ secum frequenter apportatâ explorare visus) accumbebat, facetus, iucundus, simulq; pius inter epulas; vtilitatis semper spiritualis captandæ memor; tum missionem postulabat: nam intempestiua conuiuia in multas horas vel noctem prorsus abhorrebat; temporis enim illius iacturam inæstimabilem rebatur. Frugalem amicorum vel Religiosorum mensam vtilitatis & honestæ recreationis gratiâ non inuitus adibat, vbi suus staret temperantiæ locus, & animus docto pioq; colloquio magis quam epulis pascebatur. In hoc fœlices prædicabat Religiosos, apud quos studia florent, quod à refectione corporis remittere liceret contentionem studiorum



erudito colloquio, quo plus sæpe proficit ingenium aliorum expeditis in quavis facultate & re dubia responsis, quàm multarum horarum priuata lectione. Addam, quæ familiarissimus eius in elogio de eo scribit: *Omne propè tempus, etiam quod curando corpori destinatum est, aut letitioni, aut studio rerum spiritualium impendebat: maximæ eius delitiæ erant libri spirituales & SS. Patrum volumina, quibus identidem immorabatur, & imbecillo semper corpore & agra valetudine, quod de S. Gregorio traditum est, immoriebatur: neque ijs delectabatur solum, sed & pascebatur magis, quàm propositis in mensa cibus, ut moriens cum Socrate disceret, comedens & bibens cum S. Hieronymo Dei iudicia volueret: verèq; vsurpare illud Ioannis cap. 4. posset: Meus cibus est, ut faciam voluntatem eius, qui misit me. Hæc ille. Ita seruabat præceptum Sapientis: Fili, conserva tempus, Eccl. 14. & deuita à malo, non defrauderis à deo bono, & particula bona dici non te pratereat.*

\* \*  
\*

## C A P V T XXIV.

## Cura Domesticorum &amp; Fratrum.

*Familia-  
res & do-  
mestici  
eius*

*Fratres  
duo.*

*Cura eo-  
rum.*

*Cōplectū-  
tur sta-  
tum reli-  
giosum*

**M**ultis & præcipuis curæ Pastoralis  
annis familiam non aluit, ne curâ  
rerum temporalium nimium temporis  
studijs detraheretur. Itaque cum fratre  
solo qui eidem ab obsequijs erat, domum  
habitabat Pastoralem; cibi verò vicina in  
domo viduæ parati tempore refectionis  
per sororem viduæ famulanti infereban-  
tur. Fratrem ad Gymnasium trium Co-  
ronarum eo destinavit anno, quo Paro-  
chiam admisit, ei Religionem ingresso  
successit alter, & huic sororis filius. Postea  
cū sororem ascuisset in familiam, mor-  
tua vidua cui famulabatur, pauperem  
etiam studiosum ferè aluit; omnes verò  
domesticos sibi cupiebat quàm simili-  
mos, vitæ integritate, morum maturita-  
te, & animi perturbationum victoriâ;  
quod licet in teneris impetratu difficile,  
obtinuit tamen continuâ vigilantia assi-  
duisq; monitis: sic verò fratres instituit  
ad omnem virtutem, ut prior decurso  
Philosophiæ studio, Societatem IESV,  
posterior Carthusianum Ordinem com-  
ple-



plecteretur, & hoc minorem vterque difficultatem in vitæ religiosæ tyrocinio experiretur, quod ei multis annis sub arctissima disciplina domi præluissent; eosdem iam Nouitios crebris ad eos datis literis ad perseverantiam in sancto instituto est cohortatus; iisdem affatim librorum utilissimorum submittebat, quibus spiritum acuerent, & munia sua congruenter vocationi & decenter obirent. Ita Coloniensem, Confluentinam, Embricensem & Monasterio-Eiffliacam Bibliothecas Societatis IESV, fratris causâ, multis instruxit libris, vbi morari compererat Patrem Philippum germanum suum. Is etiam de Iacobo hoc testatur literis: *Religiosus extra Religionem vixisse visus est multis; paupertatis perquam studiosus, vt ad rem familiarem propè nimium quàm par erat, attentus videri potuisset; sed eo fine, vt in egenos & ornatum templi posset esse liberalior. De vitæ innocentia & integritate loquuntur crebra ieiunia, rara & admiranda potiùs quàm imitanda temperantia, cuius fines in nullis vnquam conuiujs, quæ aut vitabat, aut tempestiuè deferebat, ipsum transgressum esse animaduerti octo ipsis annis, quibus cum eo vixi. Omnes boni Pastoris*

*Testimonium P. Philippi de Iacobo fratre.*



*Litania  
vespertina.  
aa.*

numeros expleuit, nullam diem abire passus, quin rem diuinam faceret, etiam si iter facere contingeret. hæc ille. Domesticos vespericertum in locum colligebat, ibi Litaniæ cum varijs precibus publicè ipso præeunte dicebantur, & examen conscientiæ instituebatur, Dominicis & Festis diebus Euangelium diei congruum vernaculo sermone legebatur. Denique domus instar religiosissimæ familiæ composita, nullus vt strepitus, fabulæ, risus, vel leuitas audiretur; etiam cum exulum familiam cum iumentis admisisset, præter laborantium strepitum, altum vbique vigeat silentium.

## C A P V T XXV.

*Oeconomica viuendi ratio, & prouentuum administratio similis religioso paupertati.*

**V**T verisimilior sit ea multorum Theologorum sententia, Clericos omnium prouentuum suorum esse Dominos, & posse saltem validè de ijs vt suis rebus disponere; Iacobus tamen in praxi tutiorem sibi statuit obseruandam, Christi secutus hoc consilium: *Quod superest, date Eleemosynam, & ecce omnia munda sunt*

*Luc. 11.*



vobis. Beneficium habuit pertenuē, sed a-  
 lendo viro paucis, & vilibus contento suf-  
 ficiens, imò redundans, cibus eius parcif- *Cibus.*  
 simus, obuius & parabilis, vestis congrua, *Vestis.*  
 statui sine sordibus & ornatu, nam vtrun-  
 que fugiebat. Supellex domus munda, *Supellex.*  
 vulgaris, non exquisita vel curiosa: pictu-  
 ræ per domum, cubicula, ianuas, & alia lo-  
 ca distributæ piæ, sacræ, de vita & passione  
 Dominica, (quæ tam parietes omnes cu-  
 biculi, quo recipiebat & audiebat hospites,  
 quàm lecti totam interiorem spondam ve-  
 stiebant) vel Deiparæ & Sanctorum; nec  
 artificiosè vel oleagino colore pictæ, sed  
 in charta rudi opere elaborate, quæ piete-  
 tem prolicerent, non oculos pascere, ex  
 passim incurrebant per domum in oculos,  
 & pias intuentibus ingerebant cogitationes:  
 at quidquid reliquum, in res pias & utiles  
 profunde, certa tamen dispensatione  
 ac distributione facta, ut primò merces  
 operis & debita quotannis soluerentur; &  
 benemeritis gratia vel remuneratio habe-  
 retur, pars Ecclesiæ, pars pauperibus ce-  
 deret. Inibat secum ipse rationes dati & *Rationes*  
 expensi sub finem anni cuiusvis, Bel- *init quat*  
 larmini Cardinalis exemplum imitatus: *annu.*

E

ope-



operæpretium erit ideam ex libro rationum eius ad finem anni 1631. confecturum excerpere, quas Clerici possint quotannis æmulari.

ANNI M.DC.XXXI. RATIONES  
IN FINE DECEMBRIS INITÆ.

Ad maiorem Dei gloriam.

**A**Nno 1631. exeunte, siue in fine Decembris, Ego Iacobus Merlo-Horstius, pro more meo iam ab annis aliquot obseruato, computauim, persolui, & liquidauim omnia debita mea cum omnibus & singulis, ita vt iam nulli debitor sim, nisi Deo & benefactoribus. Et quamuis annis præterlapsis multa impenderim in ornatum & reparationem Ecclesiæ, non pauca in pauperes, peregrinos, studiosos, aliosq; afflictos & inopes pro modulo facultatum mearum erogauerim, adhuc curam rei æconomica sustinuerim, inueni tamen superesse mihi in parato (quæ benignissimi Dei liberalitas est & benedictio) quingentos triginta quatuor florenos circiter. Hoc igitur quantumcunque est, ad Dei honorem & proximorum subsidium, & salutem animæ meæ impendere cupiens, decreui tres ex residua ista pecunia facere portiones, & vnā quidem Ecclesiæ pro necessarijs vsibus

& or-

& oru  
Religio  
tertia  
sitatib  
nis, qu  
nident  
seruabo  
Merlo-  
Nimir  
ministr  
minus  
conten  
peribus  
Quod su

C  
Mist

**A**r  
cundus h  
ponit ser  
non com  
iustitia  
ius exal  
cordis  
tatum t



& oruamentis, alteram pauperibus, studiosis, Religiosis, Mendicantibus, peregrinis, &c. tertiam verò meis seu domus & familia necessitatibus attribuere, idq; singulis deinceps annis, quos mihi Deus pro sua clementissima providentia concessurus, certa & stabili lege observabo. Ita statuo & decerno ego Iacobus Merlo-Horstius Anno 1632. initio Ianuarij. Nimirum proventus Ecclesiasticos vt administrator aliquis Religiosus, non Dominus distribuebat, ipse modicissimo contentus, maximam partem Deo pauperibusq; secernebat, Christi consilio: Quod superest, elemosynam date.

## C A P V T XXVI.

Misericordia in pauperes, studiosos, Religiosos, exules.

**A**Ptè Iacobo congruit illud Psaltis regij viri misericordis elogium: *Iu- Psal. lxx.*  
cundus homo, qui miseretur & commodat, disponit sermones suos in iudicio, quia in æternum non commovebitur; dispersit, dedit pauperibus, iustitia eius manet in sæculum sæculi, cornu eius exaltabitur in gloria. Mens viri misericordis semper hilari- *Misericordes se-*  
tatum turbinibus obnubilata vel contra- *per lari.*



Sta, terra hiatu dehiscat, aërq; fulguret,  
tonet, fulminet, in æternum non com-  
mouebitur, nec spe vel beatitate sua exci-  
det. An Christum Iudicem metuat, quem  
pauit famelicum, vestiuit nudum, hospi-  
tem domo recepit, cuius chirographum  
seruat: *Beati misericordes, quoniam miseri-*  
*cordiam consequentur?* Hâc erectus fiducia  
Iacobus, quidquid reliquum, Christo  
pauperibusque liberaliter est impertitus.  
In quatuor ipse capite superiore classes  
eos distribuit, 1. vulgariū pauperum e-  
rat, 2. studiosorum, 3. Religiosorum,  
4. exulum. Singularum exempla pauca  
colligo de multis.

*Gazophy-*  
*lacium*  
*domi.*

Statas egenis dabat eleemosynas, sepa-  
ratam domi seruabat arcam, quam gazo-  
phylacium pauperum nominabat, in eam  
mittebat, quoties egenis aliqd applicaret,  
in eandē annuē tertiam prouentuum aut  
pecuniarum partem conijciebat, & largē  
quibusdam indigis erogabat. Cū viam  
Romanam obiret, vt attentius oraret,  
per fratrem aut sororis filium obuijs sin-  
gulis stipem donabat. Viderat in Ædē  
Principe puerum, ex cuius ore oculisque  
decentibus indoles præclara eluceret, elee-  
mosy-



mosynas colligentem, de quo cum olim sibi magna polliceretur, domum deducit, sciscitatur de parentibus, adhibet mensæ, promittitq; deinceps eidem indies prandium, quod ei multo tempore præbuit, donec ultro puer emanere cœpit.

In studiosos verò profusus in vita & *Cur in e-*  
morte fuit, eorum enim plerosque spera- *gentiores*  
bat Clero vel Familijs Religiosis adscri- *studiosos*  
bendos, magnoq; futuros Ecclesiæ tam *profusus.*  
ornamento quàm emolumento, hos cum  
aleret familiam, indies ferè conuiuas ha- *adhibet*  
bebat, ita vt quidam statis hebdomadæ *mensæ.*  
diebus, alij quotidie ferè mensæ adhibe-  
rentur, & quandoque eodem die terni  
quaterni; miratus ipse nō semel fuit, cum  
opinionē suā plures inuitasset ad frugale  
prandium, nihil tamen cuiquam defuisse.  
Initio morbi 12. pauperes & ferè studiosos  
pro se viam obire Romanā voluit, singulis  
quadrantē imperialis elargitus. Scripsit e-  
oldē moriēs bonorū suorū & bibliothecæ  
selectissimæ hæredes. Adiungā nō nulla, q̃  
P. Adamus Casen hac super liberalitate ad-  
notauit: Quandoq; mihi in studiosos pauperes  
pecuniā aut pannū distribuendū mittebat, alios  
ad audiendū Sacrum inuitabat, & quasi alieno



*Scribit  
hæredes.*

titulo pecuniam singulis impertiebatur, aut si qui in studijs aut pietate præ ceteris commendarentur, pane, cibo, veste, alijsq; quibus opus erat, fouebat. Quibus colophonem addidit moriens, quando Gymnasijs trium Coronarum pauperes studiosos ex asse scripsit hæredes. Ita cum Romanis apud Varronem fontem coronauit, ex quo sæpe prior hauserat, & ipse moriens meruit coronam iustitiæ, quam reddet iustus Iudex omnibus, qui diligunt aduentum eius.

*Liberali-  
tas in Re-  
ligiosos.*

Religiosis verò familijs partim esculentis & poculentis mittendis, partim donandis libris vel pecunia succurrebat; præsertim quos graui premi cognouerat necessitate. Compererat Cœnobium Sanctimonialium, in quo vigeat arctissima disciplina, ad extremam ferè redactum egestatem, misit eò continuò per Sacerdotem clam argenteam phialam, cum aliud ad manum non haberet, & donauit opportunissimo tempore, quod munus Virgines vt cœlitus datum summo gaudio receperunt, ignaræ tamen cuius obuenuisset largitione, vetuerat enim seuerè, ne se viuo res emanaret.

Sub finem anni 1631. cum Gustauus Sueciæ Rex capta Herbipoli, Moguntia, Wor-

Wor-  
bus d  
perut  
Colo  
res r  
nihil  
tus h  
Iacob  
quant  
tur:  
fcesq;  
benef  
ficiu  
nerab  
uis.

Ec  
gent  
ius o  
hos i  
caniss  
caseo  
gnâ  
tione  
60.8  
magi  
creat  
tunc



Wormatia Rhenanis partibus superiori-  
bus dominaretur, ingens exulum, pau-  
perum, & religiosarum etiam Virginum  
Coloniam confluit multitudo, complu-  
res rebus omnibus exuti, præter vestes  
nihil admodum ferebant secum. Miser-  
tus horum miseras & extremam famem  
Iacobus liberaliter omnibus subuenit,  
quantum angustiae rei familiaris pateren-  
tur: panes, caseos, butyrum, carnes, pi-  
scēsque prodegit, ratus accipere se dando  
beneficium, non tribuere: & verè bene-  
ficium dando potius accipiebat: qui scœ-  
nerabatur Domino, cum miseretur ser-  
uis.

Eo tempore statim cognitâ eius in e-  
gentes munificentiam quotidie domum e-  
ius obsedit ingens multitudo miserorum,  
hos in atrium domûs inducebat, ibidem  
canistrum onerarat panibus, scutellam  
caseo, tum singulis manibus ipse suis ma-  
gnâ beneuolentiâ & charitatis significa-  
tione distribuebat, ut hac ratione sæpe  
60.80 vel centum etiam vna die pasceret,  
magis earum multitudine vel accursu re-  
creatus, quàm deterritus. Narrat eius  
tunc per nouem annos continuos fami-



liaris & domesticus D. Wilhelmus Rœmer, nunquam à se visum egenum stipem flagitantem, quem indonatum à se, vel tristem dimiserit, eidem dicere solitus, cum plures aduolarent: *Semper adhuc aliquid reperio, quod pauperibus largiar: ut non immeritò admodum R. D. Matth. Hoën Rector Magnificus tunc Vniuersitatis Colonienſis, Decanus S. Andreae, pro concione paulò post mortem Parœcis suis exemplum liberalitatis in egenos, ut vrbe tota perauulgatum, proposuerit imitandum.*

Eodem tempore Sanctimoniales, Regulæ S. Claræ, Moguntiâ Coloniâ descendebant, & egrè vitam ob defectum rerum necessariorum tolerabant: quo comperto Iacobus liberaliter omni septimanâ panes, caseos, pisces, & eius generis esculenta submisit, hoc profusior in Religiosas Virgines, quæ vita earum Christi moribus conformior: & ita se non homines, sed in ijs pascere Christum arbitrabatur. Solebat præterea die Iouis Sancto duodecim studiosos domum suam inuitare, quos mensæ adhibitos lautis excipiebat

epu-



epulis, exemplo Christi, cibos ipsis & potum, omniaque necessaria manibus suis ministrando: tum eleemosynâ largâ donatos à se dimittebat.

Viderat prope Metropolitani Templi limina iacentem pauperem natione Gal- lum ægrò corpore: sic enim scabies cor- pus & faciem obtexerat, vt leproso si- milis vix hominis referret speciem: mi- seratione tactus Iacobus, ita prouolu- tum humi, & ob brumale frigus rigen- tem & trementem corpore, sustulit è ter- ra, manibusque domum suam deducit, inducit in musæum, suo imponit sedili, fornacem instruit, calore fouet, cibis & potu reficit, iucundis & pijs collo- quijs solatur, ad patientiam exhorta- tur: tum eleemosynam non modicam eidem elargitus abs se dimisit. Vbi nunc molles, effœminati, delicatuli, qui viso leprosi, ulcerosi vel scabiosi vultu contremiscunt, fugiunt, vultum & oculos auertunt, nec oculis paululum humanam miseriam, cui obnoxij sumus omnes, intueri sustinent? videant istum huius Sacerdotis manibus leuari è terra:



manu prehensa duci, propria in sede locari, vultus tam tetri magis aspectu, quàm comptulorum & cincinnatorum adolescentum specie delectari: isto pedore, illuic & vermibus pauperis, quàm effœminatorum suauissimis odoribus vel suffimentis recreari. Hæc est vera sapientia suis res omnes momentis ad leges æternas & diuinas ponderare: Christum in tali paupere pluri, quàm Regem in solio æstimare & venerari, qui disertis promissit verbis: *Quod vni ex minimis meis feceritis, mihi fecistis.*

*Exiles.*

Sed cùm miles hostilis barbara feritate patriam Coloniensem, Iuliacensem & Montensem Anno 1642. ferro flammâq; depopulatus agricolas domibus & fortunis omnibus exturbaret, Claustra Monialium effringeret, & Virgines Deo dicatas eijceret, cùm iterum innumeræ familiæ rebus omnibus exutæ Coloniâ velut ad asylum vnicum & per fugium extremum

*Rusticos.*

confugerent. Eodem Rusticus cum uxore, liberis, iumentis & pecoribus venerat, quo diuerteret, ignarus, casu fores Iacobi pulsauit: is misertus exulis suam cum omni familia pecoribusque recepit in domum,



num, aptauit iumentis stabulum, prospexit per hyemem de habitatione, & maiorem anni partem, omnes ferè de suo gratis sustentauit, ac rudes officij sui sic breui tempore instituit ad pietatem, vt eadem ciues etiam æquare vel superare potiùs viderentur. Alteri rustico non solum omnibus spoliato, sed & diuturnâ captiuitate detento, in qua plurimi morbis, pedore & squalore moriebantur, cum nemo misero pecuniam commodaret, vt ad Iacobum confugit, promptè vim sat magnam ei credidit, vt carcere solutus comparatis iumentis ad propria culturamq; agrorum redierit, is cum anno euoluto censum pendere iam ægrotanti vellet, oblati etiam muneris loco piscibus, totum ei remisit, pisces sibi habere iussit, & inde aliorum amicitiam conciliare; ipse potiùs eundem fractis licet viribus solari mœstum, spe diuinæ prouidentiae erigere, cibisq; recreare. Deus, ne vinci liberalitate videretur, eadem horâ Iacobum certior per amicum (qui interuenit, cum afflicto leuaret solatio) fecit soluendam breui pētionem annuam tot annis desperatam; quæ paucis post



diebus, mediam partem est repræsentata. Inuitus eo tempore suscipiebat à Parochianis pro ornatu templi munera, qui parci videbantur in alendis pauperibus, nam SS. Augustini, Basilij & Ambrosij secutus consilium, arbitrabatur calices argenteos & vasa pretiosa potius esse distrahenda, quàm famelicorum viua Christi vasa vel membra cum animarum periculo defectu alimentorum interirent, pro quibus tamen seruandis Sanguinis sui pretium omnibus totius orbis thesauris nobilius sapientissimus Mercator Christus appendit. Sacerdotes quosdam exules & Pastores, exturbatos sedilibus statis in hebdomada diebus, inuitabat ad mensam, immò faciebat liberam potestatem, quoties egerent, vel ipsi vellent, redirent pro arbitrio.

*Vendit su-* Cùm pecunia paulatim in ea communi  
*pellectile,* annonæ caritate deficeret, supellectilem  
*electam* distrahere suam cœpit pro alendis Religiosis Virginibus nobilibus & ignobilibus, quæ maximo numero confluerant Coloniam, rebus omnibus vitæ sustinendæ destitutæ; sed cùm nec ista sufficerent, lectum etiam proprium per Gertrudem

Wich  
tron  
vendi  
deino  
pore  
proue  
nis sol  
proui  
sz val  
dere  
mibi d  
Famil  
moriu  
peribi  
certu  
merit  
annu  
re no  
irent,  
totum  
theca  
bros,  
clesial  
dia a  
accept  
sed ad  
ciendo



Wichem, D. Ioannis Kinchij vxorem matronam in pauperes beneficentissimam, vendidit & egētibus distribuit, ipse strato deinceps vsus reliquā vitā & morbi tempore duriore. Monebatur ab amicis, cum prouentus essent exigui, nec ijs tamen annis soluerentur, prospiceret familiæ suæ, prouideret vt aliquid senectuti vel aduersæ valetudini leuandæ superesset, respondere solitus est: *Dominus regit me, & nihil mihi deerit, in loco pascuæ ibi me collocauit.* Familiari suo non semel dixit: Alij, dum moriuntur, legatis pijs subueniunt pauperibus, ego viuus ijs malo succurrere, *In vita beneficiendum.* certus de auxilio præstito miseris, securus meriti præmijque. Foundationes etiam vel anniuersaria sacra post obitum constitutere noluit, metuebat enim ne sensim interirent, & fructus alijs rebus applicarentur: totum quod reliquum erat cum bibliotheca, pauperibus tribuit, quasi tam libros, quàm rem omnem familiarem, Ecclesiasticos prouentus & laborum stipendia ad vsum tantùm commodatò à Deo accepisset, non ad ditandos propinquos, sed ad Christi membra pauperesque reficiendos.



## C A P V T XXVII.

*Inuicta in morbis acutissimis patientia.**Tob. 12.*

**M**Onebat Raphaël Tobiam: *Quia* acceptus eras Deo, necesse fuit vt tentatio probaret te: omne igitur quod tibi applicitum fuerit, accipe, & in dolore sustine, & in humilitate patientiam habe; quoniam in igne probatur aurum & argentum, homines vero receptibiles in camino humiliationis. Morbos quasi donum & amoris pignus à Patre amantissimo missum cum grati animi significatione recipiebat, & velut particulam Crucis Dominicæ oblatam exosculabatur. Corpus naturâ debile, ieiunijs, vigilijs, laboribus & verberationibus extenuatum, exhaustum & enervatum morborum ilias inuasit, & acutissimis quidem doloribus dentium sæpe torquebatur, nonnunquam colicis, sæpissimè calculi grauiissimis aculeis lancinabatur, nec gemitum quidem, vix alijs tolerabiles cruciatus exprimebant: quid gemitum dico? vox animi constantis & excelsa nonnunquam ab alijs audita est: *Adde, Domine, dolores, auge patientiam.* Portenti simile fuit, aliquoties cum lapillos qui pisorum magni-

*Corpus imbecille**fractum morbis.**Calculi doloribus**oprat maiores.*

gnitue  
aqua  
velut  
Et do  
corpo  
Medic  
adhibe  
rum su  
poris  
sumpt  
si vis  
vident  
ris sua  
omni  
paratu  
erat in  
Deo  
mnib  
Cum ip  
glorific

C

Curan  
pit

C



gnitudinem, imò fabarum longitudinem  
 æquarent, sine studiorum intermissione  
 velut indolenter excernere; nec ideo le-  
 cto decumbere, fomenta, balnea, vel alia  
 corporis leuamenta sectari cum stupore  
 Medicorum; horum tamen quoties opus  
 adhibebat operam, nec vsum pharmaco-  
 rum suo tempore negligebat: vnde cor-  
 poris ægri leuandi gratiâ nullis parcebat  
 sumptibus, quoties necessitas suaderet; at  
 si vis mali curam superaret, in diuinę pro-  
 uidentię brachijs & vulneribus Saluatoris  
 suauissimè quiescebat: hic in aduersis  
 omnibus asylum quærebat, & refugium  
 paratum reperiebat: vt quàm moderatus  
 erat in prosperis, tam lætus & securus  
 Deo fretus esset in morbis & aduersis o-  
 mnibus, recolens versiculum Psaltis regij:  
*Cum ipso sum in tribulatione, eripiam eum &  
 glorificabo eum.*

## C A P V T XXVIII.

*Curam Sanctimonialium in S. Vincentio susce-  
 pit cum insigni fructu Cœnobij, delicatos  
 cibos in morbis etiam refugit, &  
 ad nosocomia mittit.*

**C**vræ Pastoralis curam adiecit aliam,  
 non



non quæ redivis amplius augeret opes,  
 vel præberet delicias, sed quæ cum insigni  
 molestaque occupatione, perficiendi in  
 spiritu proximi desiderium expleret sine  
 ullo emolumento temporali. decennium  
 enim circiter Monasterium S. Vincentij  
 Virginum velatarum fructu maximo re-  
 xit & excoluit, votorum & regularum Or-  
 dinis accuratissimam observationem, ri-  
 gidam clausuræ, vt vocant, custodiam,  
 templi ornatum eximium, cantum Eccle-  
 siasticum pium, tardumq; diligenter cu-  
 ravit: cavit nimiam cum sæcularibus &  
 viris familiaritatem, ad pios & vtilis labo-  
 res manuum eas exhortatus: sanè nullo  
 ferè in totius ciuitatis Cœnobio tam ele-  
 ganter opere Phrygio elaborantur vestes  
 sacræ, vela, altarium pallia: quo ferè la-  
 bore Virgines victitant, nihil tamen diui-  
 norum officiorum negligitur. Porro  
 vt sacri Concilij Tridentini decretum  
 seruaretur, non ter tantum, sed sæ-  
 pius etiam faciebat Virginibus potesta-  
 tem alijs præsertim Societatis Iesu Patri-  
 bus confitendi. Exhortabatur eas fre-  
 quenter ad omnem perfectionem; vel  
 in hoc, cum per occupationes non li-  
 ceret,



ceret, dictis Patribus vices suas delegabat.

Subijciam modum, quem in Concionibus habendis vsurpauit.

METHODVS PRÆPARATIONIS  
ad prædicandum fructuosè  
Verbum Dei.

*Meditatio Concioni præmittenda.*

I. **C**ONsidera, ad quàm præcellsum opus sis vocatus, scilicet vt sis Christi Legatus ad Fideles eius, dicente Apostolo Paulo: a *Legatione pro Christo fungimur, tanquam Deo exhortante per nos,* a 2. Cor. 5. ita vt lingua mortalis fiat oraculum Sancti Spiritûs, organum Diuinæ vocis; immò, vt sis Pater quidam Spiritualis ad gignendos Christo per Euangelium Filios, vt Paulus de seipso affirmat: *In Christo per Euangelium ego vos genui* b. Quod officium, cùm Christus omnium primus fœcundissimè, cùm in terris prædicaret, obierit, eius partem tibi voluit communicare, vt Vicario suo, in re tanta, quanta est mortuos peccato homines ad vitam spiritualem, & dignitatem filiorum Dei reuocare. b. 1. Cor. 4.

II. Por-



II. Porrò idoneum esse Ministrum ad animarum conuersionem procurandam id prorsus superat vires humanæ naturæ. Ideo nec Eloquentiæ tuæ, nec Doctrinæ & Prudentiæ, sed Dei Gratiæ confide, cuius est lumen menti Concionatoris infundere, quod ad tam sublime munus requiritur. Hinc Gentium Doctor, *Sufficiens*, inquit, *nostra ex Deo est, qui & idoneos Ministros nos fecit noui Testamenti, a non litera, sed spiritu.* Concionem itaque meditaturiens, sic labora & stude, vt superflua sollicitudine abiecta, ad ipsum Fontem Sapientiæ recurras, animum tuum expandens ac præparans, vt suâ illum Deus gratiâ illuminet; & simul rogans, vt ipse mentem & linguam impellere & moderari velit, vbi ad rem ventum, ad Concionatoris munus ritè legitimèque obeundum.

III. Cumq; ad gloriam Diuinam prædicandam sis electus, humanæ existimationis atque commendationis studium omnino abijcies, Christum dictis & factis imitando, qui non suam, sed Dei Patris gloriam solertissimè quærebat.

IV. Sit insuper in animo tuo ardentissimus



simus erga eos, quos Christo gignis, affectus; ita ut quemadmodum mortales parentes nullum recusant laborem in liberis educandis, ornandis, locupletandis, eorumque malis & miserijs non secus condolent ac suis: ita tu intimis angaris sensibus, si quem videris in peccatum & Diaboli laqueos relabi, atque ita in alijs iuvandis, haud sine incommodo tuo, nunquam defatigaberis.

V. Quinetiam imitare Apostolos, qui ut se idoneos redderent in prædicando Evangelio Ministros, ex Domini præcepto sese abdiderunt in Domum, ibique in oratione ardentissimè persistentes, Divini Spiritus igne succensi, paulò post vniuersarum terrarum orbem, prædicatione sua inflammaverunt: sic tu ad Deum confugas, oportet, ut in meditatione tua diuinus ille ignis exardescat, quo Auditores tuos incendas: a *Pete ergo à Deo, ut ver-* a *Psal. 38*  
*bis tuis pondus addat, ac sine dubio, si bene postulaueris, in fide nihil hesitans, b Dominus* b *Psal. 67*  
*dabit Evangelizanti tibi verbum virtute multa.*

VI. Magni utique apud Concionatorem momenti est, ab omni cupiditate pur-



purgatum esse, vt verè de illo dicatur:  
*a Psal. 10. a Quàm speciosi pedes Euangelizantium pacem,*  
*Euangelizantium bona: Ferendæ item mo-*  
*lestiæ, quæ ob prædicationem veritatis in-*  
*currendæ, vt Christo Concionatorum Ar-*  
*chetypo similis efficiaris, & augeas meri-*  
*tum ac mercedem tuam in cœlo.*

VII. Dum porrò operam nauas alio-  
 rum profectui, ne te ipsum lædas, tui  
 obliuiscaris, ne audias: *Peccatori autem*  
*b Psal. 49 dixit Deus, b quare tu enarras iustitias meas,*  
*& assumis testamentum meum per os tuum?*  
*Tu verò odisti disciplinam, & proiecisti ser-*  
*mones meos retrorsum? Imiteris ergo e-*  
*xemplum Christi, qui priùs cœpit fa-*  
*cere, ac deinde docere c. Atque ita se-*  
*c Ad. 1. gerat Concionator, vt, veluti S. Bernar-*  
*dus ait, non sint canales, qui nil sibi re-*  
*tinent aque, sed transmittunt vniuersum:*  
*quin potius, veluti Conchæ, ex quibus af-*  
*fluentia, sine vllò ipsorum detrimento, ad*  
*alios redundat.*

VIII. Fugito demum nimium ornatum,  
 & operosam humani laboris industriam,  
 in verbis ac sententijs, sed in Apostolico  
*1. Cor. 2 spiritu, d non ponens vim in persuasibili-*  
*bus humanæ sapientiæ verbis, sed in o-*  
 sten-

stenfio  
audien  
mulce  
phetar  
Logim

ORA

Præ  
D  
ri  
Creato  
video,  
laborib  
te, ni  
tis labi  
Da mi  
casti n  
tuam  
Amen.

O  
tanqu  
viuent  
lio Ma



stensione spiritûs & virtutis: Neque aures  
audientium blando verborum sono per-  
mulcere, sed corda penetrare satage, Pro-  
phetam Esaiam audiens, te monentem:  
*Loquimini ad cor Hierusalem.*

ORATIO ANTE CONCIO-  
nem immediatè dicenda.

*Premisso Hymno: Veni Creator &c.*

**D**ignus es, Domine, accipere omnem glo-  
riam & honorem, vtinam omnes ad te  
Creatorem tuum conuertam! Eia, Domine,  
video, vt infiniti pereant, tuo sanguine &  
laboribus empti: & nemo potest venire ad  
te, nisi tu traxeris eum: Quid ergo pollu-  
tis labijs & corde ego prestare potero sine te?  
Da mihi itaque gratiam ad hoc, ad quod vo-  
casti me, & adsint mihi Angeli tui, vt ad  
tuam vnus gloriam ritè fiant vniuersa.  
*Amen.*

*Alia Oratio.*

**O** Pater luminum, à quo omne datum o-  
ptimum, & omne donum perfectum,  
tanquam à perenni fonte, puteoq; aquarum  
viuentium, copiosè dimanat; respice de so-  
lio Maiestatis tue: super me indignum fa-  
mulum



mulum tuum, quem inter alia donatua, ad concionandi munus vocare dignatus es: largire mihi Spiritum sapientie & intellectus, qui mentem meam verbo tuo illustret, memoriam ad retinenda eloquia tua roboret, & linguam ad virtuosè & cum energia pronunciandum moderetur, & quæ ad Nominis tui gloriam & eorum qui me hodie audituri conueniunt, salutem dicturus sum, feruenti spiritu proferam, ne aures tantum inani verborum strepitu feriant, sed corda inimicorum Regis, velut acutissimæ sagittæ penetrant, & fructum optatissimum reportent.

- Ecce, Domine Deus meus, hæc mea est intentio: Docebo iniquos vias tuas, & impij  
 a Psal. 50 ad te conuertentur a. Non mihi, Domine, non mihi, sed Nomini tuo da gloriam b.  
 b Psal 113 Dispelle à me omnem philautia & cenodoxia spiritum, vt præter te nihil aliud queram: Et dum alijs prædico, ne reprobus efficiar c,  
 c 1. Cor. 9 fac vt quod auditores meos doceo, viuus operibus ad eorum exemplum & imitationem ritè exprimam & efformem. Quid enim proderit mihi, si vniuersum mundum lucrer, anima verò mea detrimentum patiar d? Absit,  
 d Matt 16 ô Domine Deus meus, absit, vt ea proferam, quæ seruare contemniam; absit, ne meam sic

veritas  
 sit, vt v  
 euada  
 verbo,  
 ouibus  
 tur.

Dom  
 sanctor  
 nibus in  
 nere co  
 tui fruc  
 securi a  
 tua Gy  
 struam  
 tes, ad  
 vitam  
 dice no  
 es bene

P  
 C  
 Verbi  
 lium  
 Nam  
 qui pl  
 Deus.



veritas moueat linguam, vt vitam feriat: absit, vt verbis mihi ipsi iudex & factis accusator euadam, sed da, vt fortius opere doceam, quàm verbo, ne cœleste pabulum culpâ meâ vitiatum ouibus tuis sine omni profectu frustra proponatur.

Domine Iesu, & me & auditores meos, sanctorum nobis assistentium Angelorum manibus in sacratissimi Cordis tui benedicti Venerere colloco & repono, vbi ab inimico Verbi tui fructum gnauiter impedituriente, tuti & securi degamus, vbi velut in cœlestis Sapientiæ tuæ Gymnasio in eloquijs tuis sufficienter instruamur, tibiq; deinceps fidelissimè seruientes, ad æterna Beatorum consortia, post hanc vitam dignè recipiamur, à te Salvatore & Iudice nostro, qui cum Patre & Spiritu Sancto es benedictus in secula, Amen.

### POST CONCIONEM.

**C**ommendabis Auditores tuos deuotè Christo Salvatore, vt semen Verbi eius à te iactum in cordibus fidelium fructum multum adferre iubeat. Nam neque qui rigat, est aliquid, neque qui plantat, sed qui incrementum dat Deus. Item commenda illos Angelis suis

cu-



custodibus, vt identidem segnes existimulent ad faciendum ea quæ didicerunt, & inimicum prohibeant, ne superseminet zizania, aut bonum semen eradat.

## ORATIO.

**T** Vanos, quæsumus Domine, gratia semper praueniat & subsequatur, & bonis operibus iugiter præstet esse intentos.

Largire nobis, quæsumus Domine, semper Spiritum cogitandi, quæ recta sunt, propitius & agendi, vt qui sine te esse non possumus, secundum te viuere valeamus. Per Dominum nostrum Iesum Christum Filium tuum, qui tecum viuit & regnat, in vnitæte Spiritûs Sancti Deus, per omnia sæcula sæculorum, Amen.

Scripsit deinde breue compendium eorum omnium, quæ seruatu maximè necessaria sunt Monialibus, & quibus diligenter reipsa præstitis facili methodo possint ad summam perfectionem adspirare: sunt ea valde perfectionis cupidis in eo statu vtilia: quæ ideo ad calcem libri Latio donata reieci, ne narrationis filum interrompam.

Accidit verò frequenter, vt grauibus acutisque morbis Iacobus affligeretur.

Vir-

Virgin  
gratifi  
delic  
ratos a  
inspec  
stantib  
solebat  
delicatè  
rique ac  
heus VV  
rat, a  
multos  
indigen  
cibus sa  
gnatus  
voluit  
micis  
tæ mit  
quend  
lato no  
bat, vel  
Sub  
cisioni  
maxim  
& vari  
vt mor  
tur, &



Virgines, vt ei quo possent modo suum gratificandi studium declararent, cibos delicatos, exquisitis condimentis apparatus agro trans mittebant: quibus ille inspectis, ridenti vultu familiaribus adstantibus, vt se magis vinceret, dicere solebat: *Næ illi cibi lautissimi videntur: delicatè parati, conditi optimè: facerent vtrique ad gustum, & stomachum meum: sed heus VVilhelme, is dum ei ab obsequijs erat, ad nosocomium propera: reperies sat multos, qui magis quàm ego talibus delicijs indigent: mihi vulgaris & parabilis adhuc cibis sapit.* Ita nec tactu vel gustatu dignatus lautiora fercula, domo abesse voluit. Solenne hoc illi erat, cum ab amicis etiam vel Paræcis epulæ conquiritæ mitterentur, plerumque ad agrum quendam, qui in vico Sagenbuch appellato nouem annis affixus lecto decumbebat, vel ad hospitalia destinare.

Sub idem ferè tempus festo Circumcisionis Domini reuersus, post labores maximos domi pessimè habere cœpit, & varijs iactari, lancinariq; doloribus, vt mortuo quàm viuo similior videretur, & sudor è corpore præsertim è vul-



tu manaret vberimus : depositus ad ignem sex ipsas horas quasi cum morte colluctari videbatur , Medico protinus vocato : sed qui parum leniret tantos doloris aculeos : elapsis sex horis cum paululum remitteret inclementia morbi, gaudere visus est , & ridente facie conuersus ad adstantes , ait : *Quam bonus est Dominus : ecce quam hoc die mihi pretiosam strenam offerre dignatus est , vt pariticeps fierem doloris , quem nostrâ causâ pertulit : Interim nullum vel gemitum , vel animi impatientis leuissimum tota exgrotatione signum edidit : immò summis in beneficijs habuit, Circumciso Domino compati : nam si compatimur, & conregnabimus.*

## C A P V T XXIX.

*Egregia documenta , quæ familiari sacris iniungendo dedit , & varia eius præclara facta & dicta.*

**D**Ebetur hoc Caput & præcedens  
R. D. Wilhelmo Rœmer Virfensi,  
Vicario B. Virginis Dolorosæ in Scheib-  
bahn



bachn, inferioris Diœcesis Colonienſis: hunc D. Iacobus, cùm Philippus germanus eius Societatis Ieſu tyrocinium adiſſet, puerum bonâ parentum veniâ Coloniâ An. 1629. euocatum nouem continuis annis domi ſuæ nutriuit, in ſtudijs fouit & educauit, donec emenſo curſu Philoſophico paulatim ad ſacros recipiendos Ordines aptus euaderet. Is lectâ eius vitâ, non ſolum eam ſuo calculo confirmauit; ſed complura deſiderauit in ea, quæ litteris conſignauit, vt infererentur eorum pleraque P. Florentius Carthufianus frater ſuo teſtimonio comprobauit, qui eodem ſerè tempore domum Paſtoralem incoluit.

Putat D. Wilhelmus Iacobum & innocentiam & caſtitaſtem illibatâ conſeruafſe: argumento ei fuit, quòd ita horruerit leuiora peccata, puta mendacium, vt ſæpe cùm alios mendacij conuiſtos corriperet, aſſeueratè diceret: *nunquam ſe auunculo, nunquam ulli Præceptorum impoſuiſſe, nunquam admiſſi in vita mendacij recordari*: itaque domeſticos omnes cupiebat à mendacijs quàm maximè abhorre-  
re, dicere ſolitus, *Conſitenti ingenuè cul-*



pam, libenter ignosco, negantem & mentientem ferre prorsus nequeo: In adolescente nihil ita detestor, vt mendacium. Præterea domesticos ad pietatem cum excitaret, sæpe repetebat: Studiosum pium & indoctum longè pluris facio & diligo, quàm doctum & impium.

Cum Aspricollensem peregrinationem circa Annum 1637. vel sequentem obiret, usus est hoc ipso Wilhelmo comite, qui tria notauit memoriâ digna: primò quoties transibat vel intrabat pagum vel alium locum, Ecclesiam petebat, & Christum in augustissimo Sacramento venerabatur: deinde nunquam in itinere neglexit sacrificium Missæ, superatis omnibus occurrentibus impedimentis, licet aliquando totam horam à via Sacri legendi gratiâ deslectendum esset: tertio delapsus è curru casu Breuiarium erat & amissum, sub vesperum id primùm aduertit: ilicò Wilhelmum ad domum Pastoris vicini misit, vt aliud commodatò acciperet: sed Curio tunc aberat domo, nec ancilla subministrare poterat: quo comperito vehementer doluit: nec tristitiam celare vultu vel verbis potuit; dicebat enim:

*Heu*



Heu diem hodiernum perdidit, quo non licet in-  
regum pensum horarium persolvere: primum  
hoc mihi in omni vita contigit, confido & vlti-  
mum fore. Compensavit deinde multis a-  
lijs precibus hunc inculpatum etiam de-  
fectum.

Idem testatur, nec morbi tempore,  
cum niti pedibus potuit, à Sacro facien-  
do abstinuisse: sed foribus clausis solo  
præsente ministro factitasse, ne vlllo se die  
tam vberi fonte gratiæ spoliaret; vt me-  
lius Angelicam seruaret castitatem, ac in-  
dies biberet *Vinum germinans Virgines*: vir-  
ginitatis etiam amore, nullius utebatur  
mulieris familiaritate, nullam in cubile  
suum admittebat, præfixâ ei hâc epigra-  
phe: *Mulierum pedes huc non intranto*: le-  
ctum sibi ipsi sternere solitus erat. So-  
brietatem vehementer amavit, vilibus &  
paucis contentus cibus, horrebat vt pe-  
stem ebrietatem: ideo è conuiujs, quan-  
do per honestatem & inuitantium aucto-  
ritatem abesse non licebat, maturè se sub-  
ducebat. Contigit aliquando, cum ad se-  
cundum missum poculis certare præsen-  
tes occiperent, ipse Wilhelmo monito,  
qui aderat: *Heus*, ait, *arripe pallium, fu-*



*giamus hinc.* Nec tunc quidem salutarē hospite inde se proripuit, malebat enim inciuilitatis argui, quā sobrietatis miniam iacturam facere. Eundem D. Wilhelmum iam initiatum Sacerdotio documentis saluberrimis instituit, vt tali statui congruentem vitam degeret.

Principio monebat, vt indies Sacerdotalis Ordinis dignitatem, finem, obligationemq; diligenter expendere.

2. Vt, quæ muneris impositi magnitudo requirit, seruaret accuratē.

3. Sciret creatum se, vt soli Deo seruiret, caueret igitur sedulō, ne diuinam Maiestatem vnquam peccato grauiore offenderet.

3. Sic vitam institueret, vt quotidie dignē Sacris operaretur: nec ab ea pia consuetudine deduci se vnquam pateretur.

4. Caueret sacrum Missæ officium obiter & perfunctoriē dicere: vitaret in eam nimiam celeritatem, quā tarditatem, modum seruaret propriæ pietati, & acceptæ instructioni à se congruum.

6. Horarum recitationem nunquam negligeret, in eam tædium fastidiumq; vitaret, sciretq; ob earum omissionem vi-

ros m  
prolap  
pertu  
se ad  
tion

7.  
tatem

8. l  
taret:  
fortē

quire

9.

subue  
modis  
uitare

10.

ret co  
uend  
tracta

merce

di qua

treme

eorum

rabat

anim

ducti

quid

tum a



ros magnæ dignitatis statim in enormia prolapsos esse scelera : crederet sibi experto quibusdam sibi notis vnicam fuisse ad ruinam viam officij diuini neglectionem.

7. Scopulum Ecclesiasticorum ebrietatem fugeret, sectaretur sobrietatem.

8. Mulierum consortia sollicitè deuittaret : nec in familiam suam vllam, nisi fortè sororem adscisceret : id si fieri nequiret, suadebat solus vt habitaret.

9. Pauperibus pro viribus conaretur subuenire ; alios etiam, quibus posset modis, ad eleemosynæ largitionem inuitaret.

10. Ante Sacrum diligenter examinaret conscientiam : illud summo perè cauendo, ne peccati mortalis reus diuina tractaret mysteria, vitaret illiberalem & mercenarium animum eorum, qui fordini quæstus gratia, solo inuitati stipendio tremenda Sacra peragunt : fugeret etiam eorum morem, quorum nimiam deplorabat multitudinem, qui nulla præuia animi præparatione, sola consuetudine ducti, Sacrum legunt : quin potius antè, quid acturus esset, expenderet sedulo : tum ageret, quod agit.



11. Sanctissimam Dei Genitricem Virginem Mariam quotidie præcipuo affectu ac pietate coleret, eiusdem laudes ac præconia, quoties posset, prædicaret, captaret occasionem alios ad cultum Dei paræ inflammandi, & in ritu ac modo colendi diligenter instrueret.

12. Detestaretur auariciam, & nimiam habendi cupiditatem: seruaret Scripturæ monitum: *Beatius est dare, quàm accipere.*

13. Denique iubebat eum his similia colligere & adnotare, quæ vtilia & necessaria viderentur ad Sacerdotalem statum: iuxta scopum & obligationem eius piè dignèq; transigendum.

Hisce monitis pium formabat Sacerdotem, quæ magis è spiritu suo & propriâ viuendi ratione ac experienciâ, quàm libris hauriebat: nec desinebat alios, quos poterat, ad viuendum statui suo conuenienter excitare: proprium enim est virorum Dei amantium, non propriâ perfectione contentos esse, nisi alios etiam ad amorem Dei salutisq; curam pellexerint. Et sanè, si vnique Deus mandauit de proximo suo, quanto magis de familiari-  
bus



bus & domesticis suis? *Si quis autem*, ait  
Apostolus, *suorum & maxime domestico-* *1. T. 5. 8.*  
*rum curam non habet, fidem negauit, & est*  
*infideli deterior.* Itaque sicut fratres ad sta-  
tum Religiosum, sic hunc familiarem  
suum annis nouem ad Ecclesiasticum sta-  
tum imbuir.

## C A P V T XXX.

*Lucta cum Dæmone diuturna & victrix.*

**V**T coronaret Patriarcham Iacobum  
Deus, & nomen Israël imponeret,  
*certamen forte dedit, vt vinceret*, non oc-  
cumberet; luctatus enim cum Angelo vi-  
cit, & gratiâ cœlesti copiosiore donatus,  
deinceps nec Fratris iram, nec hominis  
pertimuit potentiam. Ita diuina maiestas  
etiam *forte certamen* cum Dæmone Iaco-  
bo nostro permisit, *vt vinceret*, & deinceps  
Deo nixus, nullam in Dei causâ me-  
tueret, hominis cuiusuis excellentiam.  
Non poterat humani generis hostis iura-  
tissimus ferre fructum, quem in lucran-  
dis animabus, & ē seruitute Diabolica  
vindican-  
dis Iacobus proferebat: ita saga-  
rum operâ maleficium illi sæpius intenta-  
uit, quod diuina clementia sic auertit qui-



dem, vt tamen permitteret virtutis exercendæ gratia Dæmoni potestatem, vt ter-  
 gum vigilantis & sentientis ( quod Con-  
 fessorio nonnunquam retulit ) assiliret, &  
 quasi calcibus premeret; sic vt dolore  
 non modico fatigaret, idque non domi-  
 tantum, sed etiam alibi in templo, vel cū  
 Sacris operaretur: quamuis non expaue-  
 steret animo: sed leonina fortitudine di-  
 uino fretus auxilio, ridere solitus paula-  
 tim sit imbellis belluæ truces minas, vrge-  
 re cū S. Antonio pergeret, tantum saui-  
 re dentibus, ferocire calcibus, quantum  
 Deus annueret, promptum ad vulnera  
 dorsum offerebat. Et maleficarum qui-  
 dem cogitatas & structas insidias Dæ-  
 mon sacris carminibus adluratus con-  
 fessus est; vt ipse his verbis adhortauit:  
 Anno 1627. 8. Februarij adfui energumena  
 Magdalena vbi ex confessione Dæmonis intel-  
 lexi, me quoque peti artibus malignis sagarum,  
 & aliquoties mihi intentatum maleficium  
 à quadam postea de crimine magia conuicta  
 plurimis indicijs, & publice combusta. Sed  
 Deo semper ipsius conatus irritante, pro quo  
 sit ipse benedictus in seculum, sensi quidem ego  
 longo tempore durante exorcisatione molestum.

& in-

& inf  
 exorc  
 eiden  
 nius e  
 deind  
 28. Ia  
 na su  
 hucuf  
 xation  
 officio  
 xime  
 etano  
 to Sa  
 fuisse  
 missi  
 bonu  
 mine  
 facit  
 verò  
 tarei  
 stron  
 cem.  
 ius b  
 li in  
 vout  
 conf  
 & B



& infestum mihi Daemonem: sed in ipso loco exorcizationis, & sub exorcismis tantum. Sed eidem molestia alibi quoque postmodum obnoxius esse coepi, primum quidem in templo; deinde quoque domi mea, primum quidem 28. Ianuarij sensi me tentari insidijs Demonis sub vespertinis precibus, à quo tempore hucusque nullus dies cessit immunis ab illis vexationibus externis, partim sub sacro Missæ officio partim ante Reliquias SS. Regum, maxime verò sub nocte. Diabolus quidem die octavo Februarij confessus est, vt supra ex pacto Saga, Daemonem in me immittendum fuisse: sed Deum obstitisse, hoc tamen permisisse, vt aliquamdiu tentarer. O quam bonus & fidelis Deus, qui non patitur hominem tentari supra id, quod potest, sed facit etiam cum tentatione prouentum. Vt verò se melius contra tantas hostis tartarei insidias communiret, illam exercituum aciem ordinatam Dei Genitricem Mariam voto peculiari delegit humius belli Ducem, & eius rei gratia ne tali in prælio succumberet, Aspricollensem vouit peregrinationem, vt ipse litteris consignauit: 5. Februarij feci votam Deo

& B. Virgini Patronæ nostræ de instituenda

F G

per-

Vouet peregrinationem Aspricollensem



peregrinatione ad templum & locum D. Vir-  
gini sacrum in Monte acuto, prima occasione,  
qua id pervires, & Parochia curam, & viæ  
opportunitatem licebit, utinam Deus per Bea-  
tissimam Matrem suam conterat etiamnum  
caput Serpentis antiqui, ne suis insidijs aut  
mibi, aut ulli Christiano perniciem seu cor-  
poris seu animi adferat.

Circa Annum 1637. vel sequentem  
votivam foeliciter confecit peregrinatio-  
nem, & in reditu Marcoduri secessu octi-  
duano mentem exercitijs asceticis S. Igna-  
tij diligenter expoliuit, factus ad pu-  
gnam vegetior & animosior, ut hostem  
ultrò lacefferet diuino Numine confir-  
matus, &c.

## C A P V T XXXI.

*Amor & fiducia in Deum, eiusq; cum divina  
voluntate conformatio.*

*Amor dei* **I**Am à puero mentem à rerum crea-  
turam amore traduxerat, ad Deum sum-  
mum bonum suum medullitus comple-  
ctendum: & quidquid illi Maiestati no-  
uerat placere, statui suo conforme virili-  
ter exequendum. Hinc uti castitatem vo-  
to consecravit, ita paratus, vigilans, com-  
positus.



positus semper erat, ad Angelicam hanc  
virtutem amore Dei integram & inuiol-  
latam contra quæuis carnis inuitamenta,  
vel Dæmonis insidias custodiendam, vt  
vno plenoq; alueo, cordis amor in Deum  
solum deflueret: huc omnia cogitata, de-  
sideria, verba, scripta & quæuis opera spe-  
ctabant; huc recollectiones horariæ, pre-  
ces studijs, & cuius operi præmissæ, tot  
adspirationes sub cantu diuinorum offi-  
ciorum adhibitæ, vel inter studendum,  
vescendum, agendum cum proximis, fa-  
miliares & vsitatæ referebantur, à quibus  
ignis amoris diuini continuò fovebatur:  
hinc pactum cum Deo quotidie sancie-  
bat manè, quoties æris campani signum  
audiret, vel cælum suspiceret, toties  
Deo se rursus consecrabat, & omnes a-  
ctus virtutum heroicos manè elicitos re-  
nouabat. Et sanè parum ei videbatur,  
vno corde Deum amare: proximo cui-  
que, cum res & tempus ferret, de Deo di-  
uinisq; rebus semper loquebatur, vt eo-  
rum pariter cordibus & linguis eundem  
diligere, & laudibus exornaret: parum  
videbatur, præsentibus & vnius vrbs in-  
colis loqui, nisi vulgatis libris orbi toti,



posterisque, venturis etiam sæculis idem prædicaret: unde libri eius omnes hunc amoris diuini ardorem ubique insinuant, & legentibus inculcant.

*Fiducia  
in arduis.*

Amor diuinus, Deiq; perspecta semper præsentia fiduciam generabat, quæ dum ardua Dei causâ suscipienda viderentur, diuino fretus auxilio fortiter aggrediretur, vrgeret constanter: nec desisteret antè, quàm ad exitum perduxisset, nec hic hominum offensam, iudicia, contemptumve verebatur, aut quidquam huiusmodi, vel vllius potentiam pertimescendam esse iudicabat: nam qui iam ipsis Dæmonibus fortior eos in certamen laceffebat, nihil humanum, vel creatum formidabat, experientiâ doctus à diuina prouidentia res suas paternè gubernari, ad virtutis augmentum & Dei gloriam auctiorem expertus: etiam quoties vires deficerent humanæ, præsens & diuinum auxilium subuenire, nihilque spe & summâ in Deum conceptâ fiduciâ potentiùs ad quiduis in Dei causa feliciter perficiendum.

*Resignatio  
in aduersis.*

Quòd si tamen euentus aliquando falleret expectationem, id etiam vt diu-

no



no Numini gratius libenter amplectebatur. Fructu carebat obiurgatio proximi, nec spes affulgebat emendationis, morborum acrimonia vim eludebat medicam, calamitatum tempestates magis magisque sæuiebant, his & similibus inuentibus re Domino Patronisque suis diligenter commendatâ, suam ad diuinam accommodabat voluntatem: id enim rectius & melius sibi, suisque rebus esse nouerat, quod licet proprijs aduersum desiderijs, æternis & diuinis magis decretis vel permissioni congrueret. Hinc animi perpetua constansque pax & lætitia, quam nullæ res humanæ conuellerent, idem semper vultus in prosperis & aduersis; nam perpensis omnibus in vna Dei voluntate & amore quasi centro placidissimè quiescebat.

## CAPIT XXXII.

*S. Bernardi Opera magno studio  
illustrat.*

**P**ost Deum, Deiparam Virginem Ma- *Deipara*  
riam, cuius honori dicatâ Parochiam *cultus.*  
ad-



administrabat, præcipuo cultu venerabatur. Sodales Ecclesiasticos aliosq; ad eius amorem, honorem & reuerentiam, verbo; mundum vniuersum varijs libellis & quæsitis occasionibus ardentè excitauit: ad eam in angustijs vt Matrem fidenter confugiebat, & vota sat crebra coram ipsa nuncupare solitus est: Aspericollensem etiam peregrinationem perdifficilem eius amore magnâ virtutum accessione fœliciter confecit. Hunc affectum mirificè S. Bernardi scripta nutriebant. Nam licet SS. Patres omnes suspiceret, & eorum monumenta diligenter euolueret: vnus tamen in cæteris Bernardus primatum obtinebat, huius spiritu quem vnicè diligebat: capiebatur vnicè, quem totâ mente combibere, factis exprimere, scriptis imitari, nimium quantum gestiebat.

Huius vt operibus lucem afferret, genuina à spurijs secerneret, noua hætenus inedita donaret publico, lectorem ad eius amorem, cultum & imitationem prouocaret, omnem mouit lapidem. Sub initium suscepti laboris multa retardabant conatum, & à proposito velut iniectâ manu reuocabant: aduersa valetudo, difficul-

*Auctus  
lectiones  
Bernardi*

*quem v-  
nicè dili-  
gebat:*

*Difficul-  
tates in eo  
illustrandis*

ficulta  
ptuun  
mittit  
ditis  
tem a  
se reli  
ficien  
iam o  
tur:  
confu  
siaz t  
ter,  
valetu  
ces,  
Con  
dege  
ascen  
mun  
rit M  
diu d  
blioth  
mult  
etian  
legiu  
nien  
biar  
men



ficultas incepti operis, magnitudo sum-  
 ptuum in colligendis, describendis, trans-  
 mittendis è varijs orbis partibus eius ine-  
 ditis opusculis: tantum absuit, vt men-  
 tem ab instituto deiecerint, vt etiam voti  
 se religione obstrinxerit maturandi, per-  
 ficiendiq; propositi. Plures in adornando  
 iam opere sub manum remore nascebantur:  
 at ille Dei nixus auxilio, Patroni sui  
 confusus patrociniò, iniquissimo rei libra-  
 riæ tempore Francofurtense suscepit i-  
 ter, non sine vitæ periculo, vel aduersæ  
 valetudinis incremento, perrumpit obi-  
 ces, & in ipso quidem itinere, cùm ad  
 Confluentinum Collegium, vbi frater  
 degebat, diuerteret, & octo circiter dies  
 asceticis S. Ignatij meditationibus ani-  
 mum excoleret, ibidem complura repe-  
 rit M. S. S. Melliflui Doctoris Opuscula  
 diu desiderata. Deinde ex Oxoniensi Bi-  
 bliotheca hæreticorum etiam studio per-  
 multa submissa sunt subsidia, complura  
 etiam Dominus Ioannes Kinchius, Col-  
 legium Societatis Iesu, Carthusia Colo-  
 niensis, & Cisterciensis Ordinis Cæno-  
 biarchæ submiserunt adiumenta & orna-  
 menta: dixisses ei quasi diuinâ virgulâ  
 ple-

*perrumpit  
 feliciter.*

*Dei pro-  
 uidentia  
 nixus.*



pleraque subministrata, quoties humana deficerent præsidia. Impresso & vulgato iam Opere sumptibus prædicti D. Ioannis Kinchij, mirificæ laudes eius, de Francia, Belgio, Germania, & Doctissimorum Virorum gratulationes adferebantur: ijs parum affici se litteris testabatur, gaudebat verò Cisterciensis Ordinis eruditissimum Abbatem animum adiecisse ad Opus inchoatum omnibus numeris absolendum: ad quod etiam scriptis litteris eundem est cohortatus: iuvat hac super re fragmentum Iacobi responsoriarum litterarum excerpere ad Amicum admiratorem, & Encomiasten Operis.

*In Bernardo meo conatum æstimari fortè patiar: sed quam in multis illic defuisse vires expertus sum, & ingenij & eruditionis? ad id quidem Operis melliflui me Doctoris amor impulit, amor, inquam, nesciens librare vires: ideoq; audacior, quàm par est, & maiora de se præsumens, quàm reipsa valeat. Gaudebo, si quis aptior defectum meum suppleat, & iam id moliri alium intelligo. Virum vndequaque Doctissimum*  
*è Ci-*



è Cisterciensi Familia, Hispanum, Doctorem  
 Theologum, nunc in Belgio agentem: &  
 is quidem gratulatus est mihi prolixè & per-  
 humaniter litteris, etiam nunc palam edi-  
 tis ob nouam Operum S. Bernardi editionem:  
 sed & vnà noui Operis Ideam methodumq;  
 perscripsit, & iam specimen quoddam in v-  
 no S. Bernardi Tractatu separatim edito de-  
 dit, mirum scilicet & magnum omnis litte-  
 raturæ tum Philosophicæ, tum Theologicæ  
 apparatus ille conuehit, & in vno Ber-  
 nardo iustam nobis bibliothecam dabit. Hor-  
 tatus sum virum alacriter pergere in cæpto o-  
 pere, adeo non refragabor nos ambos in eo-  
 dem mustacco laureolam querere.

Similes Commentarios in S. Grego-  
 rium meditabatur, huc moralia tanti  
 Doctoris ipsum rapiebant, & pastoralis  
 muneris exquisita documenta: sed mors  
 pios conatus interceptit.

Addamus quorundam præsertim ex  
 Ordine Cisterciensi Abbatum litteras,  
 quibus Operis & Auctoris commendatio  
 non vulgaris continetur.

Pri-



Primæ Parisijs, nomine totius Ordinis  
 ab Abbate de Precibus, his verbis exarata:  
 Quem vestra Dominatio Bernardum nuper e-  
 didit, ita sanum & castigatum, tam auctum  
 ac felici ordine digestum accepimus, vt penè  
 non idem, qui vulgò teritur, sed alius planè  
 Bernardus videri possit. In quo sanè vulgando,  
 cū multum publicæ vtilitati, tum imprimis  
 nostro Cistercio contulisse plurimum nemo sa-  
 nus non iudicet. Quare in manus nostras sta-  
 rim vt diuinum opus, quasi diuinitus & prater  
 spem incidit, Dominationi vestræ, quam since-  
 ra iam mente etiam absentem complectimur,  
 presentem verò osculamur in Bernardo, vnus  
 ego omnium nomine scripto qualicunque gra-  
 tulari me debere sensi, vnāq; testari, quantum  
 totum Cistercium suæ in ipsum pietati ac stu-  
 dio se deuinctum intelligat. Quam grati ani-  
 mi mei significationem cū aliud, quod possim  
 referre, non habeam, queso non dedignetur.  
 Vnum insuper rogatum velim, vt si mentem  
 nostram de Bernardo suo hic in Gallijs prelo ite-  
 rum subiiciendo non improbat, si quid in eo sibi  
 mutandum, si quid addendum, aut etiam de-  
 trahendum visum fuerit, ad me transmitti cu-  
 ret, mentem certè non improbabit, cū satis  
 agnoscat, quantum nobis hic eius labor prodesse  
 pote-

poterit  
 nia, vbi  
 necess  
 vestra  
 cientsi,  
 ri, & q  
 fidaret  
 succida  
 falcem  
 si Magi  
 nostri,  
 oramus  
 rum op  
 inuidea  
 plar(u  
 nescio  
 semper  
 bies, t  
 minati  
 Cisterc  
 merebi  
 Parisio



poterit: quibus etiam sumptibus huc è Germania, ubi prodire, comportari alias, quantum necesse sit, exemplaria queant. Pergat porro vestra Dominatio, vt cœpit de nostra Cisterciensi, imò totius Ecclesie republica bene mereri, & quam nobis spem fecit, aliquorum adhuc si daretur emittendorum à se operum, ne quæso succidat: maximè verò, quia vereri se ait, ne falcem mittere in alienam messem videatur, si Magno exordio, seu Viris Illustribus Ordinis nostri, quos se penes esse ait, manum admoueat, oramus impensius, vt posito scrupulo suam iterum operam huic operi tribuat, quod quis nobis inuideat, cuius vel vnum manuscriptum exemplar (lucem enim, quòd sciam, non vidit adhuc) nescio an nostra Gallia exhibere possit? adeo semper nobiscum iniquè cum Hæreticorum rabies, tum bellorum egere tumultus; quod si Dominatio vestra præbuerit, totum quantum est Cistercium, meq; imprimis magis magisq; demerebitur: interim in Christo valeat. Lutetie Parisiorum 28. Octobr. An. salutis 1642.

Dominationis vestre

Obsequentissimus seruus  
Frater Ioannes  
Abbas de Precibus.



Littera  
Ioannis  
Cara-  
muelis.

Alteras dedit eiusdem Ordinis lumen  
etate nostra clarissimum Ioannes Cara-  
muel Lobkovvitz Melrosz Abbas Loua-  
nio 8. Cal. April. Ann. 1643. qui pridem  
maius opus ad illustranda S. Bernardi scri-  
pta molitus erat, unde Iacobo prodromo  
gratulatur, his verbis Operis editionem:  
Ante annum tibi scripseram. sapientissime Vir:  
sed ut intelligo, perierunt litterae incuriâ verē-  
darij, copiam adiungo, ut scias tuum me nomen  
à longo tempore suspexisse & amasse. Desidera-  
bam Bernardi tui dispositionem & argumen-  
tum internoscere; sed antequam id ipsum à te  
discerem. Opus prodijt & mea expectationi sa-  
tisfecit. O utinam cognoscere velint Cisterciē-  
ses Antistites quantum debeant tanti Auctoris  
tanto reſtitutori! at si nolint ipsi, maſte animo  
Vir generose, Bernardo collaboraſti, ipſe tibi  
mercedem & laboris immenſi praeſium impe-  
trabit diuinitus & humanitus. Amici aderimus,  
ut tibi aeternam obligati ſeruiamus. Inſudaſti  
illuſtrando Bernardo, ipſiq; recognoſcendo &  
illuſtrando inſudo: me tuis laboribus adiutum  
proſiteor, & Ordini Cisterciēſi applaudo.  
Subijcit ideam Operis ſui, & concludit:  
Interim ſiquidem in eodem ſtadio, & ſub eodem  
Principe meremur, communes curas & vigilas  
gera-



geramus. Tibi præcursori congratulor. & dum  
tuis laboribus perfruor, mei ingenij partum  
qualemcumq; patienter expecta, & meam stu-  
diosam diligentiam Deo Opt. Max. nec non  
Bernardo nostro, de quo te benemeritum cele-  
brabit posteritas, in tuis Sacrificijs comenda.  
Vale, Louanij 8. Cal. April. An. 1643.

Ioannes Caramuel Lobkovitz

Melrose Abbas.

E Societate Iesu complures datis literis P. Ioannis  
opus commendarunt: sufficiat fragmen- Bollandi  
iudicium  
tum epistolæ R. P. Ioannis Bollandi 2. O-

ctobr. Ann. 1642. scriptæ decerpere: Dico  
cordatè. & fugo omni procul, non primo solum  
operis aspectu exsilijsse mihi cor: sed & quoties  
ad sumo in manus, gestire nescio quo sensu spiri-  
tualis letitiæ, idem pios omnes experiri puto.  
Benedictus Deus, qui quæ olim Sancto suo Clie-  
nti diuinitus instillauit, ea ut rursus D. V. studio  
ad plurimum vtilitatem purius fluerent, effecit,  
ipsum Sanctum peculiari suo studio remunera-  
turum esse laborem, ut quæ olim ille scripsit,  
mellea spiritus voluptati accommodata,

ea in se experiatur. Utinam plures

prouocentur exemplo, & cete-

rorum opera Patrum

ita illustrent!

CA.



## C A P V T XXXIII.

*Familiaritas pia & sancta cum Illustrissimo  
Domino Nuncio Apostolico Fabio Chisio  
Episcopo Neritonensi.*

*Occasio  
familia-  
ritatis.*

**S**ERò nimis coaluit ista necessitudo, summaq; animorum coniunctio Illustrissimi Fabij Chisij cum Iacobo, nec nisi postremo vitæ anno, quæ consuetudine sic aucta fuit, vt nihil esset ista familiaritate coniunctius. Inciderat eruditissimus Præsul in Paradisum animæ Christianæ, quo per quinquennium vsus assidue spiritus & pietas Libelli, Scriptoris amorem mouit, eiusq; cognoscendi desiderium. Nescio qua verecundia, latendi cupidior, quàm inclarescendi, vix amicorum hortatu Iacobus adduci potuerit, vt tanti nominis Præsulem conueniret. Primus statim congressus amicitiam peperit, quam morum, spiritusq; similitudo sic auxit, vt vnus amborum idemq; videretur animus, vna voluntas. Crebra exinde librorum & officiorum communicatio, frequentiora colloquia de pijs & eruditis rebus, quibus ita proficere se Iacobus sentiebat, vt etiam venerit in delibera-

*Utilitas.*

berat  
suo &  
effe  
obse  
maba  
quia  
nient  
& inc  
Vix  
dato  
greflu  
lerat  
rius h  
mo ple  
mo m  
mi No  
uentu  
cabat  
tanda  
se dig  
quid i  
tur  
ta pat  
berne  
& pal  
cijs ve  
curru



berationem , an non fouendo spiritui suo & virtuti confirmandæ congruum esset , Præsulem in Italiam sequi , & ab obsequijs esse : plurimum enim existimabat conuictum assiduum , & colloquia tam sancta genio suo apta & conuenientia collatura ad virtutis stabilitatem & incrementum.

Vix Sanctissimi D. N. Urbani mandato Illustrissimus Nuncius Colonia discesserat pacis sancientiæ gratiâ , cùm deteriorius habere cœpit Iacobus , & acutissimo pleuritidis dolore lancinari ; maximo morbi leuamento fuerunt Illustrissimi Nuncij litteræ , quibus & suum aduentum ad locum tractandæ pacis explicabat , & pro suo Crucis Christi imitandæ desiderio dolenter querebatur , se dignum non esse habitum , qui aliquid in itinere pro Dei gloria pateretur , cùm tamen non defuisset exercitiæ patientiæ seges , dum esuriali & hyberno tempore per altas niues , fluuios & paludosa loca rhedâ difficulter cum socijs veheretur , vt aquarum exundantia currum & vectorum talos humectaret.

G

Hic



Hic æger animo confundi, quòd pretium morbi, Crucisq[ue] Dominicæ præstantiam & decus sublimissimum non satis hætenus ponderasset, ideo gaudere se deinceps monstravit, quòd dignus eo fuisset honore à Christo iudicatus, qui Passionis Dominicæ tempore, particulam Crucis Dominicæ sustineret.

*Patientia  
ex literis  
cōfirmata*

Postea per amici communis literas Iacobus Illustrissimum Nuncium & salutavit, & Episcopalem petijt benedictionem. Indoluit vehementer Legatus, comperta inualetudine, quæ diuortium factura metuebatur, tam piæ doctæque consuetudinis & familiaritatis, quàm in impari gradu dignitatis spiritus idem, paribus moribus, studijs, vita & virtute animabat, ita perhumaniter salutato per R.P. Franciscum van der Veken Societatis Iesu Doctorem & Professorem Theologiæ D. Iacobo benedixit, non sine rubore ægri, quòd tantus Præsul sui tam indigni & vilis, vt aiebat, homuncionis meminisset. Exinde litteris octidianis Legatus Apostolicus statum ægri peruestigauit, cognitaq[ue] morte, funebre peregit Sacrum, multumq[ue] laborauit, vt vi-

*Amor Le  
gati in  
mortuū.*

ta



ta literis consignaretur, & pro suo in Virum amore, Diurnale & Decadem, quibus vsus, Tabellam, qua preces, quibus assidue per diem utebatur, manu sua inscripserat, ac funiculos nodosos, quibus se verberare consueuerat, seruare voluit, tesseram amoris & sanctæ coniunctionis.

## C A P V T XXXIV.

*Cura ægrorum & morientium, morbum & mortem ei accelerat.*

**M**aiorem charitatem nemo habet, quàm Ioan. 15.  
 vt animam suam ponat quis pro amicis suis: & hoc certum ac euidentis optimi Pastoris argumentum, animam ponere pro ouibus suis. In hoc cognouimus, ait S. Ioannes, charitatem Dei, quoniam ille animam suam pro nobis posuit, & nos debemus pro fratribus animas ponere. Itaque nihil antiquius habuit, vt erat Iacobus Pastor vigilantissimus, quàm vt ægros Parœciæ cognosceret, & studijs alijsq; quibuscunque rebus sepositis inuiferet, admoneret officij Christiani, consolaretur mœstos, & Sacramentis vltimis ad supremam luctam præmuniret; egentibus autem pecuniario



*Æger totis  
noctibus  
adest agris*

*Morientibus cur  
adstaret  
placenter*

*Occasio  
morbi.*

subsidio subueniret. Hic iterum qui temporis parcissimus erat, non horas supputabat, dies integros vel noctes, cum necessitas vrgeret vel æger flagitaret, traducebat: Iam cum ipse debilis magnis doloribus affligeretur, sui, somniq; oblitus, noctes integras perdurabat: licet aduerteret periculosos & contagiosos morbis imbecillem valetudinem grauitè affici, tentariq; nihili tamen id pendebat, quod gloriosissimum æstimaret tam pijs occupationibus immori. Morientibus verò hoc adstabat libentiùs, quòd maior animæ necessitas vrgeret, periculosior instaret Dæmonis tentatio, adeoque charitas maior præstaretur, & beneficium excellentius: quæ causa morbum & mortem ei videtur attulisse.

Cum enim Anno 1644. quidam quadragenarij ieiunij tempore morbum insanabilem incurrisset, eiq; paulatim intestina putrescerent, vt viuum & spirans cadauer aliquot diebus intolerabilem adstantibus mephitim afflaret, essetq; æger excellenti virtute ac pietate & incredibili patientia vir, quam nulli morborum acutissimorum cruciatus labefacerent: Ideo



Ideo Iacobus noctes & dies adstitit, sermonibus sacris fouit & confirmauit, vt à latere suo æger vix eum diuelli pateret<sup>ex ægri</sup>: ita diebus esurialibus, ieiuno stoma-<sup>crebra vi</sup>cho tabem hausit, quæ die Iouis Sancto<sup>sitationis.</sup> manifestius prodijt.

## C A P V T XXXV.

*Incrementa morbi, & singularis patientia.*

**C**Vm iustus in principio accusator sit sui, *Humili-*  
ideo peccatis suis adscripsit ægrota-<sup>tas initis</sup>  
tionem, & correptionem vt patris a-<sup>ægrota-</sup>  
mantissimi suscepit, ac licet eo tempo-<sup>tionis.</sup>  
re molestum videri posset, Parochianis  
in administrandis Paschalibus Sacramen-  
tis non adesse: libenter tamen suam  
cum diuina conformauit voluntatem,  
sibi non parum in hoc gratulatus, quòd  
dum Ecclesia Christi cruciatus recolit,  
& fideles omnes exoptat pœnitentium  
ritu publicè testari, Christum inno-  
centem peccatis nostris pœnas debitas  
morte Crucis expiassè, mereretur & i-  
pse Saluatori nostro toleratis corpo-  
ris doloribus, & interiore tristitia



mentis assimilari : secum verò nimis clementer agi, dicere solebat, cui minima tantum guttula propinaretur, cum Christus totum fellis & absynthij calicem ad facies vsque exhauriret.

*Collo-  
quia pia.*

Die Veneris Sancto binas circiter horas cum Confessario iucundissimè diuinis de rebus sermocinatus, dolebat quidem non licere pro more & lege, quam sibi tulerat, cum cilicio & ieiunio in noctem vsque protracto, viam obire Romanam præcipuis Urbis Ecclesijs visitatis : iterum voluntate pro re Deo consecrata, eius se totum subiecit arbitrio. Postridie pleuritis accessit, nec sola ; sed capitis dolore, tussi, febrîq; stipata.

Tunc laterum aculeatissimæ lancinationes, perforatarum Christi manuum & pedum dolores exhibebant : aberat in istis cruciatibus gemitus : intercalarem sæpe versum iterabat : *Addè Domine dolores, auge patientiam.*

*Morbi sui  
ma in cle-  
mentia die  
Raschatis*

Ipso Resurrectionis Dominicę die manè sic aucta mali violentia, vt vsus loquendi sat diu sustulerit, ac licet dolores laterum continuò pungerent, tussis affligeret, facultas exscreandi sputi defecisset.

vt



ut cumulus malorum accederet, qui defectum viribus iuaret, aderat nemo: quo sic Christo in Crucem acto similior euaderet, pariter ab omnibus derelicto. Sed à meridie non nihil remisit dolor, & inclementia morbi, sic ut more suo recepto loquendi usu iucundè pijs de rebus differeret, optimè morbi molestijs & Dei voluntate contentus, nihil ut his melius quæreret. Sed cum medicus vterque corporis & animi lectionem Horarum Canonicarum in grauissimis doloribus interdicerent, nihilominus ad colloquutionem ægrum inuitarent, festinè more suo reposuit: *Cum hominibus loqui me vultis, & cur cum Deo prohibetis?* Perstantibus in sententia, morbiq; incrementum ob nimiam precantis contentionem obtendentibus, morem gessit, decademq; Deiparæ Virginis exinde digitis versare cœpit, nec vnamquam ferè deposuit. Ei nummisma transfigurationem Dominicam altera sui parte referens, appensum erat, quam cum solus degeret, speculabatur, & pios ad Deum gemitus, ad adstantes salutaria colloquia conabatur elicere, nec de morbo dubitabat dicere: *Bonum est nos hic esse,*

*Studium  
lectionum  
Horarum.*

*Obedientia.*



Deum enim afflictis proximum sentiebat, qui promisit, cum ipso sum in tribulatione, eripiam eum & glorificabo eum.

## C A P V T XXXVI.

*Morbo nonnihil remittente votum concipit*

*S. Caroli Borromæi vitam illustrandi.*

*Remittit  
infirmi-  
tas.*

**O**ctauus morbi dies, qui erat dies Iouis Paschæ, crisin ostendit iudicio medici bonam & salutarem: nam sudore sponte promanante e corpore, febris remisit, laterū aculei hebetati, tussis rarior, dolores capitis leuiore videbantur, licet cibi fastidium, & virium imbecillitas periculum non abesse satis indicarent. Nocte quadam somnum solito ceperat arctiorem: excitatus animum sensit in S. Caroli Borromæi cultum rapi vehementiùs, & quia diuinitus moneri se credebat, vt eum sibi Patronum adoptaret: deliberauit, quæ posset ratione sibi faciliùs eiusdem patrocinium demereri; succurrit, si sanitati restitutus, primo quod aditurus esset opere, eundem exemplar proponeret omnibus Ecclesiasticis, quod numeris omnibus absolutū intuerentur sæpiùs & imitarentur. Id se consecuturū sperabat, si vitam S. Ca-

*S. Caroli  
Patronū  
eligit.*

roli n  
& vo  
con  
men  
Cōfe  
pertū  
giū vi  
cuper  
datas;  
Añ  
Italic  
rū oper  
rētur.  
(quæ C  
famili  
deinde  
rissim  
mend.  
& Eco  
diurna  
virtut  
diuini  
rem a  
ac tor  
virtut  
tam v  
mit, v



roli notis illustratā publico donaret: mox & voti se religione obligauit, vt primū confanefceret, se vitam eiusdem cum cōmentario literis consignaturum, idem Cōfessario venienti statim indicauit. Repertū post mortem in chartis eius est elogiū vitę Carolinę, quasq; vehementer ipse cuperet virtutes ex ea Clericis esse cōmendatas; & quid pararet scribere his verbis:

*Acta illa (S. Caroli) maiori ex parte exstant Italicè, optandum videretur, vt periti interpretis operā ad totius Ecclesię vsum Latinè loqueretur. Interim vitam eiusdē sanctissimi Prasulis (quā Carolus à Basilica Petri eiusdem Cardinalis familiaris & arcanorū consiliorum particeps, ac deinde Episcopus Nouariensis elegātī sanè & purissimo stylo fideliter & egregiè scripsit) satis cōmendare nequeo: dignissima est, quam Prasules & Ecclesiastici nocturna versent manu atque diurna. Omnes in ista Hierarcha maioris partes virtutes ac dotes zelum maximè ac studium diuini honoris & alienę salutis, quo ad stuporem arsit, odium sui, sobrietatem, modestiam, ac totius vitę rigorem, ac omnes boni Prasulis virtutes ac officia tam accuratè prosequitur, tam viuīs omnia coloribus tam solerter exprimit, vt ipsum nobis Carolum viuū & in omni-*

*Vouet vñ.  
ta eius il-  
lustratio-  
nem.*



bus officij Episcopalis muneribus strenuè agentem, quasi præsentem repræsentet. itaque delectat, flectit, & trahit lectorem suum, vt. coram cernere potius, quàm legere videaris: adeoq[ue] non immeritò, qui vitam vertit Germanicè ex Italico, Coronam Prælatorum inscripserit. Felicem sanè dixerim Carolum illum, tum quòd ijs donis & charismatibus eum diuina benedictio repleuerit, tum quòd talem vitam & virtutum Scriptorem nactus, efficaciter etiamnum vt virtutum exemplar posteros quoque ad sui imitationem exciter.

Hanc itaque vitam ( adde & aliorum SS. Præsulum ) tanto profuerit legere diligentius, quo efficacius ad virtutem mouemur exemplis quàm monitis; hæc enim ducunt, illa trahunt. Verùm labor ille, quod doleo, rarus est, & vix separatus exstat in Germania. Itaque vt animi ita manum ego apponam, & commodiori ordine in capita digestum, & adnotationibus illustratum edere statui.

Ex superioribus etiam nonnulla separatim denuò edi. quadam in fasciculum colligi, & prælo committi iudicarem expediens, si alij idem iudicarint. Et ego istam operam & industriam offero, tam cupio Ecclesiastica disciplina consultum, vtinam votis annuat Deus, & summos



*Ecclesie Prasules, quorum interest, efficaciter  
excitet. Hæc ipse.*

Ita vivens & moriens hoc vnum animo  
calamoque spectabat, vt vires suas omnes  
reliquas detereret in talibus lucubratio-  
nibus, quibus Dei gloria, proximique salus  
promoueretur, & potissimum Ecclesia-  
sticæ disciplinæ consuleretur: sed ad æ-  
grum reuertamur. Libenter interea de  
prouidentia Dei circa electos, & eam  
quam expertus ipse sæpius in vita: nunc  
etiam in morbo circa pensionum tot an-  
nis desperatarum sponte oblatam solu-  
tionem, loquebatur, nonnunquam In-  
dorum conuersiones & Virorum Apo-  
stolicorum illic in vinea Domini labores  
audis auribus excipiebat: tum hilari  
fronte adstantibus: *Eamus & nos in Indiam,  
& moriamur cum eis:* mox se corrigens,  
*metuerem, aiebat, ne ante nauigationem, vel  
in ea morerer.* Agnouit deinde suam sibi  
datam Indiam, morbum esse præsentem,  
quem egregia animi alacritate inter late-  
ris redeuntes aculeos ferebat, & pijs istis  
colloquijs leniebat; sed cum abessent, qui  
solarentur, icones Passionis Dominicæ li-  
benter contemplantur: ijs interior spon-  
da

*Aspectus  
piarum  
imagini*



dæ pars tota vestiebatur: & quidem in o-  
 culos iacentis dux potissimum incurre-  
 bant, altera Christi purpurea chlamyde  
 vestiti, spinis coronati, manu tenentis a-  
 rundinem; altera Crucem baiulantis: hæc  
 parieti sic affigebatur, vt Iacobo Christus  
 occurrere videretur, eiq; Crucem offerre  
 deportandam, vnde mirum iacenti sola-  
 tium, & animi prōptitudo, maiora (si Deo  
 placeret) perpetiendi. Quòd si quidam  
 adstantium augere doloris magnitudi-  
 nem viderentur; ijs placidè reponebat,  
 longè mitiùs ac mereretur, Deum secum  
 agere, hocq; se beneficij loco numerare,  
 quòd guttulam sibi delibandam amari  
 Calicis propinaret, quem ipse felle ple-  
 num & absynthio totum esset bibiturus.  
 Hanc patiendi cum Christo promptitu-  
 dinem ei Rosarium dolorosum concilia-  
 bat, quod identidem voluebat, id ipse  
 sibi pridem ad memoriam septem effu-  
 sionum Sanguinis Christi digesserat, in  
 septem Decades, postea seorsim editum  
 cum amicis communicauit, est  
 verò huiusmodi.

*Solacium  
 infirmi.*

R.O-

R O  
 CH  
 gest

Prami  
 Orat

A  
 tecum  
 fio &  
 Vultu  
 fudif  
 Sin  
 missa  
 Por  
 nis Do  
 effud

In  
 In  
 In  
 In  
 In  
 In  
 In



ROSARIUM D. N. IESV  
CHRISTI, IN SEPTEM DECADES DIG-  
gestum, ad memoriam & honorem se-  
ptem Effusionum Sanguinis  
IESV Christi.

*Premisso Symbolo Apostol. CREDO, & dicta  
Oratione Dominica decurre Primam Deca-  
dem sequenti Salutatione de-  
cies repetita.*

**A**Ve dulcissime Domine Iesu Chri-  
ste, Gratiâ plenus: Misericordia  
tecum. Benedicta sanctissima Vita, Pas-  
sio & Mors tua; & benedictus Sanguis  
Vulnerum tuorum, quem pro nobis ef-  
fundisti, &c.

*Simili modo percurre Decades sequentes pra-  
missa singulis Orat. Domin.*

*Porro ad recolendas septem Effusiones Sangui-  
nis Domini, ad singulas Salutationes adde posse  
effudisti.*

*In I. Decade, In Circumcisione tua.*

*In II. In Agonia tua.*

*In III. In Flagellatione tua.*

*In IV. In spinea Coronatione tua.*

*In V. In Detractione vestium tuarum.*

*In VI. In Crucifixione tua.*

*In VII. In Apertione Lateris tui.*



*In fine cuiusque Decadis, seu ultima Salutatione subiunge sequentem Aspirationem ad Beatiss. V. Mariam.*

Sancta Maria, Mater Dolorosa, per gladium doloris, qui transfixit animam tuam, impetra nobis fructum Sanguinis Iesu Christi Filij tui, nunc & in hora mortis nostræ, Amen.

*Si cui libet & vacat, poterit dictam Aspirationem singulis Salutationibus annectere.*

NOTA I. Facillimus hic est & pio homini utilissimus, Deoq; gratissimus modus recolendi quotidie Passionem D. N. Iesu Christi, cuius precipua puncta facile hac methodo reuocantur in memoriam.

II. Alijs p̄js affectibus, industrijs & intentionibus condiri posset oratio vel recitatio huius Rosarij: si nempe singula Decades dirigantur Affectibus Contritionis contra singula Vicia Capitalia.

V. g. I. Contra Luxuriam.

II. Contra Superbiam.

III. Contra Iram.

IV. Contra Gulam.

V. Contra Auaritiam.

VI. Contra Acediam.

VII. Contra Inuidiam.

*Item, si singula Decades ordinentur Affectu Imitationis, pro septem precipuis Christi virtutibus imitandis, quas passim proponunt Canisius, Costerus, & alij.*

I. Pro



- I. Pro Christi Humilitate.
- II. Pro Mansuetudine.
- III. Pro Patientia.
- IV. Pro Obedientia.
- V. Pro Benignitate.
- VI. Pro Charitate.
- VII. Pro Liberalitate.

*Et in hunc quidem finem, per singulas Decades initio Salutationis addi posset Epitheton ad huiusmodi virtutes recolendas conueniens, v.g. Aue 1. Humillime, 2. Mansuetissime, 3. Patientissime, 4. Obedientissime, 5. Benignissime, 6. Amantissime, 7. Liberalissime Domine Iesu Christe, &c. Item potest recitari hoc Rosarium, pro septem donis Spiritus Sancti, &c.*

*Si cui graue est, una vice pertexere hoc Rosarium, is per septem dies hebdomada distribuat. Sic nulla tibi, o pie Asceta, abibit dies sine Exercitio Dominicae Passionis, cuius assiduam memoriam rantopere nobis commendatam Christus ipse voluit.*

ACTVS CONTRITIONIS  
AD REMISSIONEM PECCATORVM  
obtinendam efficax: eoque semper in  
promptu habendus, quia est prae-  
sentissimum malae mortis  
antidoton.

**D**omine Iesu Christe, verus Deus & homo,  
Creator ac Redemptor meus, Pœnitet me



ex toto corde , quòd offenderim te Dominum  
& Deum meum , quem amo super omnia. Et  
propono firmiter amplius non peccare, omnesq;  
peccandi occasiones deuitare , confiteri & im-  
plere pœnitentiam, quæ mihi fuerit iniuncta.

Et in satisfactionem peccatorum meorum  
offero tibi Paffionem tuam , merita B. Mariæ  
semper Virginis, & omnium Sanctorum, atque  
omnia opera mea, & totam vitam meam.

Et confido in bonitate & misericordia tua  
infinita , quòd per merita pretiosi Sanguinis  
tui, mihi remissurus sis omnia delicta mea.

Et gratiam vberem largiturus , qua vitam  
sanctè instituire , tibiq; perfectè vsque in fi-  
nem seruire valeam. Qui cum Patre Sanctoq;  
Spiritu viuïs ac regnas Deus in sæcula benedi-  
ctus, Amen.

## C A P V T XXXVII.

*Mors pia vitæ consentanea.*

**Q**Vatuor ipsas hebdomadas morbus  
extremus tenuit : prima & vltima  
quàm acerbissimum inussit dolorem: duæ  
intermediæ mitiorem & tolerabilem: nam  
tertiæ Paschatis hebdomadæ die Iouis  
pungere rursum & fodere laterum cœpit  
acrior



acrior morbi vis, intermissis nec cōtinua-  
 tis interuallis, quæ quartæ hebdomadæ  
 Paschatis die Iouis ad extrema deduxit:  
 Itaque cū nox præcedens aucta virium *Dies fa-*  
 debilitate loquendi difficilem vsum & æ. *talis.*  
 gram respirationem permetteret, & hunc  
 fatalē suum diem agnosceret, manē præ-  
 missa peccatorum exomologesi, cum in- *Confessio.*  
 signi pœnitudine commissorum multūm  
 se fidei, spei, charitatis & resignationis a-  
 ctibus occupauit, dici vix potest, quo mē-  
 tis affectu, quā tenero pietatis sēsu se ad  
 viaticum recipiendum prepararit: prælegi  
 sibi lentē distinctēq; petijt orationē præ- *Cōmunio*  
 paratoriam: *Ad mensam dulcissimi Conui-*  
*uij:* tum tenero pietatis sensu & ardenti fi-  
 de, cœlesti refectus epulo, sacro petijt ad  
 vltimā inungi luctā oleo: respōdit ad sin- *Inunctio.*  
 gula verbis articulatis: peractis omnibus  
 protestatus est corā præsentibus, animitus  
 omnibus se condonare offensā, vicissim à  
 præsentibus & absentibus, si quos vnquā  
 offendisset, veniam demissē precatus est:  
 tū gratijs Deo piē persolutis & patriæ cele- *Venia pe-*  
 stis excitato desiderio, quieuit paululum.  
 A meridie prælegi nonnullos virtutum  
 actus è Paradiso suo petijt, tum è Tho-  
 ma



*Amor  
Crucis.*

*desideriū  
patriæ cœ-  
lestis.*

*Optat in  
terra mori.*

ma de Kempis: è quo de Regia Crucis via legenti sic diligenter auscultauit, vt moneret Anagnasten à textu ne aberraret, quem cū memoria ferè teneret, & congruos affectus eliciebat: miscebat vel integros Psalmos, præsertim hunc: *Latatus sum in his, quæ dicta sunt mihi, in domum Domini ibimus, vel decerptos è varijs versiculis, & hos versabat ardentius: Quam bonus Deus his, qui recto sunt corde: Mihi adharere Deo bonum est: Quid mihi nunc est in cælo. & à te quid volui super terram: Vnam petij à Domino, hanc requiram.* Circa quartam vespertinam accersito medico quæsiuit de mortis propinquitate: comperto sat vicinam esse, eo digressio leuari de lecto petijt, & in pauimento substrato cinere mori, S. Francisci secutus exemplum, teste S. Bonauentura, c. 13. idem sub initium morbi lecto iam affixus, vt fieret, non petierat tantum, sed & iusserat: nec deerant præsentium nonnulli, qui pijs obsequendum esse votis existimarent; sed cū moneretur, ne sibi ipsi mortis accelerate præberet occasionem, acquieuit. Rogatus sub quintam à Confessario, peteretne peccatorum absolutionem? respondit, tem-



tempus nondum adesse, nec se præsentis  
 mortis adhuc indicia persentiscere. At  
 circa sextam ardentem cum indulgentijs  
 remissionem peccatorum flagitauit insi-  
 gni de commissis elicitò dolore: tum Cru- *Exoscula-*  
 cifixi vulnera dulcissimè diffuauatus, *mil-* *tio Crucis*  
*lies & millies* aiebat: O dulcissime Iesu, lau-  
 dabo te, Iesu miserere mei, Iesu, Maria: subin- *Vltimi*  
 de sapius salutifera nomina compellauit, *affectus.*  
 excitato cœlestis patriæ desiderio: ad  
 quam circa septimam vespertinam, cum  
 Sol occumberet, placidè nullo dolorise-  
 dito signo dexterâ Crucem, leuâ Cereum  
 ardentem complexus, vt speramus, euo-  
 lauit; quo tempore cum Sole occumben- *Mors.*  
 te moriturum medicus paulò antè de-  
 nunciarat, quando præsentium quidam  
 subintulit: ergo cum Sole Sol huius Ciui-  
 tatis & Cleri occumbet? sicut de S. Basilio  
 medicus eiusdem asseuerarat.

## C A P V T XXXVIII.

*Funeris ratio ab ipso præscripta, & tabulis te-  
 stamentarijs sancita.*

**F**uit Iacobus paratior ad mortem, *Præpara-*  
 quòd eam multis iam annis prouide- *tio ad*  
 rit, *mortem.*



*Scriptio  
Epitaphij*

rit, ad eā necessaria præpararit: quid in ea  
& post eam fieri vellet, lōgè antè designa-  
rit. oētēnio antè sibi scripserit Epitaphiū,  
quo breuem vitę regulam cōplectebatur,  
id amicorum rogatu nomine *Epitaphij  
hominis Christiani* publico donarat in pa-  
tenti folio: ruminabat sæpius emendatis  
& additis nonnullis alijs.

*Tumba  
parata.*

A triennio tumbam curarat, quam  
lecto impositam quotidie contemplaba-  
tur, cui hoc distichon inscripserat:

*Cum capulum cernis, cur non mortalia spernis?*

*Tali namque domo clauditur omnis homo.*

*Sepulcrū*

Sic & sepulchrum designarat, facta tali no-  
minis incisione: *Iacobus Merlo Horstius Pæro-*

*Testa-  
mentum.*

*chus huius Ecclesiæ obiit Anno ....* Testamentū  
pridem scripserat, idem annuè ferè reuol-  
uebat, & vel cōfirmabat, vel mutabat, hæ-  
redibus semper pauperib. nominatis, fu-  
neris etiam omnem rationē consignarat,  
& priuatā semper decreuerat, absq; pōpa  
vel sumptib. qui mortuo non prodesse,  
& pauperibus necessaria subsidia decerpe-  
rent, eiq; solos cum Sacerdote præsentēs  
esse 40. pauperes iusserat, qui noctem ipsā  
delato in tēplū funere vacarent precibus,  
dicerent vigilias, animam Deo cōmenda-  
rent, id etiam ad mentem eius factitatum.



Nam cū 21. Aprilis die Iouis vitam <sup>dies mor-</sup>  
 cum morte cōmutasset : die Veneris post <sup>is.</sup>  
 Solis occasum in templum delatus est, fu-  
 nus stipantibus 40. studiosis cum Sacer-  
 dote & ministris, die Sabbathi manē so- <sup>sepultura</sup>  
 lenniter eidem Vniuersitas Coloniensis  
 præsente Rectore Magnifico, Collegæ  
 permulti Metropolitani cum R<sup>m</sup> D. Suf-  
 fraganeo ac Parochianis parentauit in eade <sup>parenta-</sup>  
 Parochiali funebri Sacro, cui adstantes, <sup>ti nis.</sup>  
 multi dolorem suum lachrymis testaban-  
 tur, dum corpus humo conderetur.

Reliquit sanè magnū sui apud summos  
 infimosq; desiderium: quippe qui apud oēs  
 vti doctissimus, ita vitā integerrimus, æq;  
 amātissimus, & honoris diuini propagādi  
 cupidissimus habebatur. Vnde Principes  
 Viri cognita Iacobi morte vehementer  
 indoluerunt: quē varij pro diuersis Diœ-  
 cesibus ad officia maiora pro Dei gloria  
 proximorumq; salute promouenda desti-  
 narant & inuitarāt. Inter ceteros Ser<sup>mus</sup> &  
 R<sup>mus</sup> Maximilian<sup>us</sup> Coadiutor, Dux Bava-  
 riæ &c. dolenter accepit mortem eius: nam  
 operā ipsius vti in arduis rebus suo tēpore  
 decreuerat. Ita quo vehemētius ipse nomi-  
 nis estimationē & Principū fauorē declina-  
 bat, hoc fugientē magis vltro sequebatur.



## C A P V T XXXIX.

*Dicta sententiæq[ue] eius selectiores, quibus vt  
principijs vita perfectioris  
vteretur.*

**I**Nnumera sunt axiomata, maximaq[ue];  
libris eius omnibus inspersæ, quibus vi-  
tæ sanctioris cupiditudo possint niti, mo-  
resq[ue] conformare, seligam pauculas, vel  
quarum in familiari colloquio frequens  
vsus ei fuit.

- Psal. 22.* DOMINVS REGIT ME, ET NIHIL MIHI  
DEERIT, IN LOCO PASCUÆ IBI ME COL-  
*Galat. 5.* LOCAVIT. *Vtinam* MIHI MVNDVS CRUCI-  
FIXVS sit, ET EGO MVNDO. *Vtinam* MIHI  
*Philip. 1.* VIVERE CHRISTVS sit, ET MORI LVCRM.  
*Si* animæ bene est, facilis & levis ceterorum  
omnium iactura erit. Clerici se bonorum suo-  
rum non vt dominos, sed dispensatores habere  
*1. Tim. 6.* debent: HIC IAM INTER DISPENSATO-  
RES QVÆRITVR, VT FIDELIS QVIS INVE-  
NIATVR. HABENTES ALIMENTA, ET  
QVIBVS TEGAMVR, HIS CONTENTI SIMVS.  
Maior est, & ad maiora genitus homo Chri-  
stianus, quàm vt pecuniæ mancipium sit, &  
mammonæ seruiat.

Non



Non bene conueniunt militare Deo, & dignis seculo curis implicari. Quando peius habuit Ecclesia, quàm cum eius ministri coeperunt contemptis vel malè contortis Canonum decretis beneficia beneficijs, & curas curis superaddere? Vide quid singulis diei horis agendum sit, & hoc vnum age, quod agis prescripto tempore. Nullius sanè temporis certior nobis constat fructus, quàm quod Deo impensum est. O quàm prodigi temporis dum seruiendum est vanitati: quàm parci cum pietate vacandum est? cui meritò omne tempus debebatur.

Ama libros pios, & sacrarum litterarum studia, & carnis vitia non amabis. Bene nouit viuere, qui bene nouit orare, nec bona vita sine oratione diu consistere, nec oratio sine bona vita multum prodesse potest.

Vis psallere vt placeas Deo, sic versetur laus in ore, ne fraudetur mens sapore. Hoc est lucrari vitam quotidie sibi, vitijs & mundo mori.

Si diuino tribunali causam tuam probaueris, salua res est; hominum iudicia nihil officient.

His & similibus nixus principijs, recto tramite calcatis mundi legibus Christi legebat vestigia: suosq; lectores ad eadem sequenda sic exhortatur: *Alie sunt, ait, c. 9. Mo- nit. sap.*  
leges



leges mundi, aliæ Christi: mundus sectari iubet  
 sublimia, at Christus humilia. In mundo serui-  
 tur carnis desiderijs & voluptatibus, lusus, ioci,  
 risus, gaudia, vndique personant; lites, rixæ, e-  
 mulationes & odia regnant. At Christi lege  
 spiritus facta carnis mortificat, voluptas exu-  
 lat, castitas, charitas, pax & concordia princi-  
 patum obtinent. Mundus diuites, potentes, ho-  
 noratos suspicit & admiratur: at Christi sen-  
 tentiā pauperes, humiles, afflicti, tristes, &c.  
 beati prædicantur: quis hisce Dominis adeo di-  
 uersa suadentibus vnā seruiat? Sed tu perge a-  
 lacriter & generoso pectore viā, quā cœpisti.  
 Pugna fortiter, ô Christiane miles, nec hosti  
 huic cede: facile vinces hostem, si contempseris.  
 Multi profectò rariùs peccarent, si hunc hostem  
 minùs timerent. Sed, ô misera seruitus, mundi  
 metu Deum offendere, virtutem deserere, con-  
 scientiam ledere, quin potius illum solum time,  
 qui vitæ & necis potestatem habet, quemq̃, in  
 fine solum habiturus es iudicem. Hactenus in  
 Monitis Sapientiæ Christianæ: quæ tota  
 redundant similibus effatis mundo con-  
 trarijs; nam sapientia huius mundi stultitia  
 est apud Deum, qui Cosmophilis seueris mi-  
 natur verbis: Perdam sapientiam sapientium,  
 & prudentiam prudentium reprobabo: tunc  
 vide-

1. Cor. 3.

1. Cor. 1. 19

videli  
 nixos  
 gloria  
 Hi sun  
 sum,  
 sensati  
 & fine  
 comput  
 Etos for  
 ritatis.  
 diuina  
 vobis  
 pietis  
 mundi

ST  
 Spr  
 fronte  
 destitua  
 macil  
 sis.  
 Sen  
 nung



videlicet, cū quos similibus principiis  
 nixos in fatuis numerarant, ijs cœlesti  
 gloria donatis, & visis seriùs ingemiscunt:  
 Hi sunt, quos aliquando habuimus in deri- *Sap. 5.*  
 sum, & in similitudinem improprij: nos in-  
 sensati vitam illorum aestimabamus insaniam,  
 & finem illorum sine honore: ecce quomodo  
 computati sunt inter filios Dei, & inter San-  
 ctos fors illorum est. Ergo errauimus à via ve-  
 ritatis. Ita verum est, errastis, cū  
 diuinæ sapientiæ effatis contrarias leges  
 vobis stolidè posuistis: serò tandem sa-  
 pietis, cū stulta sapientia vestra toti  
 mundo patefiet.

## C A P V T XL.

*Forma corporis, Statura & Lucu-  
 brationes.*

**S**Tatura fuit ex mediocri, magis ad *Statura.*  
 sproceram accedente, ore liberali,  
 fronte ex porrecta, vultu semper ad mo-  
 destiam & grauitatem composito, genis  
 macilentis, rubore tamen grato resper-  
 sis.

Sermone utebatur suaui & leni, non-  
 nunquam etiam in delinquentes vehe-  
 H menti,



menti, habitus gestusq; corporis moderatus & maturus, ingenium clarum, memoria felix, labor assiduus, & mirum in ea corporis infirmitate, Pastoralis officij partibus omnibus diligentissimè obcundis, tantum superfuisse temporis & virium ad eam studiorum contentionem tot annis continuandam, & toti Orbi lucubrationes publicandas.

Editi  
tri.

Anno ætatis 26. edidit ENCHIRIDION Officij diuini tum Ecclesiasticorum tum aliorum diuinis Officijs pie interesse cupientium vsui accommodatum, cum exercitijs & orationibus, in 12. An. 1623. impressum.

VIATICVM Quotidianum hominis Christiani, 24. an. 1633.

MONITA SAPIENTIÆ Christianæ, ad mores & vitæ spiritualis officia omnemq; pietatis cultum vtilia, in 24. a. 1629.

FASCICVLVS Myrrhæ & Thuris, in 24. a. 1630. impressus.

PARADISVS Animæ Christianæ, lectissimis omnigene pietatis delicijs amœnus, in 24. an. 1630. & 1644. editus.

SEPTEM TVBÆ Orbis Christiani, ad reformationem Ecclesiasticæ disciplinae toto orbe, & præsertim in Germania ad præsentium & gra-



graviorum malorum Remedium necessario in-  
stituendam excitantes.

I. CONTINET S. BERNARDI de Considerat.  
ad Eugenium, & de vita & moribus Præla-  
torum, Clericorum, &c.

II. S. GREGORII MAGNI de Cura Pastoralis.

III. CHRYSOSTOMI de Sacerdotio.

IV. PROSPERII AQUITANICI de Vita Contē-  
platiua & Actiua Sacerdotum, Virtutib. virijs.

V. S. PETRI DAMIANI Opuscula, de fu-  
ga dignitatum, de dignitate Sacerdotij, Vita  
Canonicorum, inerria, &c.

VI. PETRI BLESSENSIS Canon Episcop.  
& disciplina Ecclesiast.

VII. SALVIANI MASSILIENSIS Opera  
omnia. Hæc uti & superiora maiori ex parte  
nouis in capita & paragraphos sectionibus,  
proæmij & annotat. illustrata. Appendicis loco  
accedunt Quæstiones variæ hoc tempore pluri-  
mum utiles & necessariae, in 4. a. 1635.

APHORISMI Eucharistici, id est, pie  
& S. Celebrationis & Communionis Monita,  
in 12. a. 1638.

CHRISTIANVS THEODIDACTVS, seu  
doctrina piè viuendi & beatè moriendi, forma  
colloquij inter Christum & hominem, verbis  
ferè sacris expressa, in 12. 1643.



VIATOR Christianus, rectâ ac regiâ in cœ-  
lum viâ tendens duce IESU Christo, de cuius Imita-  
tione libros à Thoma de Kempis scriptos, aliâq<sup>3</sup>  
p<sup>i</sup>jssima Opuscula nouâ curâ recensuit, & Notis  
strauit, in 24. a. 1643.

S. BERNARDI Vitam & Opera magno stu-  
dio collegit, auxit, correxit, Annotationibus il-  
lustrauit, conuenientiore ordine distinxit, &  
in sex Tomos distribuit, Indice copioso Rerum,  
Locor. comm. & S. Scriptura.

Tom. I. continet S. BERNARDI Epistolas.

II. Sermones per Annum, & de diuersis, item  
in Psalm. Qui habitat.

III. Sermones in Cantica Canticorum.

IV. Libros & Tractatus varios seu Opuscula.

V. Aliena, dubia, & supposititia.

VI. siue Appendix, GVERRICI Abbatis Igria.  
rensis, & GILLEBERTI de Hoylandia Abb.  
in Anglia, Discipulorum S. Bernardi Opera com-  
plectitur.

Premissa est Vita septem Libris distincta,  
cum Elogijs & Chronologia Vita & Scriptorum  
eiusdem Annotat. in folio 1641. apud IOAN-  
NEM KINCHIVM Colonis, qui & pleraque  
alia impressit.

Plures libros alios relegit ac correxit,  
quibus nomen non apposuit, & alia pia  
euul-

euulga  
ante n  
sic eni  
erit, n  
ralis in  
passim  
siascor  
recitan  
dum,  
nauera  
& lang  
Nok  
GORII.  
parem,  
ZANTU  
qui his  
morbis  
Mu  
tum pr  
breues,  
tias &  
Specim  
di: sca  
tis ipso  
pareat  
ratibus  
scopum



euulgauit, plura meditabatur, quæ paucis  
ante mortem mensibus amico flagitanti  
sic enumerat: Si quid edam deinceps <sup>Edend.</sup> primum  
erit, ni fallor, Commentarius literalis & mo-  
ralis in omnes PSALMOS DAVIDIS, insertis  
passim monitis pijs. & exemplis ad vsum Eccle-  
siasticorum & Religiosorum Psalmos quotidie  
recitantium: Opus affectum iam ante Bernar-  
dum, cuius recognitioni hanc hyemem desti-  
naueram, si valetudo ferret, iam satis attrita  
& languida.

Novam quoque editionem Operum S. GREG-  
GORII M. meditabor, sed vereor me operi fore  
parem, PÆDAGOGVM ÆGRORVM & AGONI-  
ZANTIVM parabam, tam in gratiam eo. u. n.,  
qui his operam nauant, quàm qui ipsi piè in  
morbis & morte se gerere cupiunt.

MEDVLLAM SAPIENTÆ, tum sacra-  
tum profane, colligo ex varia lectione, id est,  
breues, acutas & neruosas gnomas seu senten-  
tias & axiomata, moribus formandis idonea:  
Specimen quoddam ex BERNARDO aliàs de-  
di: sed non ita nuda & ieiuna, verùm apposi-  
tis ipsorum Auctorum locis, vt vsus statim ap-  
pareat, & illustrata similibus aliorum auctori-  
tatibus, exemplis, testimonijs, &c. in eundem  
scopum sensumq; collimantibus.



THEATRUM AGONIS CHRISTIANI erigere paro, id est, Sanctorum & illustrium hominum in morbis & morte, dicta, facta, apophtegmata ex varia, veteri & noua historia illustrata. Multa quidem alia conceperam, sed ad iam dicta vberior in aduersarijs apparatus, seu futuri operis materia congesta est, quis det vt perficiam & absoluiam? Vita summa brevis spem me vetat inchoare longam.

Scopus in  
libris e-  
dendis  
propositus

Petit deinde preces, & scopum in his spectatum aperit, vt ex pusillis meis conatibus aliquid ad augmentum diuini cultus & profectum salutis meae & proximorum adminiculi expectari possit. Ita nihil voluebat animo, vel scribebat calamo, nisi quod sibi proximoq; fructuosum: & diuinæ gloriæ propagandæ congruum existimabat: nihil, in quo vanam doctrinæ famam & nominis claritatem intenderet: quamuis eiusdem libris non Catholici tantum, sed & Hæretici applauderent, quidam etiam Coloniā excurrerent, vt hominem nosset. Hunc Deus Opt. Max. Coloniæ Virum dedit, Lumen Ordinis Ecclesiastici, Pastoralis Vitæ Decus, Exemplar & Ornamentum: quam vti semper libris asceticis illustrare conatus est, ita moribus.



bus expressit sanctissimis, cuius omnia desideria, cogitata, verba & opera, diuini nominis cultum & honorem, auctiorem & ardentem amorem spectare videbantur, hoc vnum meditabatur, in hoc se exercebat, hoc calamo seribebat, vt se cunctosq; mortales, memores salutis & perfectionis cuiusque statui consentaneę efficeret, & ad Deum summum bonum, centrum & scopum vitę pertraheret. Hoc Epitaphium in funere pręsentibus distributum, & testamentarię tabulę loquuntur cum codicillis, quę visum est attexere, vt Ecclesiastici possint imitari. Nec ita de vani nominis memoria perpetuanda in mundo, sicut de pręmio eternę glorię in cęlis augendo velint laborare. Profecto si mediam laborum partem in meritis cęlestibus cumulandis impenderemus, quos mundi, carnis aut voluptatis causā suscipimus, immensam glorię segetem post mortem in cęlis colligeremus.

\* \*

H 4

CA



## C A P V T XLI.

*Testamentum eius.*

**M**aturè testamentum & sanus condiderat, quale Christianum & Ecclesiasticum propriæ salutis amantissimū decet: vtinam imitatores habeat: mirū est, cum ne teruncium quidē ad ditādos propinquos (licet eorum seruitia rependerit) pompam funebrem, vel nominis celebritatem adhibere voluisse: sic etiam Executores adiurasse, ne quis honor vel apparatus funebris haberetur mortuo, vel pauperibus hæredibus ideo quidquam detraheretur.

## COPIA TESTAMENTI R. D.

Iacobi Merlo Horstij Pastoris, B. Mariæ  
in Pasculo Coloniz, defuncti, Anno

1644. 21. Aprilis, ætatis

sux 47.

IN NOMINE SANCTISSIMÆ TRINITATIS,

Patris, & Filij, & Spiritus

Sancti, Amen.

**A**duersus certissima mortis casus incertos remedium certissimum est, continua mortis semper & ybique imminentis memoria.



moria. Ergo ne illa aliquando me fortè imp-  
ratum deprehendat, volui maturè disponere  
domui meæ, vt qui iam etate in senium ver-  
gente, & debili corporis valetudine indies ma-  
gis magisq; fatifcente, & crebris quotidie mo-  
rientium, etiam equalium, immò etiam annis  
ac etate minorum, exemplis, responsum quo-  
dammodo vicine mortis acceperim.

Sed heu mihi, Domine, quia incolatus meus  
prolongatus est. Desiderat quidem anima meæ  
ad te, & mori optat morte iustorum, quorum  
mors sola pretiosa est in conspectu tuo, sed hor-  
ret nihilominus mori, & egredi timet, vt pote  
misera & inops, & malè sibi conscia, ob tot an-  
nos vitæ, & tot talenta gratiæ diuinitus acce-  
pta, sine fruge infelicitè & negligenter deper-  
dita. Vnde non sine causa tergiuersatur & tre-  
pidat, cùm tempus istud reddendæ de villicatio-  
ne sua rationis cogitat.

Verùm quid agis, anima mea, deprehensa  
inter angustias? cùm visum fuerit supremo illi  
Patri familias te citare ad reddendam ratio-  
nem effugere aut detrectare non licet, nec vllæ  
dantur induciæ. Prorsus parere & confestim  
comparere necesse est.

Sede ergo prius, & computa, arripe & euol-  
ue librum conscientiæ, subduc rationes. Et sibi



soluendo non es, uti profecto non es; ne tamen despera, sciens quia copiosa est apud Deum redemptio, & quia bonorum tuorum non eget, cor verò contritum & humiliatum non despiciet. Adde, si feceris tibi amicos de mammona iniquitatis, qui, cum defeceris, recipiant te in eterna tabernacula. Hoc modo facilius tibi conciliabis gratiam Patris familias, qui sibi factum aestimat, quod vni ex minimis istis feceris.

Quapropter, o supreme mundi Iudex, ne intras in iudicium cum seruo tuo, quia non iustificabitur in conspectu tuo omnis viuens. Memento te ideo olim ante iniquissimos Iudices stantem, iniustam mortis durissimam sententiam subire voluisse, ut ego aeternam mortis sententiam euaderem, & coram supremo tribunali clementius iudicaret. Hac supremum votum & desiderium meum nunc esse deinceps & in extremis fore, coram te & tota coelesti curia contestor, ut me non pro meritis meis, sed pro inexhausta misericordia tua iudices, & clementer absoluas.

Ecce itaque, mi Domine Iesu, nunc valens etiamnum ac viuens per gratiam tuam reddo tibi Creatori & Saluatori meo animam meam. Accipe eam, aut potius recipe, & educ eam de



carcere isto seu corporis custodia, ad consiten-  
dum nomini tuo: Accipe, inquam, quando sic  
visum tibi: nam in manibus tuis sortes meae, tu  
solus nosti introitum meum & exitum meum,  
& numerus mensium meorum apud te est. Vti-  
nam mundus mihi crucifixus sit, & ego mundo!  
Vtinam quoque mihi viuere Christus sit & mo-  
ri lucrum!

Porro animæ in regionem longinquam ite-  
ra fidos & gnaros viæ Duces ac Comites, immo  
apud summum Iudicem, Patronos & Aduoca-  
tos, adiungo, Beatos cœlestis Curia Ciues & in-  
colas, quos mihi iam pridem Patronos singula-  
riter colendos elegeram. Inprimis beatissimam  
Dei Matrem Virginem MARIAM singularem  
peccatorum, quorum ego primus sum, Aduoca-  
tam, quam doleo, tam languide ac segniter  
hactenus coluisse. Item Sanctos cœlestis militia  
Principes, S. Michaëlem, S. Gabrielem, S. Ra-  
phaëlem, & præcipue S. Angelum Custodem.  
Item sanctissimum Christum Præcursores Ioan-  
nem Baptistam, SS. tres Reges, qui Christum  
infantem mysticis muneribus ex Oriente hono-  
ratum venerunt. Item Apostolici Collegij Prin-  
cipem S. Petrum Apostolum, S. Iacobum Apo-  
stolum, S. Ioannem Euangelistam, S. Stepha-  
num Prothomartyrem, S. Laurentium, S. Hu-



bertum & mellissimum mihiq[ue] dulcissimum pa-  
 riter & dilectissimum, Bernardum, S. Annam  
 Christi Aviam, S. Franciscum, S. Catharinam,  
 & quem hodie superioribus addo, & quem mi-  
 hi in singularem deinceps pro felici morte Pa-  
 tronum eligo, Sanctissimum Ecclesie Doctorem  
 AUGUSTINUM, cuius hodie festum diem cele-  
 brat Ecclesia.

Hos omnes per pretiosum Christi Sanguinem,  
 eiusq[ue] infinitam gratiam, quo ad superne pa-  
 trie gloriam felicissimè prouecti sunt, obnixè  
 precor & obtestor, ut cum iam in portu consti-  
 tuti, securi sint de se, pro me velint esse sollici-  
 ti, ut & ego illuc superatis diuinâ gratiâ huius  
 magni & turbulenti maris procellis salua nauis  
 appellere valeam.

Hac de præcipua mei parte, id est, anima,  
 cuius si detrimentum (quod auertat Deus) pa-  
 tiar, quid mihi proderit totum mundum lu-  
 crari? At si anima bene est, facilis & levis ca-  
 terorum omnium iactura erit. Attamen de his  
 ita pro Dei gloria disponere visum est.

Corpus meum loco & modo sepeliri  
 omnino volo & iubeo, sicut in peculiari  
 charta designaui.

Ceterum de bonis temporalibus in multas  
 fundationes aut donationes, seu legata dispen-  
 tiendis,



riendis, non est cur multum laborem. Monet  
& mouet S. P. & Doctoris Augustini, cui hac ip-  
sa dies sacra est, qua hac scribo, exemplum &  
paupertas apud Deum ditissima. Is quippe, te-  
ste Possidio, moriens testamentum nullum con-  
didit, quia vnde conderet, pauper Christi non  
habuit. Et ego vnde faciam, parum habeo, & si  
quid habeo, his debetur, qui nihil habent, nem-  
pe pauperibus.

Bonis quidem cumulandis nunquam studui,  
vti nec decebat facere eum, qui computatus  
in sortem Domini, ipsum Dominum sortem  
partemq. suam agnoscit. Habens quidem vi-  
ctum & amictum, his contentus fui; si quid  
præterea potui impendere ad decorem domus  
Dei, id est ad reparationem & ornatum Eccle-  
siae meae, item domus meae; si quid ad sustenta-  
tionem pauperum, imò etiam ad educationem  
consanguineorum, fratrum, sororum cognato-  
rum, spero me non defuisse, pro viribus facultate  
meorum.

Et Deo omnium bonorum Fonti & Autho-  
ri gratias medullitus ago, quia expensas meas  
non omnino sine fruge esse voluit, duobus præ-  
sertim fratribus meis, meâ curâ & impensâ  
educatis, & ad Religiosum statum gratiosè ro-  
catis.



Et, vt ad rem denique veniam, Pauperes heredes meos dico, facio & scribo; modum autem & dispositionem hereditatis distribuendæ vel reipsa exequendæ, in alia charta separata designabo, quam designationem vel per modum codicilli, vel alio quocunque titulo & modo valere & ratam haberi volo non minus ac præsentem heredis institutionem, quantumvis fortè contingeret, vtroque deesse solennitates Iuris solitas & requisitas, id est, subscriptionem Notarij & testium, &c.

Sorori meæ N. N. ex hereditate Pauperibus assignata vsum fructum reseruo, quousque cælebs & casta permanserit, iuxta designationem in alia charta notandam.

De Patrimonio meo ita dispono, &c.

De Bibliotheca, Vestibus, Supellectile, ordinationem & dispositionem singularis chartæ exhibebit.

Legata quadam nunc primùm mente concepta, deinceps in alia charta notabo, quæ Testamenti huius mei seu vltimæ dispositionis robore pariter gaudere volo.

Deni-



*Denique, potestatem mihi reseruo, hæc mutandi, ampliandi, vel his addendi, & dēdendi, &c.*

Executores huius vltimæ voluntatis meæ nomino, & vt amore Dei & pauperum officium Executionis in se suscipere non grauentur, obnixè per vltima misericordiæ IESV Christi, rogo; nomino, inquam, Ambos Ædiles Ecclesiæ meæ, Dominos & amicos meos longè charissimos; nempe Clariss. D. IOANNEM KINCHIVM Senatorem Urbis ac Reipubl. Colonienfis, & Clariss. ac Ampliss. DD. HENRICVM OECKHOVEN I.V. Doct. Capituli Eccles. Metropolit. Colon. Syndicum, quibus omnia committo; & vt tacitè, sine omni strepitu, omnia expediant, vnicè rogo.

*Hæc ego scripsi manu propria, in domo mea, ipsa nocte. Festum S. Augustini Eccles. Doct. antecedente, circa horam 11.*

*Anno 1642.*

IACOBVS MERLO-HORSTIVS,  
B. MARIE in Pasculo Pastor.

DIS-



# DISPOSITIO SEPULTURÆ eiusdem R. D. Jacobi Merlo Horstij.

**I**ncertum quo me tempore & loco mors expectet. Ego itaque omni eam loco & tempore expecto: Vnde si contigerit per Dei gratiam (quod vehementer desidero) me hic Colonia, & in hoc statu mori, circa sepulturam meam hæc, quæ sequuntur, inuiolabiliter & rigide sine exceptione, vel quacunque alia interpretatione observari volo & præcipio.

1. Ad cauendos inutiles & inanes sumptus, atque ut tantò magis consulatur causa pauperum (quos, uti alibi, sic & hic, heredes meos dico & facio) sine omni pompa & apparatu, corpus meum terra mandari iubeo, idq; sequenti modo:
2. Si contingat me de die mori, eodem die sub vespertinum crepusculum funus meum impostum capulo (quem iam diu paratum domi habeo) & debite, id est, Sacerdotis habitu, cuius requisita tum in promptu erunt, pro more vestitum, per quatuor validos studiosos pauperes deferatur ad Ecclesiam meam, idq; per hortum meum rectâ viâ: nec putetur hoc indignum, si mortuus istâ viâ deferor ad templum, quam toties viuis calcavi, immò quâ toties SS. Sacramentum ad infirmos detuli.

Per-



Porro funus impositum feretro collocetur 3.  
in medio templi ante sepimentum vsque ma-  
ne; tumba seu capulus tegatur albo laneo pan-  
no: accipiatur autem pannus in qualitate &  
quantitate, qui seruire possit ad vnam cap-  
pam Religiosi Carthusiani, & detur postea  
fratri meo Florentio Carthusie Colon. alu-  
mno, vel alteri pro arbitrio Superiorum eius  
Monasterij.

Ad funus non erit necesse vocare Choros, a 4.  
micos, sufficit adesse duos Executores meos. v-  
num Sacerdotem vel Officiantem Ecclesia nostra  
cum Custode & Ludimagistro. Alexianos aduo-  
care necesse non est, Crux & dua facula ex Ec-  
clesia accepta praserantur per studiosos paupe-  
res.

Si noctu contingat me decedere, deportatio 5.  
funeris differetur vsque in finem sequentis diei,  
& sub noctem, quando ingruunt tenebrae, fiet  
vt supra.

Coram funere ter ista nocte legetur totum 6.  
Officium Defunctorum more Romano, idq; per  
pauperes studiosos ex superioribus Classibus Gy-  
mnasij trium Coronarum, per R. P. Regentem  
(quem desuper singulariter rogatum volo) de-  
signandos, singulis vicibus conuenient 12. ita vt  
seni & seni per choros legant alternatim.

Pri-



Prima statio seu primæ vices legendi officium seu vigilias Defunctorum, erit præcisè horâ nonâ vespertinâ. Secunda statio, horâ duodecimâ noctis. Tertia statio, horâ tertiâ matutinâ. Legent autem singuli distinctè, tardè, clarè, deuotè: quorsum enim animæ meæ murmur istud Psalmorum & precum funeralium, quäle, proh dolor! hætenus nimis diu vsque ad nauseam audiuiimus? præficiatur singulis vicibus vnus Sacerdos, pius, pauper, modicus, vel Religiosus, si haberi potest, qui lectionem totius officij dirigat: & detur singulis vnus florenus aureus. Ceterum illis studiosis legentibus officium singulis dabitur Dalerus Imperialis: item panis octo alborum.

7.° Postridie seu proximo die post lectas modo præscripto vigilias horâ sextâ cantetur Sacrum pro defuncto cum duobus ministrantibus. Post Sacrum legatur Commendatio, in altaribus lateralibus legantur duo Sacra in singulis. Sacerdoti summum Sacrum celebranti dabitur vnus Dalerus Colonienfis: ceteris 26. alb. ministrantibus 16.

Sic peractis exequiis omnia peracta sunt, quæ pro sepultura mea fieri volo. Statim itaque mandetur corpus terræ, cereum aut aliud quidquam sepulchro ad tempus imponere nihil opus.



De Epitaphio aut incisione lapidis sepulchralis non est cur solliciti sint DD. mei Executores: tantum hoc vnicè eos rogo & moneo, vt prædicta diligenter, seriò & accuratè obseruari curent, idq; iuxta obtestationem & obiurationem alibi positam, quæ talis est:

Oro & obtestor meos DD. Executores, immò adiuro per Deum Iudicem viuorum & mortuorum, vt modum & ordinem hic à me præscriptum per omnia rigidissimè & accuratissimè seruari curent. Præposterè illi & intempestiui respectus seu pretextus moris, honoris, decetia, &c. nullum hic locum habeant, quod alibi sæpius contigisse non sine fastidio vidi: De honore Dei, causâ pauperum, & salute animæ meæ potissima cura sit. Heu quàm sæpe ista negligitur, dum cætera ista tam studiosè curantur. Curate quod peto, DD. mei Executores, & habebitis mercedem in cælis.

Ita ordinaui & scripsi manu propria ego IACOBVS MERLO HORSTIVS B. M. in Pasculo indignus Pastor, An. 1639. ipso Transfigurationis Domini, ingressus in festo S. Iacobi Apostoli 25. Iulij ætatis annum 43. & ex nunc Saluatorem exspecto D. N. IESVM Christum, qui reformabit corpus humilitatis meæ configuratum corpori claritatis suæ.

IN



IN INFORMATIONE SVPER  
 statu rerum suarum , Executoribus suis  
 vsui futura , hæc idem piè memoriæ  
 R.D.IACOBVS MERLO HORSTIVS  
 scripta reliquit.

1. **T**estamentum magnum non condidi, quia  
 vnde conderem , non habui , nec habere  
 volui: Benefeci hætenus , quibus potui, pro  
 tenuitate mea , propinquis & pauperibus. Il-  
 lis parum relinquere possum, his debetur, quod  
 reliquum est.
2. In sumptus funerales parum fortè suppetet  
 in prompta pecunia: quia nunquam studui col-  
 ligenda pecunia, suppedient velim DD. Execu-  
 tores , recepturi ex venditione meorum mobi-  
 lium.
3. Studiosè caui à debitis, & hoc scire Execu-  
 toribus expediet: Consueui hætenus singulis an-  
 nis in Decembri circa finem Anni computare  
 cum omnibus, quibuscum mihi toto anno nego-  
 tium est, velut Pistore, Cereuisiario , Sartore,  
 Sutore , cæterisq̃, ijsq̃ soluere & satisfacere  
 per omnia, & curare singulariter, ne quid vete-  
 ris debiti in nouum annum inferrem. Videan-  
 tur ipsorum Quitantia. Hæc ibi.

O quàm



O quàm paucos est hodie reperire, sic salutis propriæ, sic instantis iudicii & reddendæ Iudici seuerissimo rationis memores? Quàm pauci, dum valent & vigent, seipsos ita scelerum reos agunt, testes ipsi sibi, iudices & tortores, ne iudicentur à Domino? Rari tales sibi Patronos adsciscunt, & dum abundant, amicos faciunt de mammona iniquitatis; vt in plerosque cadat ea iusta Moyſis indignatio & optatio: *Gens absque consilio & sine prudentia: vtinam scaperent, & intelligerent, ac nouissima prouiderent.* Qui, dum iam emortuis ferè membris iudicium imminet, tunc primùm condendi testamenti, confessionis & eleemosynarum meminerunt: nec obulum quidem pauperibus elargituri, nisi relinquendi necessitas premeret: præmonuit huius lectores sui PARADISI paulò ante mortem, cum eum au- *Paradis. sect. 7. §. 6. & 7.* geret: & quæ cura scribendæ vltimæ voluntatis, quæ pauperum habenda ratio esset, rectè consuluit: sed antè conatus est opere perficere, quàm scriptis consignare. Sic autem Christum facit hominem *Cødendū. testamētū. tempore. sanitatis.* instruentem: *Maturè dispone domui tuæ, dum adhuc sana mens est in corpore sano:* *Huc*



Huc spectat, vt maturè condas testamentum, aliena restituas, liquidas rationes procures. Periculose hæc in horam mortis differuntur, non sine graui sepius iactura tum animæ tum rei familiaris. O quàm multi hic errant, qui vel ex negligentia, vel ex inani persuasione rem hanc differunt in horam mortis, & tunc primum rebus terrenis disponendis animum apponunt, cum terra iam linquenda erat, & cœli salutisq; potior esse cura debebat: sic enim sollicitudo intempestiua mentem auocat à Deo, distrahit à cura salutis & animæ, & inuoluit curis seculi, adeoq; tempus vitæ residuum, sed breue & nimis pretiosum, soliq; beatæ mortis studio tribuendum, miserè perdit.

Quale verò debeat esse testamentum, In eo quæ ita prosequitur: In condendo Testamento obseruanda hoc potissimum cura, vt sit æquum, pium & perspicuum, vt concordia sit non litium seminarium. Et inprimis sic dispone de bonis tibi à me concessis, vt ostendas te dispensatorem eorum à me constitutum esse, non dominum. Sanè, si negligas me, à quo habes omnia, nimis iniquus & ingratus es. Si tibi ipsi nequam es & pareus in animam tuam, cui bonus eris? Optimum sic dispensare bona temporalia, vt non amittas, immò per ea lucreris æternâ.

Do-



Docet deinde, pauperibus in vita potius  
quàm morte benefaciendum esse, cauteq;  
providendum, ne legata pia vanæ laudis  
intentione vitientur.

Manus pauperum meum est gazophylacium,  
quod illic recondis, inuenies. Ante mortem ita-  
que benefac amico tuo. & secundum vires tuas  
exporrigens da pauperi, amicos autem de mam-  
mona iniquitatis tibi fac pauperes, vt cum de-  
feceris, recipiant te in æterna tabernacula:  
sed, ô cæca & stulta auaritia mortalium: the-  
saurizant & ignorant, cui congregent ea: ha-  
bituri heredem post se, quem ignorant virum  
sapiens an stultus futurus sit, & ille dominabi-  
tur in laboribus eorum, quibus ipsi desudarunt:  
an est quidquam tam vanum? Non est ma-  
gnum, dare pauperibus in morte, quod tecum  
auferre, aut quo diutius frui non possis, quodq;  
velis nolis, relinquendum est. Gratiam quidem  
habeo omnem eleemosynam, eo tamen disci-  
mine, vt vnus sæpe nummus viuentis & sani  
gratia mihi sit, quàm centum morientis: nec  
enim tam censum, quàm affectum ego pondero:  
is verò quantò maior in viuentibus quàm mo-  
rientibus, quos ferè relinquendi necessitas po-  
tius quàm pia voluntas liberales facit. Qua-  
cumque verò alijs pro te facienda committere



vis. per teipsum perficere stude : nam si moriens in aeternum iueris supplicium, (verba Ioannis Lansbergij) testamenti tui apparatus, pompa funeralis, eleemosyna ac sacrificia post mortem quid conferunt damnato? Hæc potius, dum uiuis, mihi sacrifica, vt non solum à peccatis libereris, sed etiam in gratia mea crescendo ad damnationem non peruenias, sed à peccatis me præseruante liber in bonis operibus ad finem vsque perseueres. Hæc qui multis ante mortem annis opere compleuerat, iure potuit scriptis suis idem alijs faciendum præscribere.

## C A P V T XLII.

## Epitaphium.

CYgneam iam Iacobi parænesin, quam sibi viuens vt vitę regulam concepit, moriturus correxit, & alijs etiam offerri voluit, libet auscultare, Epitaphium dico: quod non tam voluit incidi lapidi funerali, quàm omnium optarit fidelium insculpi cordibus, ideoq; præsentibus in funere distribui, quo cunctis relinqueret testatam vltimam suam voluntatem, omnesq; ad serium salutis proprię curandę studium inuitaret. Id verò est eiusmodi:

EPI-



EPITAPHIUM  
HOMINIS CHRISTIANI,

VITÆ REGVLAM EXPRIMENS.

D. O. M.

Siste gradum, Viator;

HIC TERMINVS VIÆ ET VITÆ  
TVÆ AC MEÆ.

ILLE EGO, QVI NATVS PRIDEM,  
AC NOTVS ERAM SÆCVLO;

En denatus hoc iam lateo  
nudus nullusq; Sepulcro.

PVLVIS, CINIS, ESCA VERMIVM.

VIXI ANNIS (N) PAVCIS,  
SI SPECTETVR ÆTERNITAS;

Ad hanc tamen currendum mihi fuit  
in stadio fugacis vitæ.

TEMPVS VIVENDI, vt BENE MORERER,  
& VITAM MERERER IMMORTALEM,

*Dedit mihi, & dat etiam pum tibi clemens DEVS.*

ILLIVS, & OMNIVM QVOQVE MOMENTORVM  
STRICTA À ME IVSTO IVDICIO reddenda fuit ratio.

VTIQVE ERIT ET TIBI.

VIXI IN EO (N) STATV,  
AC ID (N) MVNVS GESSI.

Qui mihi HONOS, idem ONVS fuit,  
ô molestum & graue!

Miserum, esse qui non CAPIANT;

Mirum, non deesse qui CVPIANT.



O QVAM ME IVSSIT RIGIDAM  
SVPREMVS PATERFAMILIAS

REDDERE RATIONEM VILICATIONIS MEÆ!

SI SAPIS, ET CREDIS AMICO  
SYNCERE MONENTI,

Huc tu quoque te para Quotidie;  
NAM ex meo periculo te captum reddi;  
felicitis simul & sapientis erit.

POSSEDI DE TERRÆ BONIS  
MODICA;

*(Attamen satis ad Vsum Vitæ, satis ad Votum,  
quod NECESSITAS rexit, non Cupiditas.)*

Etiā horum, ad nobilissimum vsque quadran-  
tem reddenda fuit ratio.

*Esto. Res ANGUSTA fuit mihi;  
sed (experto fas est credere)*

*Sic tutius ad ANGUSTA pergitur.*

O Viri DIVITIARVM thesaurizatis;  
& ignoratis, cui!

EGO NIHIL INTVLI IN HVNC MVN-  
DVM, NIHIL EXTVLI.

Quod in Cœcum pramissi per manus PAVPERVM,  
Inueni; & hoc SOLVM:

Vos similiter, cū dormieritis SOMNVN vestrum,  
aliud inuenietis nihil.

O AMICI, VIVITE LÆTI;  
AT NON IMMEMORES LETHI:

En quondam latus votis illeum, vos iam reliqui,  
& à vobis relictus,

INI-



INIUVI SOLVS ÆTERNITATIS ITER:  
 QVOD ESTIS, FVI: QVOD SVM, ERITIS;  
 QVIS SCIT, AN CRAS, AN HODIE,  
 AN HAC IPSA FORSAN HORA.

*Memores estote iudicij mei, sic enim  
 erit & vestrum.*

○ HOMO BULLA, QVAM BREVIS HÆC VITA!  
 QVAM LONGA ÆTERNITAS!  
 VERE MOMENTVM, VNDE  
 PENDET ÆTERNITAS;

Æternitas GLORIA & POENÆ:

*Ad illam VIRTVS ducit;*

*Ad hanc VOLVPTAS.*

ELIGE, SEMEL PERIISSE,  
 ÆTERNVM EST.

HOC POSTREMVM TE ALLOQVOR:

Desiderans te habere consortem mecum in Terra  
 Viuentium, vnâ cum CHRISTO IESV,

In quo solo SALVS est & VITA Mortalium.

ILLI ô VIATOR VIVE, ILLI MORERE  
 ET ÆTERNVM VIVES.

Ante mortem MORI vitij, mors est optima.

*Beati mortui, qui in Domino moriuntur.*



Dignum profecto Epitaphium, quod marmori incisum aureis literis inscribatur, & in latere templi, quod sepulcrum respicit, erectum, incurrat in oculos qui templum ingrediuntur, idque ut DD. Executores testamenti faciundum curent, multi eos obtestantur. Dignissimus eo honore Iacobus est, ut vel sic mortuus viuos hac cygna sua Paranesi non desinat memores salutis & nouissimorum reddere.

Vtinam verò beneuolus Lector ex hoc statuatur, si non omni hebdomada, saltem in mense vel anno semel accuratè non legere tantum hoc Epitaphium: sed pietatis consideratione trutinare, præsertim circa diem natalem suum: tunc etiam consultum est testamentum, siue condere, siue conditum renouare, corrigere, perficere: pia legata decernere: nec sibi sequentem annum totum polliceri. Sic non imparatus ex hac vita quis euocabitur, qui sibi quotannis semel saltem mori didicit, omnibus ad mortem rectè comparatis.

Nouit solertissimus animarum venator diabolus, quàm certa sit euasio laqueo-

queor  
morta  
men  
lapid  
ciar  
deu  
quea  
Has v  
cobo  
Soda  
cis pr  
ribus  
nator  
Cleri  
& sol  
merc  
pace  
Ada  
re



queorum & retium, (quæ ubique tendit  
 mortalibus) per crebram nouissimorum  
 memoriam: quare nullum non mouet  
 lapidem, vt opum, honorum & deli-  
 ciarum inescatos mortales cupiditate, sic  
 deuinciat, vt irretiti præsentibus ne-  
 queant sursum ad cœlestia subuolare.  
 Has vt pedicas declinemus, addam à Ia-  
 cobo nostro spiritualement venationem in  
 Sodalitate Ecclesiastico-Mariana Cleri-  
 cis propositam, qua viuus depingit colo-  
 ribus è sacris litteris petitis ingenium ve-  
 natoris Diaboli: multiplices eius laqueos  
 Clericis intentatos: Christi verò curam  
 & sollicitudinem vt beneficiorum innu-  
 merorum largitione, cœlestibus solatijs,  
 pace, gaudioque bonæ conscientie veris  
 Adæ funiculis sic animas obliget, vt nulla  
 rei creatæ cupiditas possit à Christi  
 charitate separe.

\* \*  
 \*

I 3

ORA-



## ORATIO PARÆNETICA

Habita à R. D.

IACOBO MERLO-HORSTIO

AD SODALES ECCLESIASTICOS

Ann: 1628. in Profesto S. HYPERTI,

&amp; die Commemorati. omnium

Fidelium Defunct.

## T H E M A.

*Dicet Dominus, Susceptor meus es tu, & refu-  
gium meum, Deus meus, sperabo in eum:*

*Quoniam ipse liberauit me de laqueo venan-  
tium, & à verbo aspero. Psal. 90.*

## P A R S I.

*De Venatore Diabolo, eiusq; venatione.*

*Adm. R<sup>di</sup>, Eximij, Clarissimi, & Vene-  
rabiles Domini Sodales Parthenij.*



*Um demandata mihi esset paucis  
ante diebus à R. P. nostro Sodal.  
Præsde hoc die & hoc loco dicen-  
di provincia, primùm dispicere  
mecum cæpi, casu an consilio hic  
ipse dies mihi ad dicendum obligasset, ut qui  
ipsum*



ipsus ad hoc munus me iure propè quodam in-  
 uitare ac impellere viderem: Siue enim atten-  
 derem primum Ecclesia institutum, quo nobis  
 hoc die Fidelium Animarum memoriam pro-  
 ponit, amplum & perutile dicendi argumen-  
 tum suggeri mihi videbam, vt de hoc Ecclesia. <sup>Ecclesiæ</sup>  
 sticorum officio ad animarum refrigerium pie <sup>sticorum</sup>  
 ac fideliter exsequendo in hoc confesso verba fa- <sup>officium.</sup>  
 cerem, quippe qui ex Ecclesia ordinatione &  
 pia fidelium liberalitate ad hoc munus singula-  
 riter vocari ac destinari videmur, vt animabus <sup>iuuare ad</sup>  
 fidelium defunctorum quæ sacrificijs, quæ pre- <sup>nimas in</sup>  
 cibus opem ac suffragia præstemus: Siue hunc <sup>purgato-</sup>  
 diem considerem, quatenus peracto iam Vespè- <sup>rio.</sup>  
 rarum officio festiuam S. Huperti memoriam <sup>Festum S.</sup>  
 recolit, præclaram quoque mihi videbam dari <sup>Huberti</sup>  
 dicendi materiam. Quidni? Hupertus illustris <sup>Venatoris</sup>  
 ille quondam in seculo Princeps & venator, sed  
 longè postmodum illustrior in Ecclesia Sacerdos  
 & Pontifex tot tamq; præclaris fulget virtu-  
 tum insignibus, vt meritò Sacerdotibus velut  
 exemplum ac speculum virtutis ac pietatis pro-  
 poni debeat. Quod ergo dicendi argumentum  
 capiam? Prius hoc loco hætenus sat luculenter  
 tractari audiuius, & doctissimâ pariter &  
 pûssimâ mysterium missæ explicatione ad deuo-  
 tam sancti sacrificij pro viujs & defunctis ob-



lationem instruimur & quasi manu ducimur. Itaque posterius mihi reſeruari video, idq; ego volens pro gloria & honore tanti Antiftitis, quem vtpote Patronum & tutelarem Eccleſiæ meæ iure veneror, quin & pro amore veſtri. Sodales Eccleſiaſtici, non inuitus arripiam, & Inuitat ad ſpiri- & Huperto duci ſacram quandam ſeu ſpiri-  
tualē ve- tualē venationem inſtituam. Neminem offen-  
nationem tas, aut potius excitabit vtilitas: Oſtendam e-  
inſtitu- nim quantum noſtra interſit, Venatores huius  
endam. mundi eorūq; mores ac ſtudia probe noſſe, & veram nobiſq; dignam venandi artē intelli-  
gere.

## I.

Cogitanti mihi, quid ſit hic mundus, in quo  
Mundus velut exules & peregrini à cœleſti patria degi-  
deſertū eſt mus, videtur recte vaſtum quoddam deſertum  
ac horridam ſyluam poſſe appellari, in qua o-  
mnis generis fera ac beſtiæ immane vagantur.  
Hoc porro deſertum ſuos quoque venatores ha-  
beret: eorum duo ſunt, Deus & Diabolus, vterque  
animas, ſed artibus ſtudiſq; multum diſparibus  
venatur: hic charitate, ille odio omni ac crude-  
litate ad venandum agitur: Hinc malignus Dæ-  
mon Princeps mundi huius ab ipſo Chriſto  
vocatur, & Chriſtus orbis reparator ac domi-  
nus, conditor ac moderator nominatur: hi am-  
bo

Duo mun-  
di vena-  
tores.



bo sunt primarij seu principes, qui venandi sibi  
ius in hoc mundi deserto, quamvis non pari iure  
vendicant. Ambo suos quoque vicarios, & velut  
subordinatos ministros habent, quorum opera  
& ministerio suas exercent venationes.

Et quidem Diabolum venatorem dici, quis  
miretur? Princeps quippe, vt dixi, mundi  
dicitur: Principibus vero ius venandi competit.  
Et si artes & studia venatorum attendere libet,  
merito venatorem dici apparebit. Quid enim?  
aspicite venatores, quo studio ac labore innocuis  
pariter ac nocuis animalibus parent insidias,  
disponunt laqueos, retia tendunt, foveas oscul-  
te preparant, per saltus, arbusa, dumeta, ac  
inuia quaque pergunt, vt bestiolam aliquam  
in suam potestatem redigant, ac miseram dein-  
de mactent, aut tractent ad libitum; & quam-  
uis plerumque frustrentur spe sua, inanes lasciq;  
ac male pasti domum remeant, non ideo vena-  
tionem valere iubent, velut fracti laboribus  
aut fatigati sumptibus; quin potius noua sem-  
per ad venandum spe, noua alacritate, nouo de-  
siderio rapiuntur. Semper illis aliquid crasti-  
na promittit dies, quod hodierna negauit.  
Hac mecum perpendite, & an non hac, re ipsa  
maligni venatoris studia ac mores adumbrent,  
vos ipsi cogitate.

II.  
Diabolus  
venator.



Non e totus infaciendis laqueis, struendis insidijs & hominibus capiendis occupatur; vix vt credi possit, quanto desiderio teneatur capiendi animas, quàm indefatigabili labore eiusmodi venationem incumbat? Sed audite

1. Pet. 5.

Apostolum id luculentius exprimentem. Fratres, sobrii estote, ac vigilate; quia aduersarius vester Diabolus tamquam Leo rugiens circuit, quærens quem deuoret. Fingite vobis Leonem dierum aliquot inediâ laborantem, & quæ ille rabie obuiam fortè prædam insequitur, rapit, lacerat, & in viscera condit, eadem & longè maiore crudelitate Diabolum animas persequi & perdere velut in typo cogitate: vt non possit commodius venatoris illius ardor & rabies, quàm titulo leonis rugientis exprimi.

Quid mirum? ingens superbia illi magnam præbet audaciam: odium verò ingens humanum eius crudelitatem acuit, naturalis astutia ac intellectus subtilitas auget vires, ac tot annorum experientia fiduciam illi vincendi ac venandi feliciter præstat: vnde & vni huius operi velut trahente voluptate peruigil, ac infatigabilis insistit, cibi, somni, alteriusve negotij curâ, utpote corporis expers, non tangitur, quo minus dies noctesq. venationi suæ vacet.

Quis



Quis tam callidi ac truculenti venatoris ex-  
positus insidijs non metuat? quis non horreat? Crudeles  
quis de salutis praesidijs non cogitet? Sanè vt ad  
salutare in metum ac sollicitudinem nos exci-  
taret Apostolus, graphicè huius venatoris vafri-  
tatem ac potentiam describit: Induite ergo Ephes. 6.  
vos, inquit, armaturam Dei, vt possitis  
stare aduersus insidias Diaboli; non enim  
est nobis colluctatio aduersus carnem &  
sanguinem, sed aduersus Principes ac Po-  
tates, aduersus mundi rectores, tenebra-  
rum harum, aduersus spiritualia nequitiae  
in coelestibus. O quam multa his verbis indi-  
cantur, quae hos venatores potentes admodum  
ac crudeles nobisq; formidabiles faciunt, ad-  
uersus quos tamen nobis ipsis fragili carne cir-  
cumdati est depugnandum.

Quamobrem hic infernalis venator ijs pas-  
sim titulis & nominibus in S. Script. describi-  
tur, quae non nisi metum ac horrorem spirant: *Horribilis*  
veluti sunt, Draco, Serpens, Aspis, Basiliscus, ac  
similia. Dominus ipse apud Iob horribilem Da-  
emonis formam depingit. De ore, inquit, eius  
lampades ignis procedunt, sicut tæda i-  
gnis accensa, de naribus eius procedit fu-  
mus, sicut ollae succensae & feruentis: ha-  
litus eius prunas ardere facit, ac flamma



de ore eius egreditur. Deinde subdit: Non est potestas super terram, quæ comparetur ei; qui factus est, vt nullum timeat: omne sublime videt, ac ipse est Rex super omnes filios superbiæ. Merito ergo clamat

*Apoc. 12.* Angelus in Apocalypsi: Væ terræ ac mari, quia descendit Diabolus ad vos, habens iram magnam. Sed quorsum hæc? nimirum vt cognitâ hostis nostri & infernalis venatoris potentia, serio cogitemus, qualibus presidij, quàm sollicitè nos aduersus tantam rabiem muniri oporteat.

Nouerat hæc vtrique S. Propheta Dauid, ac hinc merito Deum, velut salutis & libertatis suæ vindicem, quasi exultans præ gaudio, gratâ mente & deuota prædicat, dicens: Quia ipse liberauit me de laqueo venantium.

*V.* Vt ergo id ipsum & nos melius cognoscamus,

*Quos il-* pergamus vltcrius, & videamus, quas qualesve  
*laqueas* ferat hic potens & ferus venator artibus la-  
*re tenet.* queisq; suis impetere audeat: nimirum esca-

*Electos.*

*Iobum.*

tam potentis venatoris & Principis mundi huius non est, teste Iob, vulgaris & vilis, sed Electa, vnde piissimos & sanctissimos quosque aggreditur. Ecce Iob virum illum innocentem & vel ipsum Dei testimonio rectum ac timen-

tem DEUM, attamen quot artibus insidijsq;

trucu-  
Ele  
aer su  
incen  
venat  
illum  
priden  
tium

An  
quan  
ria te  
Chri  
boli fi  
inqui  
vnus  
Ea d  
V

ferro  
abeat  
ritu,  
omne  
Ange  
gem  
audi  
rare  
& v  
suos,



truculentus ille venator eum exagitat? Sic vas  
 Electionis Paulum vehementer impetijt, ad- S. Pauli.  
 uersus quem angelum Sathana, id est. scelerum  
 incentorem destinavit, qui eum continenter  
 vexaret; tanta enim eius erat superbia, ut ne  
 illum quidem desperaret posse capi, qui iam  
 pridem aërijs potestatibus sublimior in ter-  
 rium cælum conscendisset.

Antonium quoque inuictum illum Athletam S. Antoni.  
 quam acriter preßit, quot illi laqueos, quot re-  
 ria terendit, ac quamvis diuino fultus robore  
 Christi pugil ex acri quodam certamine Dia-  
 boli fraudes fortiter elusisset; non tamen, ut  
 inquit Athan. Antonio securitatem vincendi  
 vnus dedit triumphus, nec Diaboli semel fra-  
 ctæ defecere vires.

Verum audite ac obstupeſcite, qualem in de-Christum  
 fertor prædam truculentus ille venator capturus Iesum.  
 abeat: Ductus est Iesus in desertum à Spi-  
 ritu, ut tentaretur à Diabolo, nempe hoc  
 omnem superat admirationem, quod ipsum  
 Angelorum Dominum, ipsum cæli terræq; Re-  
 gem, quem cælesti testimonio Filium Dei esse  
 audierat, laqueis suis irretiri posse non despe-  
 rarer. Viderat aliquoties hanc feram robore  
 viribus præporentem disrumpere laqueos  
 suos, non cessat tamen, sed nouas illi fraudes,



Leo Papa.

nouam audaciam insita nocendi libido suggerbat : tantum scilicet de natura nostrae mutabilitate sibi promiserat , vt quem verum experiebatur hominem , præsumeret fieri posse peccatorem.

Quod si ita est , quis nostram huius tam audacis ac callidi venatoris artes non metuat , qui tam impares congregimur Achilli ? qua non confidentia vermiculos ac velut locustas aggreditur . qui Dominum Maiestatis tentare ausus est ? Hac quotidie legimus , audimus & scimus , & tamen non desunt , qui ducunt in bonis dies suos , qui otio & ignavia disfluunt , viuunt secure & splendide , carnis delicias & oblectamenta quarunt , seculi mores & luxum sectantur ? quid est hoc aliud , quam hostem & venatorem tam potentem ad arma lacessere , immò quid aliud , quam ipsi laqueos & arma in nostrammet perniciem ministrare ?

VI.

Qualibus  
laqueis  
utatur.

Eocl. 9.

Quod quidem vt tanto maiori cura & sollicitudine fugiamus , non erit abs re , si , qualibus laqueis crudelis ille venator utatur , dispiciamus , quis verò laqueos illos enumerabit ? tanta illorum multitudo est , vt Ecclesiasticus dicat nos in medio laqueorum ingredi , Propheta Regius eos pluuiæ ex aëre in terram cadenti comparet , cuius gutta omnem numerum excedunt : Pluet,

iij-



inquit, super peccatores laqueos. In via *Psal. 142*  
 hac qua ambulabā, absconderunt superbi  
 laqueum mihi. Beatum sanè Antonium ferunt  
 quadam vice aërem laqueis vndiq; plenum vi-  
 disse, ac ille quidem inusitatum miratus specta-  
 culū intellexit, laqueos esse venatoris infernalis,  
 tot inquam fraudes, tot artes ac machinas, qui-  
 bus nos Daemon secum trahere nititur in perdi-  
 tionem. Verè quocunq; nos vertimus, laquei sese *Oia plena*  
 ingerunt; quid enim sunt tot occasiones mali, *laqueis.*  
 tot conuersationes periculose, tot colloquia pra-  
 ua, tot peccandi pericula, nisi laquei Daemonis?  
 quos ille vigilantibus & dormientibus, edentibus  
 & bibentibus, loquentibus ac tacentibus tendit?  
 Mira est, attamē vera Sapientis sentētia: Crea- *Sap. 14.*  
 turę Dei, inquit, in odium factę sunt, & in  
 tentationem animabus hominum, & in  
 muscipulam pedibus insipientium: vel vō  
 Græcus habet textus, εἰς πᾶσι δα, i. in laqueum  
 defixū. Indicatur his verbis, inquit Loricinus, scri-  
 bens in hęc locum, Demones tanquā venatores  
 laqueos ac tendiculas ponere, quibus incautos  
 improuidosq; capiant, creaturarum dulcedine  
 illiciendo. Rectē quidem, non n. noxię sunt hōi  
 creaturę, conditione naturę suę, aut voluntate  
 Conditoris, sed malitiā & inuidiā Daemonis, quę  
 diuina benefici i dolo inuidiæ suę in animarum  
 nostrarum veneficia conuertit.



**VII.** Triplici quidem ordine bona distingue, alia  
*Triplicia bona.* bona natura, alia bona fortuna, alia bona gra-  
 tia; quæ omnia in nos tam liberali manu ef-  
 fundit diuina bonitas, ut his in laudem Authoris  
 & donatoris tam benefici vreremur, sed pro  
 dolor his ipsis sæpius ad iniuriam & contume-  
 liam tanti benefactoris abutimur. Quam mul-  
*Natura.* tis natura bona, velut ingenij acumen, iudicij  
 vigor, memoriæ firmitas, lingua facundia, cor-  
 poris decor, & virium robur, vite longauitas  
 fuerunt occasio ruinae, laqueus perditionis?

**VIII.** Fortuna quoque bona, id est, diuitias & opes  
*Fortuna.* huius sæculi, inter diaboli laqueos accenso;  
*1. Tim. 6.* imò non ego, sed Apostolus: Ecce qui volunt  
 diuites fieri, incidunt in tentationem &  
 in laqueum Diaboli, ac desideria multa  
*Opes.* inutilia ac nocua, quæ mergunt homi-  
 nem in perditionem; radix enim omnium  
 malorum est cupiditas. Quid apertius?  
 Multos sanè, teste Sapiente, perdidit au-  
 rum & argentum, multi dati sunt in auro  
 casus, à minimo enim vsque ad maximum  
 omnes auaritiæ student, Isaia teste. Hoc la-  
 queo Iudam cepit, qui lucro ex prodicione Ma-  
 gistri acquisito malè gaudens laqueo sese sus-  
 pendit, & Diaboli præda factus est. Hoc laqueo  
 cepit Simonem Magum, qui, quod gratis dari  
 aut



aut accipi debebat, pecuniâ possidere tentauit. Verè beatus vir, qui inuentus est sine macula, & qui post aurum non abiit, nec sperauit in thesauris pecuniæ; sed quis est hic, & laudabimus eum?

Sed & Honores & dignitates huius sæculi, IX.  
d'quàm multis laquei mortis & perditionis & Honores.  
terna fuerunt! Sicut perdidit, inquit Eccles.  
inducitur in caueam, & vt caprea in laqueum, sic & cor superborum. Hinc Apostolus diligenter monet Timotheum, ne ad Episcopatum prouehat Neophytum, ne in superbiam, inquit, elatus, in iudicium, in opprobrium, ac in laqueum incidat Diaboli. Hoc laqueo ipse Damon captus est, & hinc vim eius intelligens, libenter hoc laqueo utitur, vt quo scit homines velut honoris & eminentiæ cupidos facillè capi posse, & in eundem interitum trahi, nec sanè dubitauit Christum ipsum hoc laqueo & hac esca tentare. propositâ enim ante oculos mundi gloriâ, cunctisq; eius opibus & regnis: Hæc, inquit, omnia tibi dabo, si cadens adoraueris me. O quot feras, quot (inquam) animas duobus hisce laqueis honorum & opum infernalis venator capit, quàm feliciter illi cedit his duobus laqueis instituta venatio? quàm multos trahit ad infe-



ros: immò homines ipsi, vt se verè bestias, id est, insipientes ostendant, gaudent his laqueis irriti: dolent expediti, & quod miserius est, certatim currunt ad laqueos, & inuident captis, qui capi non potuerunt.

X.  
Gratia  
bona.

Iam verò & ipsa gratia bona hominis agente id demonis malitiâ, in laqueum conuerti quis crederet? id tamen non rarò contingit, si enims videat malignus venator, se non posse à bonorum operum studio piorum mentes auocare, ipsius operis intentionem, à qua potissimum eius integritas pender, corrumpere nititur, quod si ne hoc quidem assequitur, superbia & arrogantia laqueos inicit, vt homo sibi complacet, ac praëminentia & sanctitatis opinione blandiri incipiat: nam cum alia vitia vitijs nutriantur, superbia eiusq; filia ambitio, & inanis gloria virtutibus ipsis pascitur & insolescit, cum solis virtutibus laudem & gloriam deberi intelligat, hinc fit non rarò, vt qui longo tempore fideliter Deo seruientes, & virtutum opera non segniter exercentes omnia iam propemodum pericula euasisse videbantur, in hunc quasi postremum Diaboli laqueum incauti & imprudenter impingant. Verùm breuius hæc persequor quàm fuerat instituti ratio, prolixius quàm patiatur temporis angustia: itaq; modum venandi illius maligni venatoris paucis ostendamus.



Et quidem illius venandi modum pulchrè describit Gregorius: Priùs. inquit cõplexionem vniuscuiusq; aduersarius noster perspicit, ac tum tentationis laqueos apponit, alius namque lætis, alius tristibus, alius timidis, alius elatis moribus existit, quo ergo aduersarius occultius eos facillè capiat, vicinascõplexionibus deceptiones parat. Quæ admodũ n. aucupes varijs escis vtũtur pro varia auiũ natura, quas illaqueare cupiunt, ita callidus hostis, diuersis malorum irritamētis ad illaqueandas animas pro varijs hominum ingenijs vt i solet, eos n. homines qui more pecudũ viuũt, vilissimis carnis voluptatib. ad quas pecudũ more rapiuntur, inuitat; alios verò carni minùs deditos pecunie desiderio inflamat, generosiores verò, qui pecuniã neglectã gloriã student, ac populari magis auxiliũ pascuntur, ambitionis ac superbie laqueo inuadit: ceterũ pios homines & virtutis amantes frequẽter sub imagine virtutis incautos decipit: facillè enim h̃s est huius venatoris laqueos agnoscere, cum detectã facie ad manifesta crimina impellit, at cũ specie virtutis ostẽtat, facillè virtutis amãtes illaqueat, sic & venatores, vt facillẽs certas quasdam feras capiant, ceruorum sibi terga obuoluunt, aut viridi veste, aut plumatis tuniculis amiciuntur:



an non similiratione Princeps ille tenebrarum sapius transfigurat se in Angelum lucis, non nisi virtutis ac honesti speciem præseferens, vt simpliciores & improuidos hac arte trahat in laqueum & perditionem?

XII. *Quæ cum ita sint, & tam immanis ac potentis venatoris insidijs exposita sit vita nostra, qui nos tot laqueis, ac tanta calliditate dies noctesq; persequitur: an ne hic locus aut tempus est dormiendi, ridendi, iocandi & lasciuiendi, an non potius vigilandi, & totis viribus vocibusq; clamandi ad Dominum: Heu mihi, quia incolatus meus prolongatus est, Libera me, Domine, de ore Leonis, ac de cornibus vnicornium humilitatē meam, Custodi me à laqueo, quem statuerunt mihi, & à scandalis operantium iniquitatem, Ps. 140. Verè ille felix ac beatus dici meretur, cui cum Propheta dicere concessum est: Anima nostra sicut passer erepta est de laqueo venantium; laqueus contritus est, & nos liberati sumus.*

XIII. *Potuit id quidem sanctus Antistes noster Hubertus Episcopus S. pertus iure merito dicere, utpote qui sese opere diuinæ gratiæ ab omnibus his laqueis feliciter expediuit: Mox enim, vt desertis gentilitatis erroribus Christo nomen dedit, illustrem sæculi prin-*



Principatum & mundi gloriam contempsit, opes & bona pauperibus distribuit, ne ullis inimici teneretur laqueis, quo minus Christum sequeretur, & Deo vacaret. Itaque cum Romam pietatis ergo viseret, & Sergius Pontifex Rom. intellecto Lamberti decessu, dignum tanto Prasule in Tungrensi Cathedra successorem quaereret, Hupertus diuino iudicio tanti honoris apice dignus est proditus, quem ille tamen constanter planè recusans, postmodum tamen inuitus & quasi coactus accepit.

In hoc verò vitæ genere totum se Deo & proximorum salutis dedit, ieiunijs vigilijs, orationibus instantissimè incumbens, docendo, visitando, nulli vnquam labori pepercit, & qui antea in sæculo feras venari solebat, iam venator hominum factus, studio Religionis ac amoris Dei succensus, longè ardentius feras venatur Christo mactandas, id est, Brabantos iam tum Idololatræ efferatis moribus viuendi ratione parum bestiis dissimiles, Christiana religione, charitate & mansuetudine imbuat, & quidem vt diaboli laqueos declinare oporteat, tum doctrina monitis, tum vitæ suæ exemplis ostendit.

O præclara, Deoq; chara, & nobis, ô Ecclesiastici, digna venatio! alia quæ feras in campis ac syluis persequitur, Conciliorum & Canonum

XIV.

Venatio  
honestæ  
ac licitæ  
Clericis  
de qua.



16. cap.

decretis, Clericis prohibita est, vt videre licet apud Gratianum, cap. Quorundam, dist. 34. in Concil. Aurelian. decretali, cap. Episcoporum, in Concil. Vien. & habetur in Clement. de statu Monach. denique in Concil. Trident. Sess. 24. de Reformat. Eadem malè quoque in Scripturis audit. Vnde Hieron. in Psal. 90. Penitus in Scripturis sanctis sanctum venatorem non inuenimus. At hac venatio sancta est, ad quam vos duce Huperto inuito: hac est illa venatio. de qua Dominus apud Ieremiam loquitur: Mittam eis multos venatores, & venabuntur eos, de omni monte, & de omni colle, & de cauernis petrarum, quem locum eleganter ac appositè ad nostrum institutum explicat P. Cornelius à Lap. Mittam eis venatores, id est, viros Ecclesiasticos & Religiosos, qui omnes homines etiam feros, vti Indos, Brasilijs, Peruanos, &c. in montibus & cauernis ferarum instar habitates venantur, vt Christo mansuefaciant: tales olim venatores fuerunt Apostoli, & qui Apostolorum vestigia secuti sunt, Lambertus, Hupertus, Xauerius, aliq, innumerabiles: talium venatorum plena est omnis antiquitas.

XV.

Sed reflectamus oculos, &amp; nostrorum tempo-

rum



rum faciem contemplemur, o quomodo obscuro Temporis  
 ratum est aurum, mutatus est color opti- nostri mi-  
 mus? Dolens gemensq; dico, Sodales Ecclesiasti- seria.  
 ci, qui Legatione pro Christo fungimur,  
 qui feras, id est homines bestiales venari & la-  
 queis maligni venatoris expedire debemus, ipsi  
 laqueis eiusdem tenemur implicati. Recolligite  
 paulisper animo, quos antea descripsi laqueos,  
 & an minus in Clero, quam in populo seuiant,  
 vos ipsi iudicate. Quid de auaritia laqueis di-  
 cam? quos nominare pudet & piget quid de  
 ambitione, id est, de effrangi illo captandi hono-  
 res, praelaturas & dignitates studio loquar?  
 quam pingues hoc vno laqueo pradas in Clero  
 capit crudelis ille venator?

Olim quidem sanctissimi viri & doctoribus omni- XVI.  
 bus ad regendum idoneis, ornatissimi ad Ecclesia Sancti vi-  
 primatum & ad sacras dignitates timide venie- ri olim ho-  
 bant, anxij, inno & inuiti trahebantur, nunc vi- nores fu-  
 deas permultos, qui cupide inuolent, & qui inui- giebant.  
 tas (vt ita dicā) Ecclesias omni ad se cura ac con-  
 tentione trahere non dubitent. Ecce Episcoporu  
 illud lumen S. August. Adeo, inquit, timebam  
 Epātū, vt qm cœperat esse iā alicuius mo-  
 menti inter seruos Dei fama mea, in quo  
 loco sciebā nō esse Epū, nō illo accederē;  
 cauebā aut hoc, & agebā quantū poteram,



ut in loco saluaret humili, & non in alto  
periclitaretur.

D. Gregorius quas non quasiuit latebras,  
quid non fecit, ut summi Pontificatus apicem  
fugeret? & nisi fulgentis de cœlo columna in-  
dicio deprehensus fuisset, nunquam ad illam se-  
dem peruenisset. Mitto S. Ambrosium, S. Mar-  
tinum, S. Hupertum, aliosq; innumeros, tam  
studiosè ac sollicitè præfecturas & curas Eccle-  
siae fugientes, quàm nunc auidè à multis qua-  
runtur.

*Et illi quidem, etsi diuino nutu vnus tan-  
tùm Ecclesiae, vnus Episcopatus curam suscipe-  
rent, gemebant, tremebant, querentes, quòd  
impares tanto oneri ac curarum moli humeros  
submitterent, imò si quando secum tantum  
nerus difficultatem ac pericula perpenderent,  
velut subito horrore ac stupore tenebantur ar-  
toniti; illi, inquam, qui orationi instantes e-  
rant, quibus hoc vnice propositum erat, aut  
cum Deo, aut de Deo loqui, docebant, scribe-  
bant, predicabant, vigilabant pro salute popu-  
li, & pro commissi sibi gregis custodia se totos  
& omnia lubentes impendebant. Nunc verò  
curritur ad Ecclesiasticas Curas, tanquam sine  
curis iam quisque victurus sit, cum ad Curas  
peruenerit. Videmus enim nunc passim multos,*  
non



non vnius tantum, sed plurium Ecclesiarum Cura grauari, & interim tamen in magna securitate viuere, otuari, ludere, stertere, venari feras, non animas, & congerendis studere diuitijs, nec vllam tam formidandi muneris sentire difficultatem, non angipericulo, nec vllò reddendæ tandem rationis metu turbari. Liberè, sed verè S. Bernardus, scribens ad Eugenium, loquitur: Altiozem fortitus es locum, sed non tutiorem. Terribilis prorsus, terribilis est locus iste, vbi sedet potiùs egregius Magister, qui docuit terrena calcare, qui excussit manus suas ab omni munere, qui dicebat de corde puro, ac conscientia bona: Argentum & aurum non est mihi.

Optandus esset hoc saculo in multis Bernar- XVII.  
<sup>voluntate canone</sup>  
 di zelus ac parrhesia, seu loquendi libertas: nam Monendi habentibus omnia, sepe deest, qui veritatem di-  
 cat: sed an verum dicere ac docere nefas erit? <sup>opus.</sup> libertate  
 Erit sanè, si mores saculi ac hominum iudicia spectes. Dicat tamen liberè & intrepidè, quisquis Dei fauore contentus pro amore & honore veritatis inuidiam contempsit; dicat, inquam, & in vitia, non in homines aculeum figens:  
 Væ qui coniungitis domum ad domum, Contra  
 & agrum agro copulatis. Qua enim con- ambien-  
 scientia Vos Curas Curis, Ecclesias Ecclesijs, tes plura  
 beneficia.



beneficia beneficij cumulat? Vos qui pauperis Christi Ministros vos esse dicitis, eiusq; patrimonio vivitis, qui & habentes victu & amicu contenti esse iubemini? vos qui statum profitemini, cuius honor & integritas mundi opusq; contemptu & celestium bonorum desiderio potissimu constat? an vnius forsitan Ecclesie, ac paucorum animarum cura non sit periculosam apud supremu tribunal causam vestra non faciet? Verè p multa beneficia itur ad multa supplicia, sed hic mentitur iniquitas sibi, ac auctori- tatis dignitatisq; prætextu splendidius lautiusq; vitæ genus sibi licere persuadet. Veru & exter- rum splendorem. erratis, o Ecclesiastici, qui externarum rerum apparatu ac populi auctoritate quaritis: Hæc est prudentia filiorum huius seculi, Regum ac Principum terra, dignitatis titulo vestiri, mollibus indui & purpura ac bysso; epulari quotidie splendide, magnos post se trahere famulantium greges, diuitias ac gloriam suam ostentare; at verò filiorum Ecclesie, cuius gloria ab intus est, id est, Ecclesiasticorum, qui selecti de populo longè alias viuendi leges profitentur, est, non hic conformari huic seculo nequam. Illorum est modestè se gerere, ac dignitatem suam charitate, zelo, prudentia, pietate, modestia, ceterisq; virtutibus magis, quàm externo splendore

internus  
st ornatus  
ecclesie.

dore t  
Chri  
moris  
gnific  
dore  
concil  
tur, q  
gnitat  
Ma  
sacra  
vita  
Quar  
debet.  
ac An  
norat  
gibus  
rori  
quid  
quid  
rico,  
ritate  
nimir  
lis ver  
bus g  
tas  
mni  
nihil



ore tueri. Hac humilitatis Euangelica, ac Christiana moderationis professione plus sibi amoris & honoris apud homines, quàm magnifico famulatio, aut regia mensæ splendore, aut vestitu vario ac luxurioso sibi conciliarent, nimis enim fragili fulcro nituntur, qui rebus tam inanibus Hierarchicam dignitatem fulciri putant.

Maioribus utique ac dignioribus presidjjs sacra illa Ecclesiæ Maieslas, id est, fide, ac vite meritis, ut inquit Canon Concilij Quarii Carthaginensis Africani, stabiliri debet. Respicite priscos illos Ecclesiæ Patres ac Antistites summis infimisq; gratos ac honoratos, quorum scilicet auctoritas ipsis Regibus & Imperatoribus admirationi & terrori Imperatoribus rori fuit. Quid S. Ambrosium Theodosio, quid Augustinum Gratiano & Valentiniano, quid Annonem Colonensem Antistitem Heriberto, quid Heribertum Ottoni tanta auctoritate venerandos ac formidandos reddidit: nimirum illos virtus orbi suspiciendos ac Augustinus. S. August. S. Anno. S. Heribertus. lris venerandos fecit, frugalis vita Principibus gratos & amabiles, ipsa Christi humilitas in eorum moribus clarè resplendens omnibus fecit honorandos, ac exosculandos, nihil frugalitas gloriæ detraxit; nihil ho-



nori modestia, nihil simplicitas Auctori-  
tati derogavit: quæ quidem dignitatis tu-  
ende ratio, si multis hoc tempore magis cor-  
di esset, facesseret mox exitialis illa honorum  
ambitio, ac opum furiosa cupido concideret,  
exularet zelus ac contentio, coniungerentur o-  
mnes in vinculo pacis ac charitatis, & contritis  
inimici venatoris laqueis, ad sacra & cœlestis  
venationis studia alacrius & expeditius perge-  
retur.

*Votum S. Bernardi* Quis mihi det, vt verbis Bernardi loquar,  
votum meum exprimere? quis mihi det,  
antequam moriar, videre Ecclesiam Dei,  
sicut in diebus antiquis? quando Aposto-  
li laxabant in capturam non argenti, vel  
auri; sed in capturam animarum? Quan-  
do Pastores Ecclesiæ pascebant non se-  
metipsos, aut canes, & equos: sed oues  
Christi assidua sollicitudine curabant: ni-  
hil vanitati, nihil mimis, ludis ac nugis im-  
pendebant; sed velut Ecclesiæ fideles Oe-  
conomi, imò patres pauperum, quidquid  
supererat frugali & hospitali alimonix, id  
omne pauperibus liberaliter erogabant:  
Mitto exempla sacra, vnum laudabile omnino,  
ac imitabile Amedei Ducis Sabaudia, non pos-  
sum, quin memorem: Ipse, teste Munstero, ex-  
ternis



ternis Oratoribus canes ipsius venaticos videre  
 poscentibus, mendicos totius vrbs produci ius-  
 sit, dicens: Hi sunt canes mei venatici, quos  
 quotidie alo, ac quibus me cœlum vena-  
 turum confido. Verè cœlo dignus venator.  
 Remanent in sæculo cuncta, quæ sunt sæculi, pauperes.  
 sola misericordia comes est defunctorum. Nec  
 memini, inquit, ni fallor, Hieron. mala morte  
 obijisse, qui libenter opera misericordie exer-  
 cuit: sed quàm amarum aliquando est nonnul-  
 lis accepisse panem filiorum, & misisse ca-  
 nibus, quàm triste ac lugendum pauisse canes,  
 equos, accipitres, quibus Dominus oues suas  
 pascendas commiserat, dicens: Pasce oues  
 meas, ipsi verò pauerint semetipsos, & canes  
 maiori cura & sollicitudine, quàm oues Christi  
 sanguine redemptas.

Ducis A-  
 medei ca-  
 nes vena-  
 tici erant

Temporum iniquitate iam diu premimur,  
 sed magna nobis affulget spes meliorum:  
 confidimus tranquilliorē breui fore Eccle-  
 sie & Imperij statum: putamus mox con-  
 flandos gladios in vomeres, ac lanceas in fal-  
 ces conuertendas: O vtinam spem prouehat, ac  
 votis annuat Arbiter Mundi DEVS: sed spem pro pace  
 illam vehementer labefactat, adeo neglectus  
 in Clero præsens, pietatis vigor & Canonum  
 rigor: Seruentur Canones, & cessabunt

obtinēda.



Hæreses, aiebat Adrianus VI. Pontifex: sed & cessantibus hæresibus quid interest fidei an morum corruptela homines ad interitum trahat?

Opus Cle-  
ræ refo-  
rmatione.

quid ergo? viuat Clerus, & qui in Clero præ- sunt, Apostolicè, iuxta Canonam & Conci- liorum statuta mores vitamq; componant: militent Deo, nec se implicant negotijs sacu- laribus: sint irreprehensibiles, sobrii, casti, nec turpis lucri cupidi, Exemplum sint Fi- delium in verbo & in opere, tunc demum redibunt aurea & diu expectata secula: tunc pietas ac prisca fides reddita iuuentute & re- sumptis latertis efflorescet. Alias vereor, ne inani nos spe solemur, & frustra meliora spere- mus tempora, si in melius nostri non mutantur mores: an fallor, pro meritis ac moribus homi- num Deus vt beneficia sic & supplicia dispensat.

Sequitur  
populi  
conuersio

Iam verò morum corruptio sic & correctio vt plurimum à Clero pender: est enim sicut Sacer- dos ita & populus: ergo pii, probi & ca- sti sint in Clero mores, integritas presidentium salus est subditorum, vt loquitur Concil. Trid. conemur, vt finem iungamus principio, conemur omnes demonio laqueos protul à nobis repellere, vt dicere nobis liceat cum Propheta: Susceptor meus & refugium meum ac DEVS MEVS, Iperabo in eum, quia ipse liberauit me de laqueo venantium & à verbo aspero.



Restabat altera Pars venationis nostra de Christo venatore simili modo ac methodo expedienda. sed temporum angustia vetat, ad illam itaque vos aliàs inuito, interim conemur nos expedire à laqueis maligni, & tantò facilius capiemur zelo & vinculo charitatis Christi Satuatoris.

## II. PARS ORATIONIS.

De sacra venatione Christi.

**A**D sacram & spiritualement venationē nos nuper festiua dies S. Antistiti Hupertō sacra opportunè vocauerat. Eius Partem priorem pro modulo virium iam pridem absolui-  
mus: Alteram nunc promissi memor expediam.

Quod quidem vt tantò facilius fiat, necesse erit priorem venationis nostræ partem seu potius typum & sciagraphiam quandam paucis in memoriam reuocare. Diximus enim mundum hunc quasi vastum quoddam desertum esse, in eoq; duos potissimum venatores reperiri. Vnus est malignus Demon, qui à Christo Princeps huius mundi vocatur. Alter est Christus mundi redemptor ac Dominus. Ac ille quidem pro vehementi odio in genus humanum, crudeli ac rabiosa fame venatur hominum animas, ac varijs innumerisq; laqueis (velut ca-



ducis terra bonis, opibus, honoribus, voluptatibus, curisq; ac vanitatibus seculi, plurimos hominum fraudulentè capit, secumq; in perditionem trahit.

Christus  
Venator  
animarū

Sed agendum nunc alteram producamus venationem, & illi maligno parallelas opponamus, qui nos liberet de laqueo venantium, & à verbo aspero: Christum, inquam, Salvatorem, qui ad hoc descendit de cælo, ut dissolveret opera Diaboli, & genus humanum, quod iam diu laqueis maligni venatoris captum tenebatur, eriperet, sibiq; in perpetuum sociaret.

Porro quàm rectè ac meritò Christum venatorem nuncupemus, facile agnoscer, quisquis venatorum mores, ingenium ac studia cognoverit. Oportet quippe venatores esse homines laboram patientes, nec otio & ignava quieti deditos, sed duris assuetos. Vt pote quibus frequens cæli inclementia & aëris iniuria perferenda, fames sitiq; & varia incommoda superanda sunt: Pernoctant, inquit Cic. in Tusc. Venatores in niue, in montibus vri se patiuntur. Vnde quibus mollis & delicata viuendi ratio nimium placet, minùs ad venationem censentur idonei. Sed ad hæc omnia sufficit verus amor, id est, vehemens ad venationem affectus & desiderium: Omnia enim vincit amor,



amor, & ipsa sepe difficultas animum ad laborem acuit.

Videmus enim sæpius, quomodo montes & rupes prope inaccessas superent, fossas vallesq; transsiliant, inuia quæque penetrrent. Sic Maximilianum Cæsarem ferunt aliquando tanto ardore feram infecutum, vt curriculo rupem ascenderit, vnde postea nonnisi ab accolis adiutus descendere potuerit.

Videmus alios Principes & Magnates venandi ardore descendere procul à suis sedibus & palatijs, dies aliquot vagari per saltus & nemora, diu noctuq; morari sub loue frigido, vile stratum, victum facilem, & sine arte mensam non respuere, incommoda varia libenter subire; tantum valet amor & ardor venandi.

Sed à venatoribus seculi ad venatorem cœli, id est, Christum Saluatorem transeamus; quanto ille amore, quo desiderio venationem suam, id est, opus salutis nostræ prosecutus est? quanta fuit illa vis amoris, quæ hunc venatorem ex ipsa cœli arce & solio eternæ maiestatis in hoc mundi desertum, & hanc lachrymarum vallem deduxit, vt venaretur animas nostras Diaboli laqueis irretitas? Venit enim quærere & saluum facere, quod perierat.

O quæ hunc venatorem cura sollicitat? quor



se laboribus cruciat? quot itinera conficit? *Vr-*  
*deas* illum modo à Galilea in Iudeam ambula-  
 re, vicso & castella circumire, nusquam sibi  
 parcere, nullam sibi quietem imperare, vndique  
 discurrere, ac feras, id est, animas peccatorum  
 peruefigare.

*Desiderio*  
*earū oīa*  
*perfert.*

O mirum venandi zelum, o ingens deside-  
 rium! rerum omnium Conditor, Solis ac fide-  
 rum fabricator, nostri causā creaturarum in-  
 iurijs obnoxius sit, aestu Solis vritur, frigore con-  
 stringitur, ventis agitur, fame premitur, si-  
 tim patitur, & iterum labore fatigatur. Et  
 ecce, dum vna vice venationis suae munus exse-  
 quitur, & lustratā Iudeā pergit in Galileam,  
 venit ad ciuitatem Samarie, inquit Euangeli-  
 sta, & subdit: Iesus autem fatigatus ex iti-  
 nere sedebat supra fontem sic, & sitiens  
 à Samaritana petit haustum aquae, dicens: Da  
 mihi bibere. Sed quid sibi volunt haec verba,  
 & sacer Euangelista? Sedebat sic, &c. nimirum  
 plura intelligi, quàm exprimas. Sedebat ergo  
 sic, quasi viator & venator lassus, quiescere & sesti-  
 sione, nec non aquae haustu vires refocillare cu-  
 piens. Sedebat sic, quasi homo infirmus & infi-  
 mus aliquis è plebe: Sedebat sic, quasi non esset  
 rerum omnium Dominus, laborantium refe-  
 ctio, esurientium panis, sitientium potus, mise-  
 rorum robur ac fortitudo.

*Sed*



Sed quid mirum? si tam difficilis ac laboriosa  
fuit ista venatio, nec enim obuium & ante oculos  
fuit quod caperet. verum & patienter &  
multo sudore pradam inuestigare debuit. Hoc  
indicat per Ezechiel. Dominus his verbis: Erra- Ezech. 34  
runt greges mei in cunctis montibus, & in  
vniuerso colle excelso, & super omnem fa-  
ciem dispersi sunt greges mei, & non erat  
qui requireret, non erat, inquam, qui re-  
quireret. Errabant scilicet homines varijs ab-  
ducti desiderijs & affectibus, quia per varia bo-  
norum genera, in quibus sublime & excelsum  
aliquia apparebat, tanquam per varios montes  
& colles vagabantur: & dum vndiq; pabula ma-  
lignae fami querunt, longius ab hoc animarum  
venatore & salutis auctore recesserunt. Vnde ut erran-  
tes colligam  
quia tam varius & multiplex erat ferarū error,  
ad quas cœlestis venator è cœlo querendas & ca-  
piendas venerat, nil mirum si tot itineribus, tot  
laboribus, tot incommodis fatigari debuit. an-  
tequam gregem adeo dispersum & errabun-  
dum colligeret. Et tamen videre erat Domi-  
num mira animi alacritate & promptitudi-  
ne ad hæc omnia properare, immò, exulta-  
uit, teste Propheta, vt Gigas ad eurren- sicis ea-  
rū ingens  
dam viam, id est, ad opus salutis nostræ con-  
summandum, ad quod adeo vehemēter anhele-



bat, vt omnis illi mora nimium grauis & molesta videretur. Sanè nimium dilatio spei ac rei cupitæ vehementer affligit animam; quid verò illi magis in votis, quàm salus humani generis? quid homini famelico optabilius, quàm cibus? quid sribundo iucundius, quàm potus?

*& fames.* Et meus cibus, inquit Saluator, est, vt faciam voluntatem Patris mei, id est, vt opus redemptionis humanæ perficiam, ad quod Patris æterni voluntate destinatus sum: idq; luculenter ostendit, cùm imminente Passionis sue die diceret ad Apostolos: Desiderio desiderauit hoc Pascha manducare vobiscum.

*Tempore.* Sed & cùm paulo antè Apostolis Passionis sue: *Passionis.* mortisq; diem prædiceret, Petrus, qui huius rei mysterium carnali adhuc sensu præpeditus non assequabatur, indignum ratus Dominum: tot laboribus ac iniurijs, tot probris & contumelijs subijci, ab hac intentione Christum reuocare conatus est, dicens: Absit à te, Domine; non erit tibi hoc. Cui Dominus: Vade post me, Sathana, scandalum es mihi, non enim sapijs, quæ Dei sunt, sed quæ hominum. Mira verborum acrimonia, vehemens correptionis acerbitas. Nonne his verbis: Vade Sathana, vsus est, cùm à se Demone repulit, qui ab eo rem indignissimam,

id



id est, adorationis cultum exposcere ausus est, cui dixit: Vade Sathana, & modo eodem verbi fulmine discipulum ferit, quem paulo ante ob fidei confessionem, ac Patris reuelationem beatum predicauerat, cuius Ecclesie sue principatum commiserat? Quid igitur hinc colligimus? nimirum immensam Christi in nos charitatem & ardentissimum salutis nostrae desiderium? Nam quibus verbis Demonem ad indignissimum facinus prouocantem perculit, eisdem Petrum à salutis nostrae opere deterrentem castigauit: adeo enim moleste hoc consilium tulit, ut velut à Sathana profectum de-  
testaretur.

Ergo quem tanta charitas ad venandum, id est, querendum animas hominum impulerat, contrarijs consilijs aut conatibus se prae-  
diri non finit, quo minus coeptum venationis suae curriculum anidus praeda conficiat, per-  
rumpit omnia obstacula, & dura quaeque con-  
stanter superat, nec aquae multae potue-  
runt extinguere charitatem. Omnia haec Vinculis  
amorem, omnia charitatem spirant, imò amo-  
re solo omnis isthaec venatio agitur, solo amore  
tor feræ, id est, tor animæ feliciter capiuntur, <sup>beneficio-</sup>rum eas  
nec enim nudus & inanis est ille amor, sed qui  
tor clarissima indicia, id est, beneficia re ipsa  
K 7 produ-



prodit : iam verò quid sunt beneficia , nisi vincula ? qui beneficia inuenit , compedes inuenit , ait ille , quidni & aliquid compedibus maius : vincula enim hac pedes tantum ligant , beneficia verò non modo corpus , sed etiam animum , atque præcordia ipsa charitatis nexibus vin-

*Prou. 28. ciunt. Vnde Salomon ait : Victoriæ & honorem accipiet , qui dat munera ; animum autem aufert accipientium. Quid ergo mirum , si tam feliciter homines ceperit , sibiq; deuinxerit hic cælestis venator , qui tot compedibus , id est , tot beneficijs & amoris indicijs humanum sibi genus obstrinxit. Hoc ipse Dominus futurum confirmauit , cum dixit : Ego , si exaltatus fuero à terra , omnia traham ad me ipsum , hoc est , si homines per Euangelistæ prædicationem me Dei Filium mundiq; conditorem agnouerint , quodd scilicet Ego , cuius gloriæ nihil accedere nihilq; decedere potest , tanto tamen humane salutis amore ductus fuerim , ut quo eos à peccatis liberarem , & æternis bonis ditarem , mihiq; amoris vinculo coniungerem , humanam carnem induerim , tot labores ipsumq; doloris crucis supplicium pertulerim ; si , inquam , hoc firmiter crediderint , & diligenter expenderint , non dubito , quin hac charitatis & bonitatis*



meæ magnitudine excitati ad retia mea certatim confluant, solos se obsequio meo addicant, & tanto amoris vicem reddere, mihiq; deinceps indissolubili charitatis nexu adherere desiderent.

Enimverò quamdiu Dux residebat in Augusto illo glorie ac maiestatis sue solio, unde furoris ac iustitiæ sue tela in improbos vibrabat, pauci admodum illum sequebantur, pauci erant, qui capi sese ab illo sinerent: at ubi inclinavit cœlos, & descendit, ubi à maiestate sua ad humilitatem nostram, à severitate sua ad lenitatem deflexit, ubi Verbum Caro factum est, & qui in forma Dei erat, semetipsum exinaniuit, servi formam accipiens, & aeterno Patri ad mortem crucis usque factus est obediens, tunc homines tantam Dei erga se bonitatem, charitatem, misericordiam vehementer admirati illum toto corde sequi, seq; totos illius obsequio deuovere cœperunt. Et aduerte hic, quaeso, quàm præclare Dominus noster perfectam veri venatoris imaginem exprimat: venatores enim aliquando alium sibi amictum, velut viridem, plumatum & venandis certis quibusdam feris magis idoneum circumdant. Eodem planè modo Christus alium sumpsit habitum, & dissimulata ad tempus

veste con-  
colorem  
iis sumis.

regia



regia & diuina maiestate serui formam accepit, sicq; in hoc mundi desertum processit: nam si conspicuâ & apertâ maiestatis suae gloriâ prodiret, omnes ferae protinus ab oculis eius diffugerent, utpote cuius vultum & dignitatis splendorem ferre non possent, velut cum olim Dominus in monte Sinai legem daturus descenderet, tantus populum vniuersum maiestatis illius terror inuasit, ut propior ad montem accessus omnibus horrore esset, & dicerent ad Moysen: Loquere tu nobis, non loquatur nobis Dominus, ne forte moriamur. En quomodo praeda diffugiat maiestatis horrore concussa. Quid ergo? Trinitatis suae gloriam tantisper dissimulat, in similitudinem hominum factus, inter homines conuersatus, & habitu inuentus ut homo, sicq; blande & suauiter conciliat sibi hominum animos, quorum oculis non alia quàm humana sese specie repraesentat. O quis verbis exprimat quantam amore ferarum, id est, animarum multitudinem cœperit, & ad se traxerit.

Canes  
venatici  
Christi  
sunt Ec-  
clesiastici

Verum, quibus ad venandum canibus celestis ille venator utitur? Canes illius nos sumus, ô Sodales, quotquot in Clerum adscripti legatione & venatione pro Christo fungimur, & Christo ad querendas animas operam nostram

addi-



addiximus: non est cur refugiat quisque canem  
se dici, audiens: symbolum enim vigilantiae ac si. *Vigiles.*  
delis custodiae canis est: at quos magis oportet  
esse vigilantes, quam quibus Dominus gregis  
sui custodiam commisit. Vnde arguit Deus per  
Isaiam Prophetam speculatores, id est, Rectores  
& Praesules Israël: Speculatores Israël cæ- *Isa. 56.*  
ci omnes, nescierunt vniuersi, canes muti  
non valentes latrare. Canes ergo Christi nos  
sumus, qui tum dicendo, tum orando, animas  
Christo venari & lucrari debemus; sed vā ca-  
nibus mutis, qui non valent latrare, quibus aut  
ambitio, aut cupiditas, aut fauor, aut timor os  
obstruxit. Clama, ne cesses: annuncia po- *Latrātes.*  
pulo scelera: Canes ad passum & ad ventris  
saginem abiecti, pigri, inertes, ac in prato  
stertentes ad venationem inutiles. Foris canes.  
Canes venatici debent esse corpore gracili & *Agiles.*  
tenui, agiles, vt expediti sint ad cursum; non  
grauari crapula & caris huius seculi. Canes  
bene instituti non deuorant captam prædam,  
sed Domino offerunt, pro ipsius arbitrio capta  
præda relinquitur, & pars quædam canibus  
proijcitur. Sic nostrum est venari animas, in- *Paruo*  
terim non nostrum lucrum, commodum, aut *contenti.*  
honorem, sed Christi gloriam querere, ab il-  
lius liberali prouidentia pendentes, qui suis  
mi-



ministris necessaria providebit, aliàs meriti  
queritur & minatur: Vnde Pastoribus, qui pa-  
scunt semetipsos, qui lucra sua, non Christi  
querunt.

*Vincula  
venatoris  
Christi  
& retia  
beneficia  
varia.*

Sed quibus machinis, quibus funibus aut vin-  
culis venator noster Christus utitur? Certè, ut  
ante dixi, amore ac beneficijs summi amoris  
ac benignitatis sue argumentis. Hi sunt illi fu-  
nes, de quibus per Prophetam Dominus ait: In  
funiculis Adam traham eos, in vinculis  
charitatis. Notat Ribera, Cornel. cateriq; In-  
terpretes, pro his verbis: In funiculis Adam,  
in Hebræo legi: In funiculis hominum. Sed  
audite sensum elegantem sanè, & proposito no-  
stro pulchrè congruentem: In funiculis homi-  
num traham eos, id est, cepiam & traham eos  
ad me, non qua ratione indomiti tauri atque  
fera capiuntur, & funibus ligantur, sed qua  
homines beneficijs allekti ad benefactoris sui a-  
morem incitantur. Generosus quippe est ani-  
mus hominis, & potiùs ducitur, quàm tra-  
hitur. Traham eos ergo ad me, non eo modo  
quo antea trahere conitus sum, videlicet ter-  
roribus, minis, atque verberibus, quomodo  
trahi iumenta solent, quæ cum ratione ca-  
reant, metu, virgâq; reguntur: sed potiùs a-  
more, misericordiâ, donis atque beneficijs, qui-  
bus



bus omnium animos, plus quàm vinculis ferreis  
ad me traham.

Quàm verò feliciter hæc vincula charita-  
tis vinciant, primorum fidelium exemplo <sup>Feliciter</sup>  
discimus: nam cum in die Pentecostes <sup>his ca-</sup>  
charitas Christi per Spiritum Sanctum dif- <sup>piuntur</sup>  
fusa esset in orbem terrarum, ipse Petrus  
mox quinque millia animarum vna venatio- <sup>s. millia</sup>  
ne seu vna concione cepit, & ad Christum vna die.  
traxit. Sed & vim charitatis in ipsis Aposto-  
lis contemplari libet? Ecce Petrus, cum  
necdum diuinæ charitatis viam satis agnosce-  
ret, vt Dominum suum vinctum vidit, ad  
vilis & infimæ ancilla vocem eum nega-  
uit, & deseruit, cuius obsequio se paulò  
antè in mortem vsque deuouerat, ceteriq;  
Discipuli simili formidine perculsi, relin-  
cto Præceptore, fugerunt; at intuemini  
eundem Petrum, ceterosq; Discipulos, vbi & ipsi A-  
charitatis vincula, emissus de cælo spiritus <sup>postoli.</sup>  
Sanctus eorum cordibus indidit; adeo solidâ  
fidei charitatisq; constantiâ Christo adhas-  
erunt, vt non modo ante Reges & Præsides addu-  
cti nihil formidarent, sed summæ etiam glo-  
riæ & gaudij loco ducerent, pro nomine I E-  
S V iniurias & contumelias pati, & mille  
etiam



etiam vincula & cruces pro Christi gloria subire.

*S. Petrus.* Petrus sanè, cùm maximis quotidie vocibus Crucifixi gloriam in omnium oculis predicasset, in Senatum Iudeorum adductus, (quò Annas Princeps Sacerdotum, & Ioannes, & Alexander, & quotquot erant de genere Sacerdotum, confluxerunt) & ab illis, in cuius nominis virtute claudum quendam sanasset, interrogatus, hac animosa inuiolabilis fidei verba respondit: Principes populi & Seniores, si nos hodie dijudicamur in benefacto hominis infirmi, in quo iste saluus factus est, notum fit omnibus vobis & omni plebi Israël, quòd in nomine Domini nostri IESU Christi Nazareni, quem vos crucifixistis, quem DEVS suscitauit à mortuis, in hoc iste adstat coram vobis sanus: hic est Lapis, qui reprobatus est à vobis ædificantibus, qui factus est in caput anguli: & non est in alio aliquo salus: Neque enim aliud nomen est sub cœlo datum hominibus, in quo oporteat nos saluos fieri. Quid quæso hac responsione fortius, quid constantius, quid mirabilius? Quid te, ô beate Piscator, ita animauit? vnde tibi tanta vis, - tam insuperabilis constantia?

quis



quis pectus istud, adeo pusillum, ut vilis femina  
 vocem paucis ante diebus expauesceret, sic ar-  
 mauit, ut totum Iudeorum Senatum atque  
 Concilium insuperabili fortitudine protereres  
 atque calcares? Nimirum iam diuina Magi-  
 stri tui charitate captus tenebaris; illa, in-  
 quam, amoris vincula iam te Christo ita forti-  
 ter adstrinxerant, ut nec Sacerdotes, nec  
 Principes populi, nec ipsæ inferorum portæ  
 te à fidei & confessionis constantia deinceps di-  
 mouere possent.

*Simili charitatis nexu ac vinculo Aposto-  
 lum eius Paulum à Christo captum vinctumq.* *S. Paulus*  
 aspiciat: Quis nos separabit à charitate  
 Christi? tribulatio? an angustia? an fa-  
 mes? an nuditas? an periculum? an gla-  
 dius? Sed in his omnibus superamus pro-  
 pter eum, qui dilexit nos: Certus enim  
 sum, quòd neque mors, neque vita, ne-  
 que Angeli, neque Principatus, neque  
 Virtutes, neque instantia, neque futura,  
 neque altitudo, neque profundum, ne-  
 que creatura alia poterit nos separare à  
 charitate DEI, quæ est in Christo IESU  
 Domino nostro. En admirabilem Apostolicæ  
 charitatis vim & ardorem pari verborum acri-  
 monia & asseueratione eleganter expressam.

*Quid*



Quid enim esset, quod Apostolorum pectus ab amore Christi Saluatoris auelleret, tam forti amoris vinculo, tam firmo glutine adstrictum, atque deuinctum? O quam merito illi illi & generoso titulo sapius repetito in Epistolis gloriatur Apostolus: Ego uinctus in Domino, &c. Sic ceteri quoque Sancti ac Martyres, inprimis, cum Christi tanta pro salute nostra patientis charitatem, & immensa bonitatis eius beneficia expendere, amoris vinculis Christo tam firmiter innexi sunt, ut potius à corpore, quam à Christo, animo separari se paterentur & ultro mortem oppeterent, ut Domini charitatem sanguine restatam sanguine pensarent. Et quid nos facere par est, Ecclesia-  
 Sancti  
 Martyres  
 o Viri Ecclesiastici, an minora in nos Christi beneficia, an leuiora charitatis vincula, quibus nos sibi deuincit? Mitto cetera, & omnibus communia: Nonne ingens diuina clementia beneficium est, quod nos elegerit de populo, & voluit fungi Sacerdotio, & habere laudem in nomine ipsius, quoddamque nos velut amicos intimos & consiliarios in domo illa immensa, quae est Ecclesia, reliquit; nosque sibi propius aspidere fecit, & Corporis sui sacra mysteria ceteris dispensanda commisit, quis hoc beneficium pro dignitate aestimet, quod Angelis negatum,



nobis datum est, Corpus Christi sacris verbis consecrare, Christum in ara diuini muneris mysterio presentem sistere, obediēte Deo vocē hominis mirantur homines, obstupeſcunt Angeli, & tantam bonitatem supplices venerantur. Et ipse Sacerdos immemor felicitatis & dignitatis suæ inter hæc aridus vagusq; consistit, hæc non attendit, non considerat? Certè se tot beneficijs capi non finit, sed maligni laqueis tenetur: Vnde graui nos culpæ adstringimus, quando cœlestem venatorem sequi nolumus.

Itaque nunc rete cœlestis venatoris seu vincula vidimus, nunc quibus illa potissimum tendat, videamus. Quemadmodum malignus venator pijs potissimum hominibus laqueos & insidias parat, de peruersis enim medica illi cura est, utpote quos iam tenet laqueis, & iugo seruitutis suæ premit; sic Christus impios & peccatores maximè quarit. Quis de hoc dubitet: sic de se ipso palam testatur: Non veni vocare iustos, sed peccatores; an quoddam iusti ope Saluatoris non egent? minimè, nec enim sine illo iusticiam suam tueri iustus poterit, sed quoddam peccatores, ut resipiscant à diaboli laqueis, à quo captiui tenentur, magis egeant auxilio gratiæ, tum quoddam virtus & gloria venatoris in his capiendis magis elucescat.

Maximè  
peccatori  
bus Chri-  
stus retia  
tendit.

Ut



Ut enim Nauta ars in tempestate, & scientia  
 Medici in desperata valetudine magis conspi-  
 cua est, sic Venatoris ars & dexteritas in feris  
 indomitis, prægrandibus, magisq; crudelibus  
 velut Vrsis, Leonibus, Tigridibus, Apris,  
 alijsq; capiendis magis se prodit, quàm in  
 mansuetis & cicuratis animalibus, quæ leui  
 opera capiuntur. Sic, inquam, supremi  
 Venatoris virtus & potentia in efferatis & in-  
 domitis bestijs, id est, peccatoribus capiendis  
 magis elucescit. Vnde docent Theologi, con-  
 uersionem vnius peccatoris maius esse opus di-  
 uinae potentia, quàm creationem & guber-  
 nationem totius vniuersi. Talia quidem mon-  
 stra & immanes belluas cepit, cum in telo-  
 nio Matthæum, in conuiuio Magdalenam,  
 Latronem, in Cruce Latronem, Petrum in atrio, in  
 Publicão tinere S. Paulum, in templo Publicanum,  
 & alios alibi peccatores venatus est. Quorum  
 quidem venationi adeo deditus erat, vt ob  
 frequens & familiare cum Peccatoribus &  
 Publicanis commercium superstitiosa & præ-  
 postera Phariseorum religio varijs eum calu-  
 nijs impetere non desineret.

Sed iam post funes & vincula, quæ diui-  
 nus Venator ad venationem adhibet, restat,  
 vt escam, quam vinculis, apponit, videamus.

Esca

Christi.

Da-



Demonem sanè diximus in superiore Con-  
 cione voluptatibus & carnis blanditijs mun-  
 diquē illecebris, velut escam laqueis suis appo-  
 nere, & sic animas illaqueare. An Chri-  
 stus nuda sine esca vincula apponit? nequa-  
 quam: escam apponit, quā nulla suavior,  
 nulla gratior, nulla prestantior inueniri  
 queat. Quid enim illa interni hominis pax, sua-  
 uitas, dulcedo, seu gaudium spiritus, quo mi-  
 rabiliter animæ Christi charitate capta in huius  
 vitæ stadio pascuntur, & delectantur, quem  
 hæc esca non alliciat, imò quem non vi quasi  
 trahat, vt in Christi vincula pedibus manibusq;  
 & omnibus membris, imò totus corpore & ani-  
 ma penitus ligandus concedat. Ecce verba dul-  
 cissima inuitantis nos Venatoris, Verba dulcio-  
 ra super mel & fauum: Venite ad me om-  
 nes qui laboratis & onerati estis & ego  
 reficiam vos, Ego inquam, cuius delitiæ sunt  
 esse cum filiis hominum, Ego, qui vitam ve-  
 stram mea longe cariorem habeo: ego qui tot  
 potentiæ & clementiæ erga vos argumenta de-  
 di, quid appenditis argentum non in pa-  
 nibus & laborem vestrum non in saturitate?  
 quid lassamini in via iniquitatis? quid quæ-  
 ritis cisternas dissipatas quæ continere

Consola-  
 tiones cœ-  
 lestes.



*Dulciores  
omnibus  
mundi vo-  
luptati-  
bus.*

non valent aquas quæ sitim extinguunt, sed  
potius excitant: haurite aquas in gaudio de  
fontibus Saluatoris, ex quo quibiberit,  
non sitiet in æternum: quid fertis graue &  
importabile pondus Seculi, eniugum meum  
suaue est & onus meum leue. Verè verè  
etsi amœna & floribus delitijsque plena videat-  
ur via ambulantium in desiderijs cordis  
sui; etsi gratior multis sit esca malorum volup-  
tas, utpote quæ blandâ fronte multos illi-  
nat, attamen contritio & infœlicitas in  
vijs eorum, & viam pacis non cognoue-  
runt. quis verbis exprimat quot curis, motibus  
doloribus, ac laboribus, varijsque cupiditatum  
opibus impiorum vita exagitetur, interim ma-  
gnâ pacis dulcedine gaudet vita piorum, &  
dulci somno fruuntur viscera temperan-  
tis ut inquit Sapiens. Eleganter Thomas de  
Kempis, Si est gaudium, inquit in mundo,  
hoc utique possidet puri cordis homo,  
&, si est alicubi tribulatio, hoc melius  
noñit mala conscientia. Hoc gaudio &  
his delitijs Sponsa illa fruebatur, cum cœlesti  
Sponso diceret Meliora sunt vbera tua vino  
fragrâtia, vnguētis optimis: vberum autē  
nomine lacteam diuina suauitatis escam intel-  
ligit,



igit, quam vino, hæc est, omnibus mundi delitijs  
non modo puriorem; sed etiam dulciorem esse  
constat. An non suavius sit gaudium, quo mens  
sibi conscia rectè vós reficit, quam quod omnis  
mundi voluptas in corde vestro relinquit? Testor  
conscientiam vniuscuiusque vestrum: & ad  
animorum secreta prouoco; Nonne maius vobis  
gaudium sincera pietas, & amor Dei, quam  
omnes carnis deliciae, suis sectatoribus propi-  
nant? Ita prorsus est: Vicisse voluptates ea de-  
num vera & sincera voluptas est: & gloria  
nostra hæc est testimonium conscientiae  
nostrae, Dulcius est seruire Deo, quam seculo.  
Quam multa sunt castitatis, & perfectæ vir-  
tutis ac pietatis, quam liquide voluptates?  
at infinitis doloribus carnis lenocinia emuntur:  
Sed plures caro quam pietas trahit: quid mi-  
rum? pauci qui amant gustare & videre  
quam suavis sit Dominus: ideoque ignoti  
apud eos nulla aut exigua cupido est: O mira  
diuina prouidentia dispensatio, animaduertit  
Deus ea mente atque ingenio homines esse: vt  
futura minus curent, presentium vero fructu  
atque specie magis capiantur; ideo futurorum  
bonorum prægustum quendam & presentem  
spiritus dulcedinem instillat, vt homo alias ad



futura & spiritualia tardus, hisce velut calcari-  
bus, ad ea magis exstimularetur.

Sic & natura conditor in his, quæ ad indiui-  
dui & speciei conseruationem pertinent, quan-  
dam voluptatis illecebram posuit, quâ res omnes  
inescat & operibus ad vitæ vsum necessarijs nun-  
quam desunt, quid vero in rebus humanis magis  
necessarium, quam pietas & virtus, omnia quæ-  
que suauissimis diuini Spiritus delitijs sepiuit &  
dulcorauit, vt hac veluti esca illecti ad eius cul-  
tum & amorem traherentur.

Stillam  
eorum gu-  
stauit S.  
Petrus in  
monte  
Thabor.

Gustauerat hanc Spiritus dulcedinem Petrus  
in monte Thabor, mox omnium inferiorum  
oblitus, clamat, bonum est nos hic esse, per-  
sistamus, hic moremur, tuique vultus splen-  
dorem iugiter contemplemur. Vnam, inquit,  
August. stillam dulcedinis ille gustauit, &  
omnem aliam fastidiuit, nec solum fastidiuit,  
sed etiam gaudio illo omnes animæ sinus pene-  
trante & plenissimè occupante, extra se potius  
& cœlesti vino ebrius, quid eliceret nesciebat,  
cum tria tabernacula in monte illo fieri postu-  
labat. Ostendit & hanc dulcedinem Rex ille  
Maurorum Scalacopius de quo Aeneas Sylu.  
in hist. Bohem. Cap. II. qui regno pulsus cum  
tribus Anachoretis ad mortem vsque ignotus  
hu-



humilem vitam egit: extremo autem vite Spi- *Ei Rex*  
ritu his verbis omni memoria dignis eos est al- *Maurorū*  
locutus. Nondum quis fuerim nouistis. *factus A-*  
*nachoreta.*

Rex ego Maurorum prælio victus ad vos  
cōfugi, & regiā vitam & priuatā expertus:  
miorior. Nulla regni fortuna est tranquil-  
litati eremi præferenda: hic securus som-  
nus, dulces herbas, & radices atque vndas  
afficit: ibi curæ atque pericula nullum ci-  
bum, nullam potum non amarum red-  
dunt: quod vitæ mihi datum est, apud  
vos felix peregi, in regno quidquid eius  
transactū est, mors verius quam vita fuit.  
Ecce locuples tanti regis testimonium, quo disci-  
mus longè dulciorem esse escam quā Spiritum  
Deus, quā quæ carnē Demon allicit & attrahit.

*Altera es-*  
*ca Dei pro-*  
*uidentiā:*  
*erga ele-*  
*ctos.*  
Affinis huic escæ est paterna illa Dei cura,  
& prouidentia, quā pios pascit, fouet ac prote-  
git, eorumq; necessitatibus ac periculis clemen-  
tissimè prouidet: ideoque illi in pace in id ipsum  
dormiunt & requiescunt, quoniam Do-  
minus singulariter in spe illos constituit,  
& velut in domo vndique munitissima habitare  
facit. Oculi eorum semper ad Dominum,  
quoniam ipse euellet de laqueo pedes eo-  
rum: Quid enim posset illos in laqueos maligni



venatoris inducere an maligna cupiditas radix  
 omnium malorum in laqueos diuitiarum & bo-  
 norum huius seculi? quin potius magnus eis qua-  
 stus est pietas, ideoque in via testimoniorum  
 DEI delectantur, sicut in orbis diuitijs:  
 eius mandata diligunt super aurum & topa-  
 zion, & cur opibus inhient, qui benignissimum  
 Patrem in caelis agnoscunt, cui cura de nobis est.  
 neque enim prouidentia sua cura deest volatili-  
 bus caeli, nec vilissimis quibusq; terra vermicu-  
 lis, & hominem quem ad imaginem suam crea-  
 uit, & pretio sanguinis sui aeternitatis heredem  
 constituit, rebus ad vitam mortalis escam necessa-  
 rijs destitui patietur? Concideret diuina veritas  
 & promissum si hoc fieret. Itaque iactant su-  
 per curam suam, & sollicitudinem suam in  
 DEVM proijciunt, quoniam ipsi est cura de  
 nobis, & huic diuina prouidentia & bonitatis  
 fiducia innitentes melius sibi hac vna spe, qua di-  
 uite annona & cibis in penu recoditis, & presenti  
 rerum omnium apparatu consultum esse putant.  
 Cum enim Dei sint omnia, qui Deum possident, quid  
 illi deesse potest: gaudet enim Dei amicitia &  
 iure amicitiae inter amicos omnia sunt communia.  
 Sed an ventris & gula voluptatibus in laqueos  
 maligni venatoris impellantur? Nequaquam  
 secu-

Plus alli-  
 cit quam  
 esca mundi  
 & demo-  
 nes.

secur  
 qua  
 que da  
 ra infir  
 illos la  
 num, q  
 sed in f  
 nena di  
 Qu  
 menta  
 nihil t  
 bra Cl  
 Spiritu  
 cingit  
 latitud  
 antef  
 gna n  
 ficon  
 sint n  
 videb  
 qua no  
 tat, sed  
 nato  
 penni  
 duabi  
 atern



secura mens ipsis est quasi iuge conuiuiū,  
qua iucundius reficiuntur, quā iucundis quibus-  
que dapibus & escis multis, in quibus est mul-  
ta infirmitas & amaritudo: secura mens magis  
illos letificat, & hilaris conscientia: quam vi-  
num, quod flauescit initio, & ingreditur blandē,  
sed in fine mordet vt coluber, & vt regulus ve-  
nena diffundit.

Quid enim? an per carnis & luxuria blandi-  
menta in laqueos Demonis corruant? illi verō  
nihil turpius, nihil foedius ducunt, quam mem-  
bra Christi facere membra Diaboli, & templa  
Spiritus S. violare. quia potius timore Dei prae-  
cingunt lumbos suos, & illibatam casta mentis  
letitiam vanissimis carnis inquinamentis longē  
anteferunt dicentes cum Propheta, quam ma-  
gna multitudo dulcedinis tuæ quam ab-  
scondisti timentibus te? Scientes quod beati  
sint mundo corde quoniam ipsi DEVM  
videbunt. Verum quam multa sunt in saeculo,  
quæ nobis malignus venator in laqueum concit-  
tat, sed frustra iacitur retē ante oculos pen-  
natorum; eorum inquam qui spiritualibus  
pennis in sublime (lectione & meditatione veluti  
duabus alis) à terrenis ad cœlestia, à caducis ad  
æterna bona feruntur: ante quorū oculos frustra



infernalis venator peccatorum laqueos expādit,  
 quia ex continuo rerum cœlestium studio pura  
 & perspicax est, nec terreno puluere inficitur eo-  
 rum mentis acies, sed diuina lucis fulgore clarius  
 illuminati, faciliè agnoscunt, nihil esse sub Sole  
 diuturnum & permanens quod in cunctis hisce  
 bonis non sit. nisi vanitas vanitatum & af-  
 flictio. Spiritus: ideoque contemptis præsenti-  
 bus & obuijs terra bonis ad æterna & inuisibilia:  
 toto mentis desiderio rapiuntur, magis sincero  
 omnia iudicio ponderant, nec mendaci statera  
 cuncta transiliente librant, quæ nec oculus  
 vidit, nec auris audiuit, nec in cor homi-  
 nis ascenderunt.

Nec externum duntaxat honorum & volu-  
 ptatum huius sæculi finem spectant quæ vt plu-  
 rimum blanda videntur, sed latens intus vene-  
 num considerāt. Vnde nec honorum au dignita-  
 tum desiderio capiuntur, quin potius norunt  
 honoris & sæculi inania vt plurimum fallaci  
 blandiri vultu, sed acrem in accessu aculeum  
 & latens venenum, laborem reconditum, ideo-  
 que malunt in loco saluari humili, quam in alto  
 periclitari.

Vnde nec vitam in sæculo abiectam & hu-  
 milem dedignantur, veri & solidi honoris exspe-  
 ctatione



*Etatione freri, quam sola parat humilitas,  
 quamvis enim facti sint velut purgamenta  
 huius mundi & omniū peripsēma: quam-  
 vis multi vitam eorum æstiment insaniam  
 & finem illorum sine honore, erit tamen  
 cum dicent nimis honorati sunt &c. ecce  
 quomodo computati sunt inter filios  
 Dei & inter sanctos fors illorum est.  
 Hanc sortem nobis conferat ille, de cuius sorte,  
 & cuius fors nos sumus, ut liberati de laqueo  
 venantium & à verbo aspero, Christo vin-  
 culis charitatis innectamur, verè dicentes cum  
 Propheta, mihi adhærere. D E O bonum  
 est, quia tu es refugium meum, tu fors  
 mea & pars mea. D E V S in æternum.  
 D E V S pars hæreditatis meæ & calicis  
 mei, tu es qui restitues hæreditatem  
 meam mihi.*

*Hucusque venatio Spiritualis.*

*Hæc tam nobili ædificio deest tectum &  
 coronis: deest parænesi tam præclara clau-  
 sula vel epilogus, quæ more suo feruenter  
 Clericos præsertim curatores animarū non  
 solum ad vitandōs stygi venatoris laque-  
 os peccatorum propriorum (quod satis di-  
 sertè in prioris partis fine præstitit) sed &*



officij sui obligationem, vigilantiam, curamque diligentem exemplo Sanctorum Præsulum & Patrum excitaret, qui Christū venatorem seculi velut venatici canes & solertissimi multas animas Christo cum vitæ periculo vel ceperunt, vel seruarunt, ne dæmonum laqueis irretirentur: vt sic etiam aliena peccata deuitarent: sed quoniā id ipsum in fine *Tubarum* suarum disertè præstitit: quæ huc faciunt, cum ijs mulci careant visum est transcribere. Facit autem ipsos cum Christo iam regnantes Pastores (in quibus & ipsum Iacobum nostrum numerari confidimus) sic mortales alloquentes, & officij serio componentes.

*Pastores*

*in epil.*

*vide exemplar.  
ad Clerum  
Germ.*

Amor Christi Iesu & Ecclesie eius, quam suo sanguine acquisiuit, & nobis olim, vobis hodie regendum commisit, vrget nos, vt quamais de nobis securi, de vobis tamen sumus solliciti: Graui quippe & periculoso vos munere fungi ignorare non possumus: experti scilicet ipsi, quid sit curare, ac regere animas, & tandem de cura & regimine supremo iudicationem reddere. Sensimus & nos scopulos illos & procellas: quibus ipsi gubernatores grauius periclitantur, quam ceteri. O quam multos periisse vidimus, & indies perire videmus! Periissemus & nos, nisi diuina bonitas praueniisset nos in benedictionibus dulcedinis, &



mentibus nostris singularem indidisset vigilan-  
tiam, & iugem sollicitudinem: qua nos aduersus  
mille tam ardui muneris discrimina semper ve-  
lut in procinctu stare munitos oportuit. Hinc nō  
possumus non metuere vobis, conscij laborum &  
onerum, quæ vobis incumbunt nec ignari malo-  
rum, & periculorum, in quæ se vna cum grege  
suo conijciunt, qui temerè hoc munus suscipi-  
unt, aut susceptum negligenter gerunt.

Nos certè olim ad Ecclesia præfecturas electi,  
honorem ex onere metientes, elegimus potius ab-  
iecti esse in domo Domini, & recumbere in nouis-  
simo loco, quam ambulare in magnis, aut tene-  
re primas Cathedras: & potius in humili esse  
securi quam in alto periclitari. Attamen iussit  
nos ascendere superius, qui suscitavit de pulvere  
 egenum, & de stercore erigit pauperem, & tenet  
omnia in manu consilij sui. Sed o si videre possitis,  
quid nobis animi fuerit, quis cordis æstus, quæ  
anxietas ad Ecclesia dignitatem pertractis, ipsi  
utique damnaretis caca & stulta mortalium  
consilia, qui tam ardentè id expetunt, (nescien-  
tes utique quid petunt) quod nos tantopere  
exhorruimus, & non nisi per vim, seu coacti sus-  
cepimus. Nemo nostrum, qui non exilium inopi-  
am, carcerem, imò mortem potius ipsam elegis-



set, parendum tamen fuit vocanti & iubenti Deo, cuius imperium detrectare nefas. Ille tanquam supremus Paterfam. lias vinea sua nobis culturam & custodiam commisit: vnde & nos ad laborem, non ad honorem: ad negotium, non ad otium vocatos intelleximus, euellere, destruere, dissipare, edificare, plantare nostrum fuit opus, & labor continuus. Portare sane pondus diei & estum, & in sudore vultus nostri vesci panem nostro necesse fuit.

Hanc verò vineam, tam indefesso labore nostro cultam, & tot à Deo incrementis dotatam: vos utpote successores nostri, velut manu à nobis traditam accepistis: Vos enim in labores nostros introistis. O felices, si & Spiritus nostri heredes, & Pastoralis sollicitudinis fueritis imitatores. Sed va operarijs otiosis in vinea Domini, va demolientibus, va quoque negligenter custodientibus: quorum incuria vel pro vuis facit labruscas, vel ab aprii & feris vastantibus exterminatur. Multis consultum periculo vestro, en habetis formam nostram, & factis & scriptis nostrum expressam: Hinc capiat licet normam vitæ vere Pastoralis, seu ideam fidelis Episcopi. O quanta sollicitudo, quam morum sanctitas, quanta virtutum perfectio requiritur, vt sit qualis esse debet.



id est irreprehensibilis: utiq; qui talē esse iubet:  
Episcopum aut Pastorem, nihil vitij inesse volu-  
it: quando & hoc solum in eo vitium est, non esse  
quam optimum. Sed neque estis securi, et si nihil  
vobis conscij, non sufficit vobis probitas, & Inno-  
centia propria, à quibus etiam requiritur aliena.  
Et quid proderit non puniri suo, qui puniendus  
est peccato alieno? Sed quid si, qui vinea custodes  
positi sunt, ne suam quidem curent, aut custodi-  
ant? & quomodo custodient alienam? Nam re-  
ctus quidem ordo & charitas ordinata requirit,  
ut quisque propriam prius, quam alienas curare  
studeat animas: & hinc à cura sui charitas or-  
dinata recto tramite procedit, ad curam proxi-  
mi, quippe quem ad sui quisque mensuram ama-  
re precipitur; nam qui sibi nequam cui bonus?

Propterea attendite in primis vobis, & de-  
inde vniuerso gregi, in quo vos Spiritus  
S. posuit Episcopos regere Ecclesiam  
Dei, quam acquisiuit sanguine suo. Atten-  
dite vobis, quicumque opus ministerij huius sorti-  
ti estis. Attendite & pretioso deposito, quod vobis  
creditum est. Heu nimium infelices illos, qui  
nescientes dignitatem, & officium Sacerdotij  
sui, omnia alia curant tam sedulo: animas verò  
sue oues vix ponunt inter curanda! quarum ta-



men cura prima & potissima muneris sacri pars est. Quid ageris tandem, quo vos vertetis, in die illa tremenda, cum veniet Dominus positurus rationem cum seruis suis: si tantum thesaurum, si pretiosum depositum illud, quod sibi Christus pretioso sanguine pretiosius iudicauit, inuenti fueritis negligensius custodisse: certe illud seruandum accepistis pro quo mercator non insipiens ipsa utique Dei sapientia sanguinem suum dedit. Sed & habetis thesaurum istum in vasis fictilibus: quibus sane multo plura, quam vltis fictilibus pericula imminent.

Porro si testimonium nostrum forte minus accipitis: Ecce testimonium Dei maius est. Væ Pastoribus, inquit Dominus, qui pascebant semetipsos, nonne greges à pastorebus, pascuntur. Lac comedebatis, & lanis operiebamini, & quod crassum erat occidebatis, gregem autem meum non pascebatis. Quod infirmum fuit non consolidastis, & quod perierat, non requisistis, sed cum austeritate imperabatis eis, & cum potentia. Propterea Pastores audite verbum Domini, viuo ego dicit Dominus Deus, Ecce ego ipse super Pastores requirā gregem meum de manu eorū: & cessare faciā

eos

eos vt  
cantarPeru  
que cord  
& ClauPaso  
uidentes  
neg tur  
minatesBon  
re, & o  
nis. Quplapro  
lum, vi  
brieta  
harum  
tes ali  
vobis p  
incipitMagis  
sermotu, qu  
cuiusconte  
funda

Phar



eos vt ultra non pascant gregem: nec pascant amplius semetipsos.

Perutilis sermo, qui posset etiā durissima quaque corda concutere: & vtinam sit sicut stimulus & Clauus in altum defixus, in cordibus vestris.

Pascite ergo qui in vobis est gregem Dei: prouidentes nō coactē: sed spontaneē, secundū Deum, neq; turpis lucri gratia, sed volūtariē: neq; vt dominātes in Cleris: sed forma facti gregis ex animo.

Boni certē Pastoris est exemplo gregem ducere, & operibus docere, & suis potius, quam alienis. Quorsum enim nostra passim gesta & exempla producitis? vt quid in nobis charitatem, zelum, vigilantiam, modestiam, abstinentiā, sobrietatem laudatis? quid vestris ouibus proderit harum in alijs virtutum commendatio, si docentes alios non docetis vos ipsos? si ne ipsi quidem vobis persuadentis, quā alijs persuadere nitimini? incipite facere, & docere, & eritis quoque similes Magistro vestro potentes scilicet in opere & sermone. Maius sanē pondus habet vita loquentis, quam quacunque grauis & elegans oratio: at cuius vita despicitur, restat vt eius predicatio contemnatur. Cauete ergo ne opera vestra confundant sermonem vestrum, & notemini vita Phariseorum, qui alligant onera grauiā, & im-

por-



portabilia, & imponunt ea in humeros aliorum, digito autem suo nolunt ea mouere. In vos omnium oculi diriguntur, domus & conuersatio vestra quasi in specula constituta, magistra est publica disciplina. Quidquid feceritis, id sibi omnes faciendum putant: caute sollicite ne committatis, quod aut qui reprehendere volunt, dignè lacerasse videantur, aut qui imitari cogantur delinquere.

Morbido capite nihil sanum in reliquo corpore. At integritas praesidentium salus est populo-  
rum. Facile ad honesta quaeuis sequetur populus, si Praepositos suos viderit huc totis viribus contendere. Vultis ergo luxum, fastum, auaritiam, crapulam, (ô pestes Ecclesiae) aliaque nefanda vitia, quae vos vna cum populo in tot mala cladesque praecipitant, eliminari? ita vos primum mores vestros priuatim publiceque componite, vt in ijs pallam appareat, huiusmodi vitiorum detestatio, è contra amor simplicitatis, zelus Dei, sobrietas, modestia, ac vanitatum contemptus reluceat. Sic demum redibit exul & profuga, diuque desiderata pax, si populus profligatis vitijs, & abusus cum Deo in gratiam redierit, id quod fieri nequit sine vobis, qui vt duces praere debetis. Sed quomodo inter homines stabilis pax coalescere:

aut



aut constare queat, quos à Deo Pacis auctore impietas, morum corruptela, disciplina neglectus: & tot abusus auertunt? Non mirum infelicitervos sapius contra hostes pugnare, quando ipsa vos peccata vestra peius impugnant.

Hortamur vos tandem & obtestamur per viscera charitatis Dei nostri, per salutem vestra, per spem quam habetis in Christum Iesum, quin: & per ultimam tubam, quæ vos omnes, & nos pariter citabit ad tribunal supremi Iudicis, si non: stram imo si Dei vocem audieritis nolite obdurare corda vestra; nec sicut aspiis surda, obturetis aures vestras, & obsurdescat ad vocem incantantis sapienter: sed audientes audite, & apprehendite disciplinam, nequando irascatur Dominus, & pereatis, cum exarserit in breui ira eius: quod vrique metuendum illis, qui sedent in cathedra pestilentie, id est qui enarrant iustitiam Dei, & assumunt testamentum eius per os suum: Interim verò ipsi oderunt disciplinam & sermones Domini proijciunt retrorsum. O terribilis Deus super filios hominum! ô iudicium durissimum quod his, qui præsumunt fiet! ô tormenta quæ potentes potenter patientur. Sapite, intelligite, & novissimam providete, & horum semper memores, sic  
pas-



*pascite greges vestros*, vt cum apparuerit Princeps Pastorum percipiat nobiscum immarcescibilem gloriæ coronam.

Huc vsque Iacobus: cuius parænesi quisquis au(cultarit, nã ille verus Christi canis venaticus funibus amoris ei deuinctus, non solum casses euadet doemonis; Sed etiam Apostolico spiritu feruidus sagaciter rimabitur & peruestigabit odoratu latentes feras in antris & cauernis turpitudinis, in præruptis honorum & ambitionis cæcæ petris & montibus: vel in dumetis & spinis opum, easque latratu territas, & excitas captasque sistet venatori Christo, nec sinet amplius laqueis doemonum implicari: quod tamen exemplo vitæ, quam vocis sono facilius consequetur.

Eodem Spiritu ductus Iacobus cum cerneret vt à capitis virtute, & optima constitutione totius corporis mēbrorū vigorem sic ab Episcopi vigilantia, & sanctitate Cleri disciplinam & mores dependere, formam præsulum vitæ tam in vita S. Caroli Boromæi commentario illustranda, quam in alio libello quem *Zelum domus Dei* nominabat adumbrare voluit: cuius operis indicem capitulum attexere visum est, vt Episcopi Germaniæ, quibus consulere volebat quam optimè, videant quæ præcipuè sint ipsis consideranda.

In-



## Index Capitum Libri

CVI TITVLVS

## ZELVS DOMVS DEI.

1. De Causis malorum bellorum, cladium in genere.
2. Peccata esse causam, maximè Principum & Ecclesiasticorum.
3. Neglectus diuini cultus: irreuerentia erga sacra.
4. Luxus, gula, crapula, & splendoris nimia affectatio reprehenditur.
5. Corruptio iustitie, ac tribunalium perdit orbem.
6. Quam arduum, difficile, ac periculosum munus Episcopi, & quantam requirat perfectionem.
7. Quanta Episcoporum dignitas & auctoritas, & quomodo ea tuenda.
8. Residentia & presentia Episcoporum, seu Pastorum visitatio.
9. Episcoporum est docere, & predicare verbum Dei.
10. Episcoporum seu Pralatorum occupationes circa secularia.

II. Re-



11. Reformatio morum, & abusuum Pralatis zelanda.
12. Dignos ad honores euehant, indignos repellant.
13. Pluralitas res maximè perniciofa Ecclesia.
14. Pietas & sanctitas Prasulum, salus subditorum, & terror hostium.
15. Consiliarios habere pios, fideles & c. quanti referat.
16. De Parrisia, & corripiendi libertate, constantia, & fortitudine aduersus Principes & hostes Ecclesia.
17. Cura operum misericordie. Rectus opū vsus.
18. Neglectus disciplina militaris: impietas militum: Reipublica noxia.
19. Felix belli successus, à pietate, fiducia & oratione.
20. Quam sit temerarium vltro appetere Episcopatus, Pralaturas: exempla fugientium Episcopatus.

Dolendum hunc foetum cum alijs vix inchoatum: & primis esse formatum lineamentis: vt aspicere lucem neutiquam possit.



## DOCUMENTA QVÆDAM

## ASCETICA

R. D. IACOBI MERLO PRO

VARIIS HOMINVM STATIBVS

vernaculo sermone scripta nunc

Latino donata.

COMPENDIARIA COLLECTIO OMNI-

um, quæ Religiosis Deo dicatis Virginibus scitu

&amp; obseruatu necessaria sunt, vt Deo pla-

ceant &amp; vocationi suæ congruenter

viuant.

I. **S**ANCTIMONIALIS semper memor sit Pro-  
fessionis suæ, & eorum omnium, *Finem vo-  
cationis  
cogitet.*  
quæ Deo publicè promissit, nimirum quod eo  
solum sine domum paternam, vanam & no-  
xiam libertatem vitæ secularis, cum omni  
carnali familiaritate consanguineorum &  
notorum prorsus à se abdicauerit, vt in me-  
liore & securiore statu salutis consulere,  
Deoque cum animi sancta pace, gaudioque  
seruire posset: quod merito pluris ipsa de-  
bet æstimare, quam si potentissimi Regis  
esset Regina coronata.

2. Consideret necesse est, quod vti cum *mores  
mutet.*  
monasticam vitam profiteri vellet, opus  
fue-



mores mu-  
res.

fuerit mutatione vestium secularium, & assumptione habitus religiosi, ac Societate sororum Deo dicatarum, ita decere, vt malos mores & vitæ secularis peccata re ipsa deferat: contenta deinceps, vt soror & solum ancilla Dei nominetur & hoc nomen honorificentius debet iudicare, quam si Princeps fæmina vel Domina maximi nominis haberetur: quid enim maius cogitari, vel æstimari pluris debet, quam esse famulam omnipotentis Dei, & Sponsam Iesu Christi?

Seruet re-  
gulas.

3. Adhuc expendat, quoniam vitam regularem agit, conuenire vt regulis suis congruenter viuat, statuta, legeque sui instituti & cœnobij seruet, ac crebrò secum ea verba repetat *Dic quare hic* Cœnobium ingressa religiosa facta sum, inde conuenit, vt conuenienter professioni meæ iuxta cōstitutiones ordinis prorsus religiosè viuā, & non solum caueam, ne in graues defectus & peccata incidam, quæ in mundo ob vitæ secularis licentiam & tot labendi occasiones patrabam; sed etiam enitar, vt cum gratia Dei, quoad eius fieri poterit, ne in minimo à vocatione, sanctaque professione mea declinem: imo confidam in virtutibus indies proficere, & perfectioni, sicut deuotam & sanctam Christi sponsam decet, studebo.

4. Sem-

4. Se  
conficien  
quam  
regulan  
votorum  
tur, vte

5. Q  
fideret,  
voui obe  
tius alac  
nibus tā  
cipiunt  
salutis m  
murabo  
reimpe  
& sensu  
rar, sed  
tē & hi  
réueren  
quirit a  
diam.

6. P  
seuerè q  
& ijs se  
ficiunt:  
inquam  
matris  
Nec pe  
confang



4. Semper professionis suæ, meminerit, *discuties*  
 conscientiam examinet sæpe, disquiratque, *conscienti-*  
 quam sedulo promissam Deo votis publicis *am.*  
 regulam, obseruet, & mente voluet, quid vi  
 votorum trium religiosorum facere tenea-  
 tur, vtea, quam exactissimè obseruentur.

5. Quantum ad votum obedientiæ, con- *obedienti-*  
 sideret, & ita secum ratiocinetur, Deo meo *am custo-*  
 voui obedientiam, necesse iam est, vt prom- *diet.*  
 tius alacrius humilius & simplicius in om-  
 nibus tā quæ à reuerendā matre, mihi præ-  
 ciipiuntur, quam superioribus, qui curam  
 salutis meæ gerunt, obediam; nūquam mur-  
 murabo, nunquam de obediendi onere, vel  
 rei imperatæ difficultate, licet voluntati,  
 & sensuum inclinationi repugnet, conque-  
 rar, sed cōabor omnia amore Christi prom-  
 tē & hilariter exsequi: nihil etiam, quod  
 reuerendæ matris venia vel obedientia re-  
 quirat ad meæ voluntatis arbitrium expe-  
 diam.

6. Paupertatem Deo iuuante seruabo *Paupertas-*  
 seuerè quantum potero, contenta paucis, *tem.*  
 & ijs solis, quæ ad vitam tolerandam suf-  
 ficiunt: nihil curiosi, superflui, vani, nihil  
 inquam, nisi quod regula & venerabilis  
 matris licentia permittit, seruabo in cella.  
 Nec pecuniam, nec quid simile petam à  
 consanguineis, vel vllis alijs, nisi quodam  
 ad



ad res neceſſarias curandas ſancta permit-  
tit obedientia. Nullum affectum & animi  
propenſionem patiar ad vllam mundi rem,  
etiampi ad naturæ ſuſtentationem conceda-  
tur; ſed omnibus ſola neceſſitate coacta v-  
tar. Providebo etiam diligenter, ne vlli ſe-  
culari perſonæ quidquam donem, vel ab  
ea accipiam, abſque licentia Venerabilis  
matris & ſuperioris.

*Caſti-  
tatem.*

7. Pro voto caſtitaſis inuiolatè conſer-  
uando Deum exorabo, vt gratiam ſuam  
mihi clementer largiatur, ad id ſumma cum  
animi corporiſque puritate cuſtodendum.  
Suſpectas omnes familiaritates ſecularium,  
& omnium aliorum intimorum amicorum:  
imo conſuetudinem cum qualicunque per-  
ſona ſeculari quoad potero, deuitabo vt  
proſcindam omnes occaſiones mundanum  
aliquid videndi vel audiendi, quod animum  
maculare, vel eius puritatem poſſit inqui-  
nare.

Nec ſcribam literas alicui, vel mittam,  
neque ab vlllo recipiam miſſas, niſi ad hoc  
me ſalus animæ meæ & profeſtus ſpiritu-  
alis proximi mei cogat & vrgeat.

Et quoniam Deo dicatam decet ab omni  
ſpecie mali abſtinere, vel ijs, quæ puritatem  
cordis & conſcientiæ poſſint conſpurcare:  
ideo nullas vanas imagines, nullos curioſos  
& ſe-



& seculares libros, non specula, non historia, nec quid aliud in cubiculo seruabo, quod perfectionis amanti & vitæ religioſæ cupidæ virgini Deo consecratæ non conuenit. Sensus etiam corporis arcta custodia sepiam, caueboque diligenter nullius vt viri licet consanguinei, vel familiaris, & coenobio noti vultum intuear, nec vlllo signo monstrabo paratam me ei manum porrigere, nisi forte hoc decencia religioſa aliquando circa honestos & magna virtute præditos occasione aliqua permetteret, præterea sollicitè curabo, & aduertam, ne quam corporis mei nudam partem videam, aut contrectem, nisi me necessitas extrema cogeret.

8. Aures custodiam à vanis & otiosis <sup>sensus extrinsecos.</sup> colloquijs hauriendis, quæ, mentem inquietant, & conscientiæ quietem turbant. Carnem affagam, & Spiritui subijciam: vtque nimiam eius viuacitatem & libertatē coerceram, decreui certis temporibus eam ieiunijs, inedia, vel saltem victus temperantia, & alijs eius generis asperitatibus emaciare; cum Deo dicatæ virginis vita debeat esse continua poenitentia, deuotis aspersa lacrymis.

9. Nec minus Deo consecrata virgo det <sup>det se pietati.</sup> operam, vt chorum frequenter, diuinis officijs,

M

ficijs,



ficijs, omni qua potest pietate, attentione, & feruore animi intersit, abiectis omnibus inanibus & distrahentibus mentem cogitationibus. Adsit orationi consuetæ, sacro decenter assisat, amet in Confessione puritatem, & candorem, ad augustissimum corpus Dominicum dignè percipiendum accedat præuia singulari præparatione & desiderio: Hæc facilius consequetur, si continua spiritum meditatione passionis Christi Domini occupet; Christum corde semper gestet, animo voluat, & intimè compatiatur eius cruciatibus, mortemque eius acerbissimam lacrymis assiduis defleat.

*Amoris  
proximi.*

10. Sorores suas diligat ex animo, nunquam verbo vel facto lædat, imo tristes solletur, ægris vel opis alienæ indigis peramanter seruiat, & subueniat.

*Sine quere-  
lis.*

11. Caueat, ne de ijs ob defectus, quos in ijs notare se putat, queratur: quin potius eis animitus compatiatur, ferat patienter, excuset amicè, nec alijs manifestet. præcipuè prospiciat, ne quid euulget, vel audita publicet, quæ discordias, tristitiam, inuidiam vel dolorem vlli fororum possint generare.

*temerario  
iudicio.*

12. Temerarie neminem iudicet: de omnibus bene loquatur, & bene sentiat; omnes sem-



semper se meliores & perfectiores reputet: utque magis in animi demissione proficiat, se ut vilissimam, imperfectissimam, imo tam sanctæ societatis aliarum indignissimam abiciat, ac pro omnibus in communi magno charitatis & benevolentia sensu Deum oret.

13. Linguam studiosè refrenet, ne quid *refrenet linguam.* secularium rumusculorum vel vanarum rerum, aut curiosarum in medium coram quacumque etiam adducat. Hinc declinet auditionem novorum indecentium & inanum narrationum, quandoquidem ex sanctam animi pacem, & interiorem conscientia quietem sanctimonialium perturbant, quæ velut sibi mundoque mortuæ per religiosam & Angelicam professionem, vanis, & caducis mortalis vitæ rebus nullo pacto debent occupari vel delectari.

14. Abstineat à malis, mendacibus, falsisque sermonibus: verba sint simplicia, casta, pudica, vera, religiosa: nec unquam nisi necessitas urgeat, affluescat loqui.

15. Sit Deo consecrata virgo humilis, *sit humilis.* benigna, simplex, pura, patiens, affabilis, à pravis animi passionibus libera, superbas cogitationes, verba vel opera seu pestem abhorreat: seque vilissimam, abiectissimam, & indignissimam omnium mortalium aestimet.



*benefica.*

16. Non concupiscat auidē & insatiabili desiderio res seculares, nec eas habeat, potius liberalem & beneficam, quārum status permittit, exhibeat se omnibus.

*temperans.*

17. Prouideat, ne in gulæ peccatum incidat: sed insatiabilem, nimiamque cupiditatem compescat contenta paupertina cœnobij sustentatione, Deoque gratam se exhibeat, considerando & agnoscendo, quod plura quam mereatur habeat, quibus aliæ ipsa digniores careant. nec murmuret, vel quærat non ad stomachum, & appetitum suum. bos & alia parata inuenerit. Singularitatem vitet in cibis, omnem gulæ appetentiam minus ordinatam, & intemperantiam extra refectorium, nec quidquam edulij edacitatis causa patiat in cella.

*auent in-  
uidiam.*

18. Caveat Deo desponsa perniciosam, & caritati inimicam inuidiam, imo gaudeat vel maximè de corporis & animæ optima constitutione sororum suarum.

*irato.*

19. Indignationem vero & indomitam pessimamque iracundiæ perturbationem velut pestē fugiat: hæc enim maledicta bellua excæcat intellectum, obnubilat rationem, perturbat conscientiam, expellit animi pacem, affligit alios, innumera gignit mala: præterquam, quod eius necet animam, quam occuparit.

20. Sic



20. Sic & detesteretur omni qua potest *acediam.*  
 diligentia, vitetque infandam acediam, cri-  
 men præ ceteris, religiosis execrandum, &  
 perniciosum: nam Spiritum efficit somno-  
 lentum, languidum, tepidum, adeoque vi-  
 gorem illi, desideriumque bene operandi  
 penitus aufert: vnde monialis hac infecta  
 peste, velut mortua degit ætatem in mona-  
 sterio: neque enim illi libet quidquam boni  
 spiritualis, nihil manu facti operis efficere,  
 perpetuis angitur molestijs, tristitia, curis,  
 angustijs, inimica boni: nusquam pacem re-  
 perit, nulla res ei sapit, fastidit omnia, præ-  
 ter fabulas, cibum, potum, somnum: sicque  
 preciosissimum salutis tempus otio, desi-  
 diaque consumit: nec considerat, nihil à Deo  
 mortalibus datum esse quod pluris sit æsti-  
 mādum in hac vita, quam tempus, cuius ali-  
 quando seuerissimam rationem ab ea re-  
 poscet Christus, num malè vel fructuose  
 transegerit: quod si volueret animo, nullam  
 eius vel minimam particulam sine salutis  
 comodo labi pateretur. Vnde necesse est,  
 vt otium, & omnem temporis iacturam per  
 vana colloquia, per otiosa, vel inutilia ne-  
 gotia, prorsus deuitet.

*temporis  
habeat ra-  
tionem*

21. Dirigat pia & poenitens virgo vi- *Curam*  
 ram suam omnem sedulo ad Dei gloriam *habeat*  
 salutemque propriam, manè maturet sur- *profectus.*



gere tempori, tum vacare orationi, munia-  
que consueta pie peragere. Sæpe discu-  
riat conscientiam; profectumque vel defe-  
ctum disquirat; vt animæ statum peruideat,  
siue progredientis, siue regredientis: vbi  
defectum culpamque deprehenderit, ilico  
proponat eius emendationem, & confes-  
sionem: ne relabatur, caueat; sicque vitam  
instituat, vt omnia singulis horis ita perfici-  
atur, sicut diuinæ gloriæ salutiq; cōgruit.  
At si mentis propensionem in certū crimen  
obseruauit: incumbet in eam curam sedulo,  
vt expugnet, toties certam explendo pœ-  
nam, quoties se notarit culpam iterasse;  
Deum sæpius obtestando, gratiam vt vberem  
largiatur eius infinitam bonitatem  
nunquam deinceps sic offendendi.

*meritifica-  
tionis.*

22. Concepto autem sui ipsius odio sa-  
lutari, conetur omnes animi prauas incli-  
nationes & passionēs vincere, propriam  
abijcere voluntatem, omnes prauos animi  
motus, & appetitus refrenare, rationique  
subijcere; Carnis autem illicitas cupidita-  
tes cōtinuo reprimat, corpus seuerè rigi-  
deque coercendo, effrenatos dictos motus  
& appetitus vincendo, prauas consuetudi-  
nes deprauatæ naturæ, quæ spiritualementem  
animæ progressum, bonorum operum meri-  
tum maximè remorantur, extirpando.

23. Quo-

23.  
in mal  
larum  
exerci  
noctes  
quo po  
um vir  
ua vita  
cumula  
24.  
exilium  
flebit;  
& inter  
litus, d  
mæ salu  
Sathan  
luptat  
cæcati  
ergast  
sto del  
& crea  
iurias  
immen  
dè, vt  
tiz lar  
spiciat  
gem se  
fructu  
misor  
mereat



23. Quotidie firmiter proponet vitam in melius commutare, & in diligenti regularum custodia, cultu diuino, virtutumque exercitio progressum facere; nihil aliud noctes & dies animo voluet, quam modum, quo possit maiore spiritus ardore in omnium virtutum perfectione proficere, & noua vitæ cœlestis meritorum incrementa cumulare.

24. Eodem pacto continuo huius vitæ *defleas* exilium, & offensas Dei deplorabit & *propria & aliena peccata.* flebit; non proprias tantum, sed & alienas; & interiori animi sensu suspirabit medullitus, dum innumerorum peccatorum animæ salutis æternum discrimen adeunt, qui Sathanico pressi iugo, foedis corporis voluptatibus, & indomitæ cupiditati & exæcati degunt mortui, licet adhuc corporis ergastulo compediti. Ideo nō desinat Christo despōsa virgo tot animarum interitum & creatori suo irrogatas tam graues iniurias & offensas ex animo deplorare. simul immensam Dei bonitatem exorando feruiddē, vt miseris lumen verum vberioris gratiæ largiatur, quo collustrati maturē perspiciant vitæ præteritæ prauitatem, ad frugem se recipiant, dignosque poenitiæ fructus agere satagant, quibus veniam commissorum, & demum æternæ vitæ præmia mereantur.



*Grata sit  
Deo pro  
beneficijs.*

25. Simili modo quam non memine-  
rit beneficiorum, quæ à benefica Dei crea-  
toris manu tam accepit hætenus, quam in-  
dies percipit; præcipuè quod à diuina maie-  
state è perniciofa fallacique mundi liberta-  
te feliciter educta tot è laqueis & periculis  
salutis erepta, translata fit in coenobium, v-  
bi abundat occasionebus, & varijs modis  
innumera bonorū operū munia peragendi,  
peccata declinandi, merita cœlestia cumu-  
landi, quibus demum cœlestis vitæ præmia  
consequetur.

*memor  
maris.*

26. Mortem verò non indies solum: sed  
omni cogitet hora, simulque perpendat,  
quod se moritura fecisse desiderabit, om-  
nia scilicet totius mundi pia opera fecisse:  
nec vllum peccatum commississe.

27. Consideret, quo gaudio solatioque  
mens perfruetur ob pietatis & virtutis pa-  
trata opera; sollicitam legum & statutorum  
ordinis custodiam, & quo conscientia re-  
morfu doloreque sit crucianda, cum animi  
non leui confusione quando tam exigui fer-  
uoris & tot defectuū, ac peccatorum in re-  
gulas commissorum fuerit recordata. Quo-  
circa continua vigilantia, studioque poen-  
itentia comparabit se ad terribilem & iure  
formidandam diem vltimam mortis, ho-  
ramque iudicij; reuoluendo, quam rigidam se-

seuer  
ration  
gione  
tiaeque  
habem  
stater  
nimi p  
tibus,

28. I  
de om  
temp  
contr  
prox  
rit de  
cum f

29.  
ferni  
quir  
les, in  
sine fi  
vel au  
lamit  
lestia  
stem  
denti  
lerar  
qui p  
asped  
latus



seuerissimo iudici vitæ totius redditura sit rationem de tempore professionis in religione transacto, de sollicitudine, diligentiaque, quam in cultu diuino & cura salutis habenda tenebatur adhibere. Quam constanter diabolicis tétationibus, indomitis animi passionibus, prauis naturæ cupiditatibus, & proprijs desiderijs repugnarit.

28. Denique ponderet, secumque reputet de omni verbo otioso, inani cogitatione, tempore sine fructu præterlapso, quidquid contra Deum, contra salutem animæ suæ, proximumque cogitauit, dixerit, & fecerit de eo exigendam esse rationem; nec locum fore vel excusationis, vel effugij.

29. Cum horrore tremoreque pœnas inferni memoret, totoque cordis affectu disquirat, quam atroces, acerbæ, intolerabiles, incredibiles, & innumeræ futuræ sint, sine fine, termino, requie, sine spe solatiij vel auxiliij. Nā si quis in hac mortali vel calamitosa vita non sine summo fastidio, molestia doloreque non potest, vel vnā noctem dolores febriles, capitis, stomachi dentium vel aliorum partium corporis tolerare; licet ipsi per se sensim euanescant, qui poterit atrocissimos inferni cruciatus, aspectū terrificū tartareorū spirituum, eulatus desperantium, & horribiles vlu-

*pœnarum  
inferni.*



latus, clamoresque damnatorum: illam deterrimi carceris & foetidissimorum antrorum maleolentiam, illas angustias, & innumeras afflictiones, quæ miseræ & infelices animæ æternum patientur, hæc inquam omnia qui poterit sustinere?

*Et cœlestis gloria.*

30. Denique Christo dicata virgo, & Sponsa feruenti verset animo, quam ingens gloria, foelix & æterna beatitudo sit, quam Deus omnipotens electis suis, & dilectis animabus, omnibusque, qui constanter, fideliterque ei seruiuerunt, ex animo dilexerunt, eius diuinis iussionibus paruerunt in regno suo præparabit.

Præsertim verò consideret singularem illam religiosarum Virginum coronam & præmium quæ Deo sanctè seruiuerunt, sacro feruore, & peruigili cura cor suum purum sponso seruarunt, sensus arctè custodierunt, ordinis statutis, legibusque diligenter obtemperarunt: in orationibus assiduæ, in seruando silentio sollicitæ, feruidæ & ardentes in sancta obedientia, perfecta paupertate & Angelica castitate, omnibusque ad perfectionem requisitis seruandis exstiterunt: consideret inquam qua speciali gloria tales perfruentur, in illo regno glorioso. Tales profecto virgines religiosæ ad altissimos & sanctissimos S. Apostolorum

lorum  
vitam  
gida  
mund  
bonis

Hæ  
ma fil  
contin  
debet,  
di cer  
gloria  
& tran  
meris  
piscat.  
DOC  
tio

1. C  
ciacul  
2. C  
& agat  
test inf  
3. D  
pria v  
fendit  
4.  
temqu  
tuo su



lorum sedes in coelis euehantur, quorum vitam & Euangelicam perfectionem in rigida seueraque vita religiosa spretis huius mundi pompis, opibus & honoribus sunt in bonis æmulatæ.

Hæc sunt breui summa collecta, carissima filia, puncta, quæ Virgo religiosa continuo versare animo, & cogitatione debet, ac moribus exsequi, si viam ingredi certam sacramque salutis ad æternam gloriam desideret, & vitam in gaudio, pace & tranquillitate conscientiae ac cum innumeris solatijs animæ transigere concupiscat.

DOCUMENTA QUÆDAM SELECTIORA pro Virginibus, Deo deuotis in sæculo degentibus.

1. **C**Or Deo continuo vniat, per ardentiores & selectiores aspirationes, & *Aspirationes* *nes.* *eiaculatorias* ad eum directas preces.

2. Cum ijs libenter & crebro loquatur, & agat, à quibus ad amorem Christi potest inflammari.

3. De nulla re tristetur, nisi propter propria vel aliorum peccata, quibus Deus offenditur.

4. Amorem proprium, vt radicem fontemque omnis mali, & incommodi perpetuo supprimat & extirpet. *Victoria* *sua.*



5. Tentationes omnes, & tribulationes cum gaudio & gratiarum actione suscipiat à Domino, cum Christi cruciatibus uniat, & Deo Patri pro peccatis ad eius auctoritatem gloriam offerat.

*Profectus.*

6. Serio consideret quomodo possit in dies Deo magis placere, veteres defectus & peccata corrigere, speratam cordis puritatem, & alias virtutes obtinere.

7. Iniurias & detractiones omnes & quod ferat animo, pro eo, qui eas infert Deum ex animo precetur, eidem bona praestet, & plura Dei amore pati desideret.

*Humilitas.*

8. Nihil unquam boni sibi tribuat: sed se omnibus ducat inferiorem, & omni dignam contumelia, vel iniuria.

9. Exerceat se in vera tam interna, quam externa animi demissione: vitet omnem honorem, amet corrigi & reprehendi: neminem, ne minimum quidem unquam siue contemnat, aut se vilioris arbitretur.

10. Non sit proprii iudicii tenacior: sed amore Dei superioribus, & maioribus penitus se subiciat & obsequatur.

11. Proximum, cum in periculo patrandi peccati mortalis versatur, sedulo deterreat: vel quouis alio licito modo conetur peccatum impedire.

*Occupationes dominicales.*

12. Omnem diem festum vel dominicum

cum



cum præcipua quadam pietate transigat: orationi magno feruore diligentiaque vacet, tempus reliquum domi lectione librorum spiritualium impendat.

13. Inutilia colloquia, verba otiosa, conuiuia, familiaritates aliorum qualescumque, quæ Dei charitatem imminuunt, velut pestes, & ignem gehennæ fugiat, & detestetur.

14. Ad auditum horæ breuiter discutiatur conscientiam, oratiunculâ certâ felicem precetur mortem, vel saltem salutationem recitet Angelicam. *Horaria  
recollectio.*

15. In colloquijs aliorum assuescat agere de rebus diuinis, præsertim ijs, quæ Dei amorem in cordibus audientium prouocant. *Colloquia  
pia.*

16. Aliorum defectus ferat æquanimiter, & cum potest in meliorem interpretetur partem, vel excuset, nemini verò eisdem aperiat, nisi qui possunt eos emendare. *Caritas  
proximi.*

17. De nemine malè suspicetur, aut cogitet, neminem temerè iudicet, suos potius defectus & errata peruestigare & corrigere satagat.

18. Caueat curiositatem omnem, & amet veram simplicitatem.

19. Omni tempore tranquillo sit animus. *Æquanimi-  
tas, mitas.*



mo, & eodem semper vultu, nec deiectior in aduersis, neque hilarior æquo in prosperis.

*Fugatio.*

20. Vitet otium & discursus non necessarios: in his enim vt puluinari quiescit diabolus.

21. Declinet seculares societates, amet solitudinem, non occupet animum audiendis nouis rumusculis: neque ijs vel turbetur, vel lætetur.

*Intentio operum.*

22. Pia proposita manè concepta per diem sepe renouet, vt eo facilius omnia sua opera minima & maxima purè dirigat ad Deigloriam.

*Modestia.*

23. In corporis externa compositione memor sit decentiæ, modestiæ quæ moribus sit pudica & verecunda, vt castam decet Virginem.

24. Vultu sit hilari, sereno & constanti, demissis oculis, præsertim apud alterius sexus homines.

25. Moderata in incessu, in verbis parca, in omnibus negotijs & occupationibus prudens & circumspecta.

26. In congressu & colloquio præeat omnibus exemplo honestatis, nemini verò sit offenculo, sermones verò minus pudicos prorsus abhorreat.

27. Corpus neque mollius quam decet, neque

neque o  
discret

28.

les absq  
ceat, n  
ligiosæ

29. I  
necessit  
stauram

30.

uet or  
quem s  
hebdom  
nendo,  
aliaque  
da, qu  
vel sur

31.

positi  
cum hu  
obsequ  
ce & m  
uiat, n

EXE

I. SAE



neque quam par est, habeat durius, memor discretionis & mediocritatis.

28. Vestes esse mundas conuenit, & viles absque singularitate, nec in ijs sibi placeat, non sint seculari statui; sed magis religiosa modestiæ accommodatæ.

29. In cibo potuque sit temperans, iuxta necessitatis regulam; ad vires corporis instaurandas. *Temperantia.*

30. Quotidie paratum, statumque seruet ordinem domesticarum occupationum, quem sibi pro diebus omnibus, vel certis hebdomadis præfiniat: particulatim decernendo, quo tempore, laborandum, orandum, aliaque spiritualia exercitia sint peragenda, quando comedendum, incumbendum, vel surgendum.

31. Domi in qua plures eiusdem propositi habitant vna se alteri ex animo vera cum humilitate & charitate subijciat: & obsequijs promptis præueniat; sicque in pace & mentis tranquillitate Deo viuat & seruiat, sibi que semper moriatur.

EXERCITIA SEX UTILIA AD  
*dicta puncta facilius obtinenda.*

I. SAEpius mentem ad Deum eleuet, & ar-



ardenter impleret gratiam & auxilium eius, sine quo nihil ex nobis possumus.

2. Cum in defectum & peccatum inciderit; resurgat ilico, poeniteat ex animo, humiliter confiteatur cum firmo proposito cauendi de cetero.

3. Quotidie sacro missæ officio piè cum gratiarum actione inter sit.

4. Omni die Dominica & festo summa cum humilitate & amore communicet, si non re ipsa & augustissimi Sacramenti vera perceptione saltem spiritali modo.

5. Magnam attentionem præbeat auditura conciones; vel lectura libros sacros, quasi verba de ore Dei profluerent: aduertat autem, quid ex eo sit opere exhibendum. modum etiam eius perficiendi tacitè secum expendat quantum honori diuino, propriæque salutis congruit.

6. Libenter & promptè superiorum monitis obtemperet, consuetudinem & familiaritatem eorum declinet, quibus non censeret animum accendi: sed potius in amore Dei, virtutumque refrigescere.



DOCUMENTA X. AD VITAM HOMINE Christiano dignam congrua, & cuius statui, sexuique accommodata.

I. **Q**uoniam salutis nostræ tota ratio *intensio.* in recta intensione collocatur; ideo semper omnia vitæ nostræ dicta, facta & cogitata purè sunt ad Dei gloriam dirigenda.

2. Prauis animi cupiditatibus, propensionibus, & desiderijs repugnandum est, *victoria sui.* compressa peccandi licentia, & amore nimio fluxarum rerum; Quamdiu enim mortale corpus nostrum superest, & viget, semper pugnandum, semper vigilandum est in carnis & sui ipsius victoria consequenda; nam quo plus voluptatis terrenæ nobis accedit, hoc animus à Deo longius separatur, & plus accrescat tormentorum post mortem subeundum. At quantum voluptati decedit, tantumdem accumulatur interni, & spiritualis solatij.

3. Inclinationes cordis & voluntatis re- *amor Dei.* prime, ac reclude; ne irre pant res caducæ; semper autem Deo, diuinisque rebus pande sinus omnes cordis, ut si eo solo conquiescas. Libera te omni cura & anxia solitudine tui ipsius. Da terram (quam tamen aliquando cogeris deserere) pro cælo, quod sperare iuberis; & eris Rex & Dominus



torius mundi, poterisque libero, puroque corde Deo adhærere.

*humilitas.*

4. Humilitas profunda viam pandit securissimam amoris Dei. præterea viuum, firmumque fundamentum est omnis sanctitatis: Ex eadem velut radice foecunda, patientia, vera quies animi & perfectio, mansuetudo, Dei laus, & reliquæ virtutes omnes pullulant.

*Amor proximi.*

5. Res omnes aduersas, & iniurias patienti mansuetoque perfer animo. Omnes homines cõmuni & vniuersali amore prosequere, cuncta, quæ vides, in meliorem partem interpretare: misericordiæ operibus sedulo inuigila; malefacta conare beneficijs compensare, vincens in bono malum.

*resignatio.*

6. Te ipsum totum cum omni voluntate consecra Deo, eiusque potestati sic subijce, ut cum eius voluntate congruat: abdica prorsus à te creaturarum rerum amorem, & solatiola. Nulla res contristet animum: nisi qua Deum offendi poveris: nihil delectet, nisi quod Deo placitum & probatum esse sciueris.

*recollectio.*

7. Discede à nimia & periculosa consuetudine secularium hominum, apud te ipsum in animo habita, teque recollige, liber ab omni vanitate, corde purus, in verbis verax, in operibus & negotijs sincerus: Te ipsum

ipsum  
diuinæ

8. To  
sideria  
ant, eun  
catione  
illo.

9. Sa  
fionem  
vide qu  
illa sing  
calamit  
est: nam  
Dominu  
tunc, cu  
sponsa  
mortel

10.  
semper  
habemu  
medull  
re, q



ipsum cognosce, oblitus aliorum : semper  
diuinæ præsentia memor.

8. Tota mentis propensio, cordisque de-  
sideria semper Deum suspirent, illi inhære-  
ant, eum diligant, cum grata animi signifi-  
catione: Nihil scias, velis vel possideas sine  
illo.

*præsentia  
& unio  
cum Deo*

9. Sæpè cum pietate recale vitam & pas-  
sionem Christi : cum illa tuam compara;  
vide quam propinquè vel remotè absit ab  
illa singulis in virtutibus ; præsertim cum  
calamitas aliqua diuturnior tibi toleranda  
est: nam patientia vestis est nuptialis, qua  
Dominus tuus in cruce voluit amicitiri  
tunc, cum animam tuam velut electissimam  
sponsam sibi maritavit, ut eam ab æterna  
morte liberaret.

*memoria  
passionis  
Christi.*

10. In laude Dei & gratiarum actione  
semper permane; quidquid enim sumus, vel  
habemus ab eo nobis promanat. Ideo te ei  
medullitus offer & consecra tam in tempo-  
re, quam æternitate, ut tecum dispo-  
nat iuxta sanctissimam  
voluntatem.

*Gratias  
rum actio.*



EPITAPHIVM R. D. IACOBI

MERLO-HORSTII PASTORIS IN

Pasculo Anno 1644. die 21. April. mortui.

Conditur hoc tumulo Iacobus Merlo Sacerdos

Curio dum templi, maxima cura gregis.

Qui cecis oculus, claudis pes, panis egenus,

Defectis requies, exalibusq; domus.

Mansuetus, suavisq; bonis, censorq; malorum,

Castus & innocuus, iustitiaq; tenax.

Lux vite, morum speculum, pietatis imago,

Sal populi, Cleri regula, forma gregis.

Laudibus his tantis tamen vnica gloria maior,

Post scriptis nituit congrua vita libris.

De libris eiusdem orbi vulgaris ex nomine Anagrāma.

IACOBVS

Anagramma

VOCABIS.

Ostia dum linguis rura, patriosq; penates,

Teq; addit Clero Virgo Colona suo,

Iam studijs culti, & magnis virtutibus ausi

Ecquod erit studium magne Iacobe tuum?

Forte TVBIS, Clerumq; Dei, populumq; VOCABIS

In vitia vt iunctis viribus arma ferant?

Forte gregē Christi PARADISI ad rura VOCABIS?

Forte & BERNARDI te duce crescet odor?

Forte VIATOREM reuocatum errore monebis,

Vt sapiens certo tramite figat iter?

Nunc etiam exemplis morū & virtute VOCABIS.

Nempe quod in viuis, post tua fata facis.

F I N I S.



BI

IN

i.

os

m,

tior,

ama.

ABIS

ABIS?

ABIS.



STAFFORD, N. E. 1798

THE FIRST PART OF THE

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798

STAFFORD, N. E. 1798


STAFFORD, N. E. 1798

STAFFORD, N. E. 1798


STAFFORD, N. E. 1798

STAFFORD, N. E. 1798












Biblioteka Jagiellońska




stdr0028481









Idea  
P. Sac  
Acti